


Литературала ҃агъистан

16+

ISSN 0235-0149


Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



2
2016
март - апрель

Чакнала ваттайзіб



Тъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Правительство Республики Дагестан.

БЕКІ РЕДАКТОРЛА КЪУЛЛУКЪУНИ ДУЗАХЪУСИ
Мурад Гъяхимадов

ЖАВАБЛА СЕКРЕТАРЬ
Т.Зургъалова

РЕДАКЦИЯЛА КОЛЛЕГИЯ
Х. Курбанов (*журналла редактор*)
К. Мигърабов
М. Хъядимов
Т.Сягидов

ЖАМИГІЯТЛА СОВЕТ
А. Гъабдулманапова
А. Каймаразов
И. Ибрагимов
Х. Хъабибова
Х. Юсупов
И. Мяхиммадов

2
—
2016
март-апрель

Кел базли гъачам
дурабулхъан

Выходит один раз в два месяца

1952 ибил дуслизиб
аклахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ПОЭЗИЯ

ШапигI МЯХИЯММАДОВ. <i>Назмурти</i>	3
Байгинат КЬУРБАНОВА. <i>Назмурти</i>	9

ПРОЗА

Къасум-Бег МИГЪРАБОВ. Шахли дигубти къар.....	12
Хадижат ХИЯБИОВА. Гъашибил даршусла гъигъ.....	21

ПОЭЗИЯ

МяхИяммад ХИЯЖИЕВ. Галгубала ургабра бархьдеш баргес хIейрулра.....	29
Уризат РАЖАБОВА. <i>Назмурти</i>	33
Къурбан ГИЯХИМАДОВ. <i>Назмурти</i>	34

БАСНЯБИ

Тавсултан СЯГИДОВ. Хиябал басня	36
---------------------------------------	----

ПРОЗА

Ибрагим ИБРАГИМОВ. БецIла къярд дирихълиуб.....	42
МяхИяммад КЬУРБАНОВ. Яни гъамбикIухъели.....	53

НУШАЧИВ ГИЯХИЛАДЛИ

МяхИяммад ГИЯХИМАДОВ. Гирапат.....	62
------------------------------------	----

ПРОЗА

Муталим МУТИАЛИМОВ. Диштнати хабурти.....	70
---	----

ТИАБИГИЯТЛИЧИЛА

БяхИяммад ХИЯЖИЕВ. Дила дурхъядешла хIеб.....	82
Ибрагимхалил МяхИяммадов. Тиябигят.....	89

ПОЭЗИЯ

МяхИяммад Муртазалиев. Назмурти.....	91
--------------------------------------	----

ФОЛЬКЛОР

ШяхI МяхИяммадсягIидов. Даргала халкъла буралаби.....	95
---	----

Журнал зарегистрирован Федеральной службой по надзору в сфере связи и массовых коммуникаций.

Регистр. номер ПИ№ТУ5-0023 от 21 мая 2009 г.

Типография: ООО Издательство “Дельта - Пресс”.
Адрес типографии: 367000, РД, г. Махачкала, Промшоссе 10^а.

ГЪАЛМАГЪДЕШ №2 2016 г.

На даргинском языке

Выход в свет 19.04.2016 г. Тираж 326 экз.
Заказ № 0403 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367025, РД, г. Махачкала, ул. Даниялова 55.

Электронный адрес редакции:
litdag@mail.ru

Поэзия

ШапигI
МЯХИЯММАДОВ



ГЬАР ИНСАН УРЦАХЪУТИ

ИГЬБАР, ГЬАРБИЗ, ДУКЛУМИ

Игъбар – гъарбизлис инса
ҮркIи хапли ташбилзан,
Халаси сархибдешван
Камсира дурхъабилзан.

Гъарбиз – ил дигайлизиб
Ил гъярмула дукъбачиб,
Муриси муэрличил
АбицIур дугурбазиб.

Гъарбиз – хъалибарглизиб,
Бируси хIинчилизиб,
Инсай талабдирути
ЯхI-хIая, ламуслизиб.

Гъарбизли гъярму булан
Геркъадибули ууру,
Сецад камси биалра
ҮркIи-чарх разидибу.

Гъарбиз бархли башалли,
Игъбарлизи халбирү,

Аллагъали лайвакIили
АхIенри или, буру.

Гъярмула къалализи
Гъарбиз баҳъли халбирү,
Сепайда, илинира
ЦацабехIити хамбирү.

Гъарбизла ахъанайти
Детааб хабарлати,
Гъярмула къел дунъялис
Даймлис кавлахъути

Игъбар, гъарбиз, дуклуми
Гъар инсан уцахъути,
Ванзала ва гъяршла диркъ
Инсайзи умцIахъути.

Гъарбиз абицIаб хIечи
Инсан, хабарлизибван,
Гъанбикесли гъярмула
Ари хIела хъатлабван.

АСУБИРАР ДИКИЕСРА

Ванзаличир дуркIути
Гъярму гъарил, адамла
ДяхIимцIайзир тахIярли
Буру тикрардибули.

Нушачибад акIубти
БиштIатала биштIата,
Даршдусми дарсдикIалра
Иш дунъя бузахъута.

РухIличил гIяршилизирти
ДяхI-сипат кадацIили,
Гъарилличи мешути
ДурхIни дакIубибурили.

Нушани хIебагъурли
Асубирап дикIесра,
Манзилла сагал дуцIла
Асарла цIакъ багъесра.

Асубирап хIялани
Мешути хIедиэсра,
ГIилмула дуцIли дагъри
ГIяхIцад имцIадаресра.

Ласла дуцI иш дунъяли
Багъла-гъалак баресра,
Урхьни-хIуркIбазирти шин
ГIяхIцадла камдиэсра.

СенкIун иш барсбикIуси
Дунъя лебсин кахIевлан.
Бацличирра итхIели
Махъурби дакIудулхъан.

ИшхIеллла ванзала тIем
Асубирап барсбиэс,
Муэртазир хIергъибти
Духълуми дакIудиэс.

Сабухъуна духъули,
Гашила децI бетахъес,
Тухъдеш ризкъи-цIедешла
ГIяхIцадла имцIабиэс.

Асубирап гъар инса
Чарх тазаси бетаэс,
Дармунтачи хIяжатдеш
ИшбархIиван кахIели.

ДуркIул дусмала лугIи
Даршлишиб имцIабиэс,
Урцуул-къаркъала гала
Цала мягIини бетахъес.

ГIлимтани челябъла
Бираргу хIебагъесра,
Къакъурбазир машинти
Агаргин детахъесра.

Инсунти арцантыван
Урцуул манзил бакIесра,
ЦахIнаб дунъя дуцIрумван
Вавназиб пархбикIесра.

Челябълала манзилла
Савгъат – багъа дигIянси,
Даршдусми гъалахесван
Бурес цали хIейруси.

ВАНЗАЛА ДИРКЬ

Дила хъали, акIуб мер,
Ванзала диркь, хIу сабри,
ХIела дяхI шаладарес
Харждирис цIакъ ва ахъри.

ХIечибзун ихъис гъуни
ХIер-ганзли, барьудили,
ХIезивра умцIахъуси
Дагърила багъудила

Ванзала диркъла чедиб –
Нуни гъигъибурул гъава,
Урунж шараб парчдикIул,
Камли шулбибурул вава.

КъацIла даймси хъулчи
Нушаб гIямалагарси,
Сабухъ камбиубси дус
Пикруми рурхъяхъуси.

Исбагъи зурхIябла цIакъ
Нушаб бетихъахъуси,
Ризкъила къякъла хIурмат
Бирахъес гъирдируси.

Арцантала макъамти
Нуша хIергъандирути,
БерхIила шалати дяхI
Хапли цIудардирути.

КъацІла агри – гъарилла
ГъанкІла тІагІям бульуси,
Дагърила гІяхІси пикри
Бамкъахъес цІакъ кертІуси.

Ванзала диркъ – сихІрула
ДигІянаси цІакъ – лебси,
БекІла меxІе, уркІи-чарх,
МицІирдеш духъахъуси.

Ванзала диркъ – берхІила
Нурнани бужуси,

Гіамрулизиб гъар ганзлис
Кумекли бетаруси.

БекІала капайзивра
Инсан дуклаурцуси,
РухІ мицІирдиубхІели
ГІекІиб унза ибхъуси.

Ванзала диркъ гІамрула
Хъулчили бетаурси,
Инса хІечив левцадхІи
Дурхъасили кавлуси.

Галга чебаибхІели
Гъар инсан хІулуркІахъес,
Мургъи-ранг гъумла авлахъ
Даршинали жагабарес.

Духъути дургар ишар
Галгуби чумиздагла,
ТІем-тІагІям дагъахъесван
Алжанала цІедешла.

ЧатІни дурхІинас хІеб хили,
Дубуртази дашути,
ДуцІрум дурхІини садитІи,
ГІеладяхІ ардаштути.

Дургар тІагІям гІамрула
Гъар инсайзи багъахъес,
Илала дагърилизиб
Чула багъа калахъес.

ДУГУРБАЛА ЦІУМЬАЛА

Гіамру деркІнила бикъри
Целда-дила бузери,
Ташбалта бекІла шайчи,
Лебтас къайда, хІябличи.

НабкІун дила у кали
Дигулра адамлизиб,
Дила дурхІназиб къайда,
Шантазиб балутазиб.

Дигулра майала кІантІ
Кали ванзала чедиб,
ГъанкІ хІехъиб дугурбала
Ціумъала даргантазир.

Харидешла зурхІябли
УркІби хІулкІудибули,
Арцур далайла дугъба
Лусен зайдикІахъули.

Леври, жявли арякъун
Дарганта гъануршули,
Инсунтасра, сунесра
Даим талихІ лушули.

Савгъатлис закла урми
Инса хъатла керкули,
Даршдус – гІамрула бурхІини
Лебтас деркІес биркули.

Дигулра гунзрала къел
Някъишван уркавлули,
НасихІят – лямцІла шала
УркІурбази алтІули.

Девла давла дардхІели
Кумеклис гъабилзули,
Милигсилис, гушсилис
КъацІ-шинна мер бурцули.

НУ ВИКІУЛ БЕТХІЕАЛЛИ

ШалғІердухъи гІамрула хІулкІули дуркІул бурхІни,
АдицІухІели набчи дуцІ хІярхІти сягІятуни.
Цацун саби калунси улгес чевяхІсилизи,
ИмцІякъ инжитхІерили, хІерварахъес сунези.

Ца жумягІла бурхІначир бузри камдиубхІели,
ДуркІул гІамрула гъуни кабурхни багъурхІели,
Хъуравараб малаик, хІядурварес архІяли,
Бунагъуни камдирул балгнази ну ахъесли.

ИлхІели къас гъарбилзан бабгес калунси ахъри,
Дарх камли ардухесли кертІес калунти дагъри.
Чебла ахъес, чеасла вируси таманбарес,
Гъуниваили гъамти ихтилатли шадбарес.

Гъарбиз хІерси, хІехъибси гъунчи ну дураухъес,
Арцес хІядурси хІярхІя хІярализиб калахъес.
Рахли бахъла хІейасли, ца инса жан дерцахъес,
Илала уркІилизиб харидешла цАбикъес.

ХатІа иркуси илра, варгили, гъунчикаэс,
Кайкибси, някъ буцили кумекличил ахъуцес.
Дагърили дебш жагътала виубцад имцІадарес,
Далайла ца пигъала чус сагаси гъабуцес.

Базалра калунхІели багъасли аркъни хІябла,
Икрамбираис гъариллис, чебберхаб шанти дила.
Кінайс ихтилат бири, бегІла гъамти буцили,
ГІяхІти-вайти дитІакІес умцантачи кайхъили.

Ну викІул бетхІеалли, биаб ЧевяхІси викІул,
Ил сайну кІиэсилра дунъяла къадар лукІул.

КАХСИ ХАБАР

Манзилла тарих лукІес
Сеңад къасли вицІасра,
Үркавлули сар хІябра
ХІисабхІедарибири.

Чили вирули арзес
Лерил хІялалдешличил,
ХІяжатлив илди арзес
Щібси хІярамдешличил.

Биаб дунъя бархили,
ГІилмула цІа bemжурли,
ГІамрула цІала лами
Даим ахъ-гІяшбикІули.

Ил кахси хабар ахІен
Буру чили биалра,
Камти ахІен инсунти
Уржили хІербирути.

Кахси хабар – арц лерта
Дявти адилкъухели,
Ванза г'яйиб агарла
Хиличил иркухели.

Кахси хабар – х'яйванван
Инсунти лугъухели,
Нешла х'улбазиб децлис
Лами пархбулхъухели.

ПАЙ ХАЛАЛ БИАБ НЕШЛИС

Дявти, биса, ц'умъала
Г'яламла, нешла, дила,
Къяркъси къисматла бяхъла,
Къацла камбик'удешла.

Пай халал биаб нешлис
Децла, ц'умла, х'янчила,
Бамери г'еч, гъанк'ахъара
Мугълат агур балагъла.

Декъ кадурхи. Ризкъира
Дег'ес къасли датурти,
Сабурличил сумала
Лутни далци сархибити.

Бег'тала дурхъал савгъат –
Нешли г'яргбири къани,
Бурги арца суряхъи,
Гушхели дила кани.

Барсбири тиладили
Мукъи-мях'ярла сяг'лис,
Къуллукъ барес дигули
К'идех'алра г'ямрулис.

Илди делкъес дашира
Яни буг'ярдешлизир,
Агъ, къиянти дукъбикад
Дугила ц'ябдешлизир.

МУРГЬИЛА БЕТАРУЛИ

Мук'урлира, бунагъла
Ганз муртрил кац'ниличи,
Жагъдешла х'ярубазир
Дазурби ду'ниличи.

Гъанна х'яндеш, х'ялалдеш
Ибкъли дархли дашули,
Дила г'ямрула къала
Таманбарес лушули.

Х'ейгулра шут'ини-къунби
Дурути набчи гъамли,
Иш ляг'натла замана
Мялг'унван хъусбик'ули.

Дигулра, бахъ дигулра
Бархъдешлис хъя иргъули,

Г'ялам илди хъямазиб
Манг'ушван ч'ярбик'ули.

Дигулра Чевях'исили
Бархъдеш бульул х'елтули,
Ил някъби-къяшми дархли
Дигъунсиван калтули.

Бахъла цаси пикрили
Г'ялам гъунчи кайули,
Авадан дунъяла диркъ
Гъалжайчи шурбалтули.

Дигулра дигайлизиб
Г'яр ч'ала г'яргилзули,
Цадешла г'яр мекъ лебтас
Мургъила бетарули.

МАНЗИЛ

Жагъдеш – манзил ихъуси
Гъуни г'ячихъириуси,
Г'ямрула варачайзи
Инсан ух'наулхъуси.

Жагъдеш – дигайла манзил
Вавни г'яргдирахъуси,
Г'ямрула убзали chir
Цадеш дебшладириуси.

**Къадили бариб магъар
Мугъурли марбируси,
КІел уркІила цадешла
Мекъ Гяламлис бирузи.**

**Цабиубти жагътани
Сагал бегІти бургуси,
ДицИбти пигълумачил
Азир балга иргъуси.**

**Манзил – чархла хИлизир
Дигайла цІа алкунси,
ТалихІличи гъарбизла
Ихъул гъундури хЕрси.**

**МехІелизир дагърили
Къелани урдалтуси,
Челябкълала юрт белшес
Дебъал хъулчи лушуси.**

УРКИИ, XIУ УРКІМАБУЛХЪАД

**Кахси бебкІала сягІят,
Балас, хапли абицІур,
УркІилабад бусягІят
Сабур уркІли уббицІур.**

**УббицІур кабурхухІел
УркІила чархла ахъри,
ТІалабдарес виубти
ДилшухІел лерти дагъри.**

**БухІнабиркур декІдешла
Гъагул жан къябудуси,**

**БегІ гЕргъи чедибурхар
Ругер рухІ ахъдурцуси.**

**Глямру арху дилара
Кахси бебкІала дягІли,
Бузри, бурхІнала лугИи
Гъарилла гЯчихъхІели.**

**Тилади, ил сягІятра,
УркІи, хІу уркІмабулхъад,
Кален, дазулизибад
Вари дурамабулхъад.**





Байгинат
КЬУРБАНОВА

ДАШАХЪЕС КИЕЛРА

Башахъенгу ахIерси
Далай гъаниркахъули,
Алавуциби жагъти
Шадли хъатбикIахъули.

БелчIен, башахъен ахъли
Набчира чебихесли,
ЛергIер карцIрирахъули
ХIяланази хIу гъанти.

Жидара дулхъес нушаб
Къабулданти дубурла,
СалхIахъен вавни хIебла,
Дашахъес гадли кIелра.

Ибкъдеш хIебицIахъурал
Руцили ратхIейуси,
БелчIен дигайличила
УркIичеррара хIерси.

Чедибад белшен хIеркIла
ЗурхIяб нушаб верхIрангла,
Ари га умудешла
Палтар чегъахъес мекъла.

ТалихI къадарбарили
СяхIбатла мявализир,
Чакани дуклумиван,
Някъби гъардара набчил.

ДИЛА ВАТИАН

Хала бегIтала ванза
Дагъистан яхI-сабурла,
УркIи цакъти, чIумати
Ца дяхIла адамтала.

Тикрап:
ЖибикIен гъунартачи
Далуйтани ванзала,
Гъардашахъули тIамри
ХIела багъадуртала.

ХIечила гIяхIла хабар
Дунъякадли урцесли,
Ахъанайти ахъесли
Гъалабиз убкайсести.

Шаласи мурадличи
Гъар адам гъирирули,
Дуклумачир чIакниван
ЗакидяхI гъуцIдирули

ДИГИВ ВАШЕС?

Дигайли дикуси бягIлила галга
Вавалира бирхъур, цIедешра луга,
ЧехIейули левай, набзир хIелуга
Паргъатдеш селилра, уркIира буга.

Дурхъаси гъязизси чеэс дигули,
Гъар дайм гъяярли хөрдиклар хүлбү,
Деглара мурити, хүнү делкүнти
Үркилилизир дугьби чегяхидикгули.

Аргъала салхахъес, ну рерцахъурли
Дигайли гъабзала дазу агарти,
Мурт хярхбисара руцили рурцул
Цубхъ ятли ратхейул биркантазибси.

Тикрап:

Хъуракариусра, ашкархлейалли,
Ахиратла хъули, дигив къунакъли
Гъар мурталра вашес, децла пигъала
Бужес рухи игули хебличи набчи.

Марлира актайчи белгибарили
Лукгулира къисмат нушаб гъамрула,
Тиягъамра касили, дерклини дусми
Дурули кайайчи, дарий-датурти?

МАДИРХЬИД БИКИИ НАБЗИ

Агъ дигай, хял буцларти
Гергъи аркути хапли,
Уркби далхидикалли
Дурцути декли децли.

Дихьишара нунира
Чисалра гъанагарти,
Жал ирзули бамсурти
Къагъибули калахъес.

Чум ардякъуна гъатли
Гъанхлагар дуги-бархли,
Къацла ихтияр булан
Чебашута буцили?

Дихьибити пашманбирар,
Хедихьибити къясбирар,

«Мадирхьид, бикли набзи,
Гъяхиси буken ва русен...»

Бикпутачи раишав?
Хи вуикюси баришав?
Хлейгиварибити гъайли
Вайтла децлагахъишив?

Се балбуцалли гъяхисил
Дила уркили бала,
Виэс хлейрар духуси
Урхи бикпута виркюси.

Агъ, дигай, хял буцларти,
Гергъи аркути кункли,
Гъардизаб гъарил инса
Дицлини муридешли.

ВАШИ ГЯХИЛАДЛИ

Аргъайзи гъарил бархли
Набзи хи айцахъули,
Рухла вава умуси
Ретарусну дигуси.

Гъяхлад кили хеб набчи
Вашигу къанхлейубли,
Умут, хер шаладарес
Кертис асилдеш марти.

Гляшриубли урунжла
Бирцисра хед шарабла,
Бара салхун вавнала
Дяхи дирцибти аръала.

ЧебяхИбара хечила
Дигайла жи дурхъаси,

Кайи мякъла, дарманси,
Датдухъахъен биркIунти.

Дигайла жагъдеш дихIес
ДузехIе кIелра далли,
СяхIбат бирехIе шантас
ХIяланазиб атхIебла.

АГАРАНУ ЧИЛРА

Наб ну рагъес бекIил хIериулира
ХIела тIама бикъна рашес дигулра,
КIантI-кIантIли рацIили, биркIантикадли
ХIезир реткахъили чериргъулира.

Сагадарри жагъдеш набзир кIинайсра,
Абердили Гиниз лутIи агарси,
Чейулири наб хIу берхIила мерлав,
Агара рикIулра жагаси чилра.

ХIерхIейрис, гъайхIейрис, дирулра хъями,
Рагъес хIериулра, вягIда бульулра,
Гъалакли арцанван закла дукъбикад
Варгес уркIилизир арцес дуцIира.

Къагълира, ахIерси, хIедилшули цIа,
ХIеризи, тIинтIбара дигайла хабар,
ХIералтулирану, гъеч ну паргъатли
Дигахъес къадагъа бара, рапгили.

Дунъя бухънабиур жявли вавалис,
ПасихIти гъай дура, кани цIуб чатIас,
ХIебургулирану гIур хIелагъуна
ТIама чинабалра, умут цIакъбара.

РУКАБА, ЧЕКАЙСИСРА

Рукаба хIечил ралли
Дигайла улкализи,
Нуни хIу вагъарайчи
Бурулицун бакъибси.

Аратаба арцахъес
Закла капарайлизи,
ХIерризахъес чи левал
ТалихIчевси гIур набчив.

Рукаба улкализи
Чисалра гъанагарси,
ХIяланазиб мурити
ЦIакъти дигайлис хIерси.

Тикрап:
Бирисра хъя чекайсис
Халаси бирис хIурмат,
Дигайла улкализир
ХIерируса я къяна.

Проза



Къасум-Бег МИГЬРАБОВ

ШАХЛИ ДИГУБТИ КЪАР

Неш агнила деңли, Байнат жалряхънила къакъадешли ва Сабурличибад гІяхІцадхІи хабар агнила дардли шила уди, Аттагай къядрд таманбиубхели, чІянкІли диштІати цІубхІяр хІярхІнарси баргкад хІеркI хІекъыли кабулхъуси или гъанбикеси мерла балуй шайчибси майды гъакабухъунси лезмили илала дуцI тамай хІярхІбарибси вацІала дайлабси майдайчи вакІилри Хатир. Ишара ил, сунесра хабар агарли, къашмани килри. Пикруми дашули-ардашулри, амма аргъайчи бирюси асар лебсигъуна ахІенри, сенахІенну илала дяхІла цалра биркІан шишбулхъули ахІенри, гъигъ царуглири, хІер жанагарлири. Гъамтани, юлдашунани, шантани дурули аргъиби гъайра илала аргъайзи гъачам гъагултази духІнадиркули, гур амъурси закла чІябарлизи дурадухъи кІайдирхІути арцантыван сарри:

«... Хатир илгъуна акІубси виалли, сеңад сунес вайтІа биаллира сунела кыланас ва уркІила дунъялис марли кавлули виалли, се дирути ил ургевли пикриикіахъести къайгъни?...»

«Ца ил вархъли, цархІилти балкІлив гъатІи? Вирулив ил аргъес? Сунела хъалибарглис къакъгъавли кайзурсили чи муслаирү? ИлинникІун сай се-заманалра, чинавалра чевяхІли чейули сай. Се гІямру дирара, эгер лебилра адамти илдигъунти биалли?...»

«... Илала баркъудлумазиб гІядатла бархъдеш ва лебтасалра яқынси хІякъикъят баргили аргъес дигни дугІла къайгъни сарри...»

«... Ца ити гІядатли, цархІилтиван баришли, шин дашуси мерличибяхІ кІатІа хъурсбирули хІериэс дигулив гъатІи илис? Илала сунела гъуни, сай вегІси дунъя лебли биалли, чини чевулкІахъуси ил...»

«... ХIу илгъуна виъниличи сайра ну разиси, урши, сенахІенну алавчарли ташбиз агарли къалпра зулмурға, хІяжардешра думгухІели лехІкайхъусила адаб-хІая жаявил бутІла гъанкІли дуцили сарри. ВегІла халкъра Ватланра гъанни изхІейзуси илдас урхI сай. ХIу виадли илдачилри ва илди гъанни хІерирулри.

Адабла баркъудлуми мяштІдаресли тамай кадерсиви адам ургхІергар, амма ил чІалтІализив хIу левгІев вагъарли декІарулхъулри. СенахІенну къянаирили ахІенри ил бетуцла урдализив.

Адам баркъудили сай, дила Хатир, адамтала хІеранала ва кыматунала умцантачи калтуси, ва гъариллизи сай вегІси пикри цалабяхъялес имкан лугахъуси. ГІямрула мягІнира хІялра дагъес дигуси умцІлали бирахъу баркъуди.

Илини биалли хІу чи сайрил буру.

ВиштІахІейчирадти ГІямрули ва гъаладилзути тяхІяр-къядали хІечиван асар барибси ва илдазирадли хІед ГІягІнити дурсри касибси адам валхІелас нуни. Или ибси, хІу мурталра вархълири ибсира ахІен. ХІу ташмишикІулри, ургъулри, изулри ва узулри. ЖаликІулри, жиикІулри, ташхІейзурли умцІулри...»

— Юх, дудеш, ил бахъ чедихІартси, набчи хІела уркІи изухІели ва набзид инкарси сера чебаэс хІед хІейгүхІели саби хІезиб набчиле илгъуна пикри алкІуси. Гъамадли хІуни ил буруси, — ГІяшлицун ахІи, шипІрахІебарии, пикрилара цумлара ургабси дазу буунси даражаличиб иб илини. Мякълавсили ил бухІна тАма иргъхІергъуси, амма сунени Хатирли ил тАма ГІячихъли иргъулри. — ГІе, ГІямрули ветаахъурра ну ишгъуна дирхалахІебирхъуси ва васвасикІуси ваетаахъурси.

Мурталра илгъунара ахІенрагу ну, гъанбикахъа, севан уркІецІичевси ва муқъараван вирхаруси вирасил ГІяхІси дев увяхІсини бураллира. Гъамти ва наб ахІерти, илдала баркъудлумазиб къалпра, къянара, гужра леблихъалли ГІебхІебурцирав гъатІи? Илди гъанни гъазали кахІерхирав? Бархъдешла къалли цадехІ сари дяхІ дирути.

ГІе, наб чуйнара ГІямрули бяхъиб. Дила, гъачамлис хІедикъурти, хамдеш ва адаб чуйнара ганздариб. Нуни илди къугъни, или биэс ГІягІнисиван, заманаля бухъяндешлизир лехІли чекайсирагу. УркІи бисахъули, аргъала цумдикІахъули чекайсира. Хапли дила уркІила дайлар дигайли пукъа белшунхІели, умути хІяланани аргъала тамай дуцили чула ясир варибхІели набзив цархІил ну акІуб. Ну хІята чурхра виубра, мурад сархести къасаназив хамра виубра. ХІялани ганздарибхІели къалли ну къяркыиубра ва, хІясаддешли, зулмукар валли ветаахъурра.

Риганайли чехІейхуихІели, неш, сунес дигуливан буйрухърикІухІели, зиланти чебдукаркхІухІели ва хІела къайгъни чедиухІели, ну гІевуцес дакІудибути, ну ташмишикІуси варскъа ветауурра. Амма... ВиштІахІейчивад уркІецІичевси, назиксиличи уркІи изули акІубси ну ил варскъазив бусагІят вебкІхІебкІирану бекІлли илис ГІелахІелхъули илизив хІерирули калунра.

Амма дила урхІмешуахІенси, малхІямси тАбигІят се сабри итди чурхти, ихтиортачир тАлабунира зулмуртира даршнали саркъили дузуси дунъялизиз? ВиштІахІейчибад зулму хІейгүси ну, гъайгъайра, децІ-цумла дунъялизив, дигІянали бихІули ил, чизилра бурили гъаргбарес уруzkІули алкІулри. ХІу, увяхІвирухІели, дудеш, арили бегІти хІякимтани ну цумикІулри. ХІелара нешлара ургарти жаланани ну язихъиулури. Набчиле, дила чархлизиби изайчила, хІунира нешлира дурути иргъули, дила децІ цябдешлизира нургъбани шинкІабариси ГІянейзира гайцІбирули висусири.

Алавчарли язиҳътира, назиктира, чулахътира чебиули наб музаяхъес дигули. Ну музаялхъули, амма дида кумек дигули хІебири. Ил кумек — саби убяхІбирнилизи буйгІути лебри. Амма уркІилизиз адамдеш, адаб ва хІая гъанси дяви лебри дида... Гъала-гъала набчирти зулмурти ва чейгути бяхъяни анцІдукуни дявили кайзурра ну, гІур биалли — урхІличирти гъанни. Сунела

увяхІдешла даражара, зулмукардешла дазурбира хІедалуси кавшесра вирус или гъанбирки. Набзир цацахІели анцІил беңІра, ңумбикІуси мукъарара, бевбикІуси бугъара дархли диригу гъари... Ва илданы мурталралис паргъхатдеш хІебатур набзиб... гІязиз неш аррякъун хапли зулматла ңябдешлизи ва... – илала, хапли уркІи буцибси къудкъуси дуңари-деңІли, пикруми далли къябаиб, хІятта, селичиле сайрил пикрикІусира, хъумартахъур. Ляжубикад цаагили нургъби гердикІулри, михъири, бара дагъарти симкъли, руржахъулри.

– Адамдешла хІялумцІес ва ил чедиикес вирусил ахтардиварес багъандан аклубси хІейасли, – иш гъакІлис уркІиличил дархли күнгІбара илди дугъби шипІирдатур. Дулгъали нургъби душкубли ил айзур, зерзербарили бекІ, алавчар хІеризур. Глебши халабикІуси хІеркІли удила берги, дуб буцибти галгубала хІячми, тҔунтІри хІулбачи кахІедирахъес багъандан унцала бяхІя-начи даршибти кабцла зибкъарайтиван сарри. Шинна чибхъли илди цацадехІ хъярхъятІван дулхъаҳъулри, аръ халати биалли, катІи шиннизи, гъярили хІеркІ, гъуциван катІири. Даршал метрцад дигІянбикими, шин Шякъикъличи – иллухІлантани харбузуни делгІуси хъучи – чардируси мерличиб хІеркІ ван-залиубадван чабхъличил дурабурхулри, амма ца камти ахІи шин хІедатурли, ил хандакълизи ласбирулри. Илар сари бахъалгъунтала хъуми. Шякъикъличирти хъумачир, мурталра, шинни иркес вирни сабабли, мяштІдарести сабухъуну дурчули бирап. Иларадли бара гъараҳъли имцІаливан хІяжланкІи ва гІяби делгІути хъуми сари. Гъалар илар колхозла гІинцби-хъярбала унхъри дири, амма хІукумат барскабиубли гІергъи ва илди шанти-ургар дутІибхІели, галгуби дяхъили цабехІли юртани дариб, цархІилтани – духълуми делгІути хъуми. Илдачи хІеркабикІуси Къаркъамузаличир сагни сари. Заб-маркала дуслизир илар зумати мяштІдарести къар дирап, амма див дусмазиб илабси ванза мучарила бакъукъуван тІякъ-тІякъабухъи бирап ва абзур ванза эмхІела занзба кІапІкабири. Илабадли тІинтІкабиубли саби Машрикъла шайчибахІра Магърибла шайчибахІра гъар журала галгубала зумаси ваңІа. Мургукла, Бал-Такала, Къянасирагъиля шими, тяп хъалтализи аршиван, гІеладуцили, гъачам диркъаличи кайгули, гІур дубуртала сиртани кІапІдирули, ил авадан къирагъ арбякъи саби. Лавашала хъябагъриличибад Губдени кабаайчи шурмала ургабси къадали ваңІа къябаили саби. Итил шайчири галгуби диштІали сари ва пурпила, шимла, мигла детихъули, ваңІа гъала-гъала занзбала галгубала хІяричи, гІур биалли къадубала тяла бетарули саби.

Хатирли гъараҳълибахІ ңиваибси хІер сай тІашси майдайчи ласбатур, ил чекайзурли хІербирули, чедирван мер-мерличир чедиути духътІа къарла мявначивяхІ ватихъиб. Илди палтарличи чедиити цархІил рангла декІниван сарри. Илдачи гъамирули Хатирли илди чІиль-чІильи хІясибдирулри ва анцІ-букъ селизibal багъес вирули ахІенри.

– Нап, бензин-мага чертІили, илданы дигубли хІедиалли? – гІяшли ибилини. – амма ишди илданы дигубтигъунти ахІен, чІянкІли рангкасили сари. бензинни илди дуръаҳъи дургар.

Сунези сай ил гъайикІули левли, майдан таманбиубси хъар шайчив, хъуңарличи гІеркъаси аръличилси барда гугбатурли, Салиматла нешла рузикъарла мурул ИсхІакъ вагъариуб. Хатирличи гъамирули илини барда хъуңарличибад убасиб ва алгъай някълизи бедили илала хъяб буциб.

– Ассаламу гІялайкум! Шадив дурайкирив? Сен сайри?

— ВагІялайкум салам, ИсхІакъ-ази, левра шадив вакІили. ХІу сен сайри? Нешла рузикъар Умугъанат-зизи сен сари?

— Гъар секІал, азила, вайтІа ахІен. Лерра аргъ-бархІиван. Ишди гІямруличир ишкъаяда ЧевяхІили хІердарнира игъбар саби. — камси замана лехІкахъили илини майалибатурси андаличибад хъат чедиберкІиб, гІур, бара гъинчІизурли, хІулбира ціваили, даймиуб:

— ХІу, исха дурайкили, рахли гъавлигІив умцІули хІейадли.

— Валлагъ, ази. Сен вакІилралра хІебалас. ГІяхІцадхІи дудешличил ихтилатикІули калунра, набзи гъайикІули ускаун.

— Илра гъянна, Аллагъ бунагъ-хатІаличивад чевверх, Салимат шалгІеррухъи гъергъи дебали варскайуб. Баришиэс гъамадлира ахІен илгъуна бетахъриличил. Амма се биру. Шукру викІес гІягІнили саби. ГІяхІти гІамру деркІиб нешли... Гъм... Даим кавлусира агара. — ИсхІакъ-азини берубси хъехІбушиб, мурхъси гъигъра бушили иб:

— Сабурличибад хабар агарав?

— Леб, ази. Хъунузи багъахъурули саби гъамли лявкъниличила.

— Чинав саял балуси ургхІергар.

— Агара.

— Аллагъли гІевуцаб, азила, сай, вахъ пергер уршину. Илала кумек агарли я мактаб хІебири, я — гъуни, я икІ гІиниз... Шантала балгнанира ахІераири ил.

— Баркалла, ази.

Хатир сагали бухъутІа дамкъаличи хІеризур, хІятта къяш балли къарличи чекацІиб.

— Тамашала анцІбуќь иш, — иб илини къарличибадли дабри бет-сад хІяршбираули. —

— Абзур сага шинишли саби, ишди биалли чумал мерличир, духъутІа къар дақІили, майда хІулбиван сари.

— Ишди, азила, — иб ИсхІакъли, — шахли дигубти мерани сари. БугІядешла гуж имцІабиубти мерани сари ишди. ДягІли дяхІи бучили бекІабарибу, сари къарра, белики, цархІилтацир назикти урдухъуну, хІебалас, амма ишди мерани шахли дигубти сари.

— Шахли?.. — Хатирли ил ца девцун буриб, амма пикри даймхІебарии, ухънала дяхІлихи хІеризурли, иличибадли хІер азбарлизи дуравхъунси дудешличи атАхъун. «Къяркъдеш чербиркІули башули буили саби. Яра игъбар хІясиблив? Пикри-къас агарли, саби-сабил, гІядатли ахІи къалли тІабигІят хІебузар...»

Ил пикри Хатирли ургъурлизи хІебуциб, амма дудешла жи аргъибхІеливан, уркІи хъулибяхІ гъуцІбухъун.

* * *

Абу ГІяхІмадли белкІанала чеди кабихъибси бабза мухчализиси кагъар илини хІяйнара-сера белчІири, амма бучІухІели, илала мягІналичила ахІи, мер-мерличир дугъбазирти хІурпри дарххІедикили калунти хатІличила, сунела къайимла изайчила пикрикІули, селра иргъули ахІенри. БегІла гІергъи, жузла белкІани душили гъаввакІибхІелира, ил левгІев назиклири, хІи тумикад хІедашутиван, дяхІ гъургъалири, някъбала кам лигуби урга кябхІили, чузиб

бекІліл гъунар агартиванри. Амма илини някъ чұумали буцибсири, гъайра, гъар дөв саркъахъили бурули, чұумали кайзурлири. Чизилра сай гляжизли ва күцагарли чеахъес хәйгули вииши.

ИшбархІи бегІ гъалав глямрулизив Хатир илала хулуи ахІеңІахъиб. Бел-кінаначилсі папка хабчабли дура хиб.

— Бара гъалавван усаи сай, урши, — иб илини пашманси тәмаличи. — Абзур дуги хұули къяпІхебариб, лукІули калун. Гляйтба маркъуд.

— Хіеркъус, — иб илини, илала хұмарты хұлбачи хәрикІули. Илдан би-алли, сегъунти-дигара гъайличибра дурусли хіякъықтат иргъахъулри.

«Ағь, вегІебшла къисмат, — пикриухъун Хатир, кіиібил дерхІличивад азбарлизи кайцІули ва шағъарла дайлабси халаси майдайчиҳа гъуни бурцули. Азбар ахъти луцрані алавбарилри, майда шайчибси лацлизир арсавар унза сарри, сарира хіярхІдиубли пуржинти даршибси. — Изусиличира язихъисиличира мурталра уркІеңІичевсі, къаламла юлдашунан бурули Спитаклизир мерс дакъи чедаибхІели висикайбси, ил гъанна бебкІала бурушличив сай. Ил — лерилра глямру глядатла зяхІматчибачила, парғатдеш хібалаули, бархъдеш гъаннан бургъутачила ва аричибала арилиув хіевзули, уркІиличи лехІихъули лукІан, уркІеңІибариесі агиличив сай. Амма илини ил секІал хібиражъу, сай ил агиличив чизилра чехІейахъу...»

«ЛукІусила къисмат дебали къяркъси саби, азила, — ибсири илини муртрил набзи, — эгер вегІли чис биалра къуллукъхібирухІели, вегІла халкъисра улкаллары лукІули виадлли. Даҳъал гъалабизуни алкІан, уркІи хұлбизести даҳъал хіядухъести хұулани гъаладилзан, чуни хұу хіярамируги, яра хатІаиркахъути. Ил секІал бетаэс бирап хіечи жывли машгъурдеш дакІалли ва хіела ил агили бекІ журғъухъаъалли. Илди машгъурдеш яшавла ва арцла даражали Нердуцес хұулухъи, хіела пагъму иман агарли гъар шайчиҳа бутіладли. Илала къялшубази ну викира, ва баркалла Батирайлис, набзи ил хатІа аргъахънилис. Заманаличини шакикира. Эркинси яшав ва даҳъал арц сархни хіела глямрула бекІси мурадли буцадли къянала дякъкад аркъяд. Хіела уркІилис марли калес вињилизисаби хұу писательла талихІличи аркуси гъуни.

Гъайгъайра къандиубти машгъурдешлира лукІан глязабуркІуси сай, сенахІенну глямрула даҳъалгъунти дусми заяли ардуқынилис бикъридеш сарину илди...

«Бархъдеш, бархъдеш ва бархъдеш!.. — белкІун илини гъачам макъалализи. — гъарилла байрахъли ил хібиялли, гъар секІал мурталра, се-заманалра къянни яра жывли сагали дехІидрхъес чевкъар. Цалра вайси къас кахІеберхахъурли, убяхІси баркъуди хібарили, дунъя умули биахъес ва ил умубибули цабалги бузес глягІиси саби хұунул адамтасра мураг адамтасра. ВегІла рухІла дұньялис ва вегІлис къуллукъбурили узни саби чихъти пикрумачи ва пергер баркъудлумачи адамти жибирни. Нушала жи — произведениеи сари...»

Ағь, сеңад къиянніл илис глямрула илди мурадуни детерхахъес, тамашали чагъыси ва дайын умцІуси пагъму ургъурлизи буцили къуллукъличи каэс. Сунела анцІил табигІят бушинни бихІес ва буйрухъикІес!..»

Улкъайлизи чейгүти берхІила нурла къяли къицІбарибхІеливан бетахъиб. Ил лакли бакибси столличи чегили, илабад Хатирла хұлбас диргалабулхъулри. Амма халаси зурба устІул шайчи битІакІес илала бекІліл иштхІаги. Балуй ва алгъай шалубачи витІиубхІелира берцуди аги, нур устІулла къакъли чархІадарилри.

Мурхьси гъигъбатурли, илини сагали кагъар касиб ва иш гъакIис чекай-
зурли учIес вехIихьиб:

«Хъулани...

Чихъти ва умути дигайличила хъулани. Илдачилла саби, Хатир, хIела иш
белкI ва ну илини (юх, хIуни) левгIев разиварра.

ГIе, гъарил мурул адам хъуликIес гЯгIили сай вегIла мякълар духуси,
жагаси, хамси ва адабчери хъунул адам риахъес. Илди хъуланачила саби
иш ва нуни дагъарли чедиути нукъсандешуначи къаш чекацIили, дигайлис,
хъунул адамлис ва ургарти бархбасунас харждариби бяхIяни гапдирулра.

ГIе, «Къисматла къячIикIунала» бекI игит гъар секIайзив Гибратчевси адам
ахIен. Ил ватIес – сай мурталра вархъли виъниличи умут ва сай хатIахIерк-
ниличи бирхауди – баилира имцIарабулхъуси далил саби.

Амма илала бархъдеш гъанси гъабзара сай гЯмрулизив варгес дигнила
къайгънира учIуси пикриухъяхъеси гъарбиз саби хIела гъарбиз.

Дигайра талихIра даргес илини балхIебуцибси агара. Ил гъуйчив, уркIи-
лис дигуси хъунул адам жалряхъибхIели, илини держла дунъялизиб берцуdi
бургули сай. Тамашали лявбикIуси ва уркIи, заманалис биалра, паргъатбируси
дунъя саби ил.

Севан мурити ва тамашала дирапал держла юлдашуначилти ихтилатуни.
ХIу хIебужутачиб мехIурти хIебургар или умутчевли пикриикIулира вируд.

Чархлис бируси заralличи, дугIли бугуси заманаличи хIерхIеили ил дунъя
ахIерли бирарап держлукълис.

Ца дев гIелахIебуцили, гаплис левгIев къиркыир виаслира дигулра, мурул
адамлара хъунул адамлара ургар алкIути хIяланачила, бархбасуначила ва
гъусурдешлицила ахъдуцили арзиби масъултачила ванаси пикри бурес.

Ил шай chir, сецад чедибдешуни сархаллира мурул адам, ахирра-ахир,
умути дигайлизивцун гъарли-марли талихIичевли вирап ибси пикриличи
левкъуси сай. ГIе мурул адамра хъунул адамра ванзаличиб акIубхIейчирад
хIясратдешра, карцIайра, бунагъунира акIубти сари:

Рарсряхъибси риганайлис чеббирцIули «ГIяшикъибули» сай Дауд мурин-
шавкъыла, хIяз диганти, къехIаби ва сай Даудван чула муйлас «чеббирцIути»
хъунул адамтачил гъар гъунивањнилис ва бархбаслис гIергъи ил сунес лягI-
натикIули сай ва гIур ил секIал хIебарес хъямаиркъули сай. Сепайды, сагали
ил лявбикIуси илбисли ила аркули сай.

Севан иманагарли ва хIяжардешлицил илдачилла жярга гъай дурулил
илини, держли аргъала айгъирдарили, сунес дигуси сархибхIели? Илди
гIяйблабибули сай ил агиличи викнилизиб.

«ХIурматбарести, черяхIдарести саррав гъатIи хIуша?! – викIули сай ил
ца рурсилизи, сарира иличи сегъуналра къалп агарли гЯшикъиси. – Ца дила-
цунрив гъатIи хIу? ХIед нуцун дигахъулрав? Ишарад аррякъунхIели, чичил
биалра цархIилличилра гъаннаван цааруд хIу ва лебилра хIела хIясратдеш ва
варъя илисра кIантI агарли харждирид! СенахIенну хIушаб дигайра мардешра
гIягIнити ахIен! ХIушаб гIягIниси хIяз саби! нуша дигрIидргес ва инжит-
дарес. Бура ну мурулдешлизив гъунарагарси виасри набчил дархдиркадарив
хIуша? Ил – хIу?»

Ил хъунул адамли илала вяхIизи бяхъни – вирхес ва сари черяхIли риэс
дигни марбируси баркъуди саби.

Ил бяхъли севан кункли чаррухъахъил ил хIякъикъатличи! Севан мурхъли

пикрирухъянал! Ге, белкIлизиб хIуни чекайзурли, уркIила хIясратдешли-
чил ва сахаватли сипатбариби ишхIелла жагъти рурсбачила белчIунти неша-
ни, наб гъанбиркули саби, хIечи лебгIеб разихIебирар или. Дигахъаси илдала
гIясити пикруми, газетабази кадяхъибхIели, делчIес. Амма, сепайда...

Ца гъатIи...

Ишаб аргъес къянси саби се улкализир се гIямру лушути адамтачил
кадиркулил илди анцIбукуну. Социализм сабил, яра капитализма сабил
аргъес агара.

Ил мягIничеси далил саби произведение лукIухIели, сенахIенну учIайс
дуруSSI хIякъикъат дигахъу. Хъуммартид иличила...

Мурул адамла уркIи хIергъибси хъунул адамли илис халаси децI лебху,
мурул адамла тIабигIятла нукъсанти шалуби гIяхIил далусилира ил шад-
хIейру...

Ца секIай паргъатибулра, Хатир: бархъдешлихи хIела диги хIясратдешли-
чил адалки сари; бархъагардешлихи гъими – хIебилшуси цIа.

УмцIен, ва хIела къачIикIуни хIуни ихъули вашен, вашес хIейрухIели хъ-
усикIен, хъусикIес хIейрадли – мурадличи хIерикIули, вяхIчили кайхъен.

ХIечи вирхусит Абу-ГIяхIад».

ГIергъиси кIапIи бяхIудибарибхIели илини аргъиб сунела уркIилис ил
сунела насихIятчи ва литературала къайимцун хIейъни, сенахIенну уркIи
рурцIули, къакъарлизиб къутIкъуси гIянд барцлири. Ил аррукънилира, нешла
бебкIалис гIергъи бацIкабухъунси дунъя, тамай бяргIяхъни илини гIячихъ-
ли аргъиб. Ил айзур, утала гIелабси шкафлизи хIеризур ва ца нисательла
гъалабван дурабухъунси «КахIядяхъили калунти» бикIуси Совет хIукуматла
замана Главлитли къадагъадариби произведение бала жузличи някъ гъабатур.
Ил касили уталичи кайибмад кабинетла унза гъаргдиуб ва хъунул адамли
бекI гъаббакIахъиб:

– Асубирару? – иб илини, Хатирли селра айчи, кабинетлизи арицIули. Бара
белчIунси кагъарла асарлиувси илала хIер арацIибсила дяхIличи атIи шипI-
бяргIиб, гIур багъла-багълали катхIел хIяршбухъун ва ахъти къячIубачилти
цIудара дабриличиб тIашбизур. Цаибил хIерлис ил исбагъи сари эс хIейри,
амма дяхI-дяхIли ляркъухIели иличи пикри бяхIичихIеэс хIейри. ДултIунти
цIудара нудби, халати ва бара гIязиялантала къамла исбагъибалайчи мешути
хIулби ва гъасадухъунти иркъми. ГIеркъабитIунси лехIдешли власвасрухъ-
ахъунси чехъери хIясибарили, иличи Хатир гъамиуб ва мурул адамлисван
някъ гъабатур.

– Гъайгъай бирар, – иб илини ил сипаттарес даимирули. Улельзован ди-
къурти диалра, кIунтIи илис гIягIнитачир дукIутыван дизур, ишра биур
или, устали таманси кегIебдешлихи атIхIебикахъили, ца бара хъабсдукI
балкIахъунси къянкъ иш гъакIлис илини лергIер гъамли гъигълара бикъули
хIясибидирулри. – Карии уталичи, – даимиуб ил мер чебиахъули ва хIебузни
балукъи хутIла чайникличивхI ветухъун. – чайла бужиду? Дила пикрили,
хIу гъарахъларад сарри.

– Баркалла, чайли ружес замана агара, дахъал дарести лер. XIу вархъ-

лири, ну АшкIирад ляркъулра. БусягIят илар хIерриулра, амма дила ишаб шагъарлизиб хъалира леб. БусягIят замана агара гъар секIайчила бурес, ну ракIибси, ишди дила нешла узикъарла белкIани хIечи даахъес сарра. – Илини устIулличи кабихъибси сумкализибад бабза тетградь дурасили Хатирлис гъабуциб. – хIуни делчIи дигули сай илис, се пикри буридал.

Хатирли ил сасиб ва хала тIул дубличи чекабуцили, ил дярли сабяхъиб.

– БусягIят…

– Юх, бусягIят гIягIнили ахIен, хIела бетаурхIели делчIен, пикри цала-бяхъя… – Ил бара гъинчIризурли иличи хIеррикIулри ва се сабил бурес дигни Хатирлис хIисаббиуб ва ахирра илини гъар секIал аргъиб.

– НушакIун тяништи сарра, – иб илини иличи дяхI-дяхIли кайрули ва илала дикъурти, гIеркъати тIулбачилти хъутри дуцили хIярширули. – ЧIянкIли дахъал дусми ардякъи сари.

– Ахирра шакикири хIу, нуша тяништи сарра, – иб илини, гъинчI дукел-Циличи шурбулхъахъули. – Ну илцад рарскариублирав гъари?

– ХIу бурес агарли исбагы ретаурлири, – иб илини. Ил секIал баресван саби тянишли хIебиалра, харчли айзурли устIуллис алавиубли ил хъябсаруцили. – Нуни дусмани адам илцад кагIебирахъни хIебагъурра. Аллагъличира, хIебагъурра! – Хатир тамай варскойубли, бара гъалавван сай децIхIейкIусиван, гъар секIайчила хъумкартурли, хъяшаван хIулкIулири. – ГIе, нуша далайчи Расулли тянишдарибири ва… – илини бурибси таманхIебариб. – ХIед Басинат бикIар.

– ГIе… ГIе, – иб илини, сунела къаршидешличи хIерхIеили, сари уммай-рарес къайгъилизиникибси ца гъунибаъни гъанбиркахъули.

ГеладяхI хъарсдарили хъянтIала бекIадарибиti цIудара гъез, магъицIуб-дешра гамсадешра гъудурти дяхI, хъяб алаб ласбарили гъала сурдухъунти къялубаур ахъ-гIяшдирути, дикъурти михъирти хIерикиуси мяштIиэсли чар-хлизир уржили, цали итил чебирцIахъули далдикилри.

– Ну аркъяс, – иб илини арилзули, хIулбала гъала сунела чарх тамай ке-гIебирахъути гъярца райра дикъурти къякъубира вякъсайули.

– ХIу илкъайда рархъес дигули ахIенрагу, гъари, наб, – иб Хатирли, алав-чар хIерилизули. – хIерикуналра…

– Вирхаи, замана агара. Ну гъамлира ляркъусира.

– Дила шайзибад күмек гIягIнибиркуру хIела зугIлуми арзес?

– Къиянси селра агара. Хъа хIекълизибси масъала саби, регIдешла сертификат касес дигулра.

– Мурт ляркъяду? Иш нуни жявли бучIас.

– Гъамли ляркъяс.

– Ил гIеркъахIебилтIану, гъамли ляркъни?

– ХIебилтIан. Дигалли телефон лугас.

– Гъайгъайргу биха..

– ХIера иш номер саби нушала ши биалли – районна код. – Илини устIулличибад белкIани дируси биштIаси кагъарлизи номер белкIун. Вирадли, – илини мурхъси гъигъбатур, – хIянчи баргахъес күмекбара. Наб шагъарлизи чаррухъес дигулра.

- Къасбираис. Гъм.. хІу юрист сарри. АхІенрив?
- Юридический белчІунси саби, амма нуни хІянчи милициализиб саби бариси.
- Илди цабехІ саби.
- Са-а-аби. Виадли рахли, хІеризи.
- Адвокатла хІянчи дигив? – Хатирлис адвокатунала палатала председатель гъаникиб. Ца гъунибаъниличиб илди тянишибутири.
- Гайгъай, дигахъира, амма ила кавхъес гъамадли ахІен. Нуни балас.
- Нуни председатель валуси сай.
- Марли?
- ГІе.
- Рахли бетаалли...
- Аллагъ сай икъа вегІ.
- Сай.
- ХІебиалли хІуни багъи, гІяхІси адамла Аллагъра гІяхІси вируси сай.
- Ургар.
- ХІерирхултив?
- Рирхулра, гайгъай.
- ХІебиалли гъар секІал къулайли дирап.
- ХІерли рирус.
- Нура... гъм, хІерли вирус.
- ...
- Жявли ляркъниличи.
- Къасбираис. – Ил унзаличирияхІ ратрихъиб. Хатир илис гІевваиб ва хъ-уцІрумачи някъби кадихъиб. Мурхъли гъигърикІули ил иличирияхІ ласриуб ва удираадли, лапІдирули хІулби, шипІряргІиб. Лерилра сунела малхІямдеш дакІударили, илди тамай держес дигусиван ил кІунтІбачи цІапІакун.

Хъараҳъуд гІурла номерлизиб бирап.



Проза



Хадижат ХЯБИБОВА

ГЪАИБИЛ ДАРШДУСЛА ГЪИГЬ

(хъарахъуд)

– Хъебакъира, – иб, ва дазала дирескайиб. ДехИбала дарили тамандиуб-хъели, къацЛира укун. Дудеш чинавал хъарбаиб.

– ДехИбалара дарили, анхълизи аръкъун.

– Набчилла хъархъебаибу?

– Хъарбаиб. Дуравхъи ургар сайгъунти дурхъначи ибхъели, гъур селра хъеиб. Нешли биалли, хъу чинаврив или, хъархъебаиб.

– Ца декла уркура архис.

– Дила урши, гъебшнилара хъеблара аргъличи вирхуси хъебирап. Дудеш агарли хъуцун аркъулрив?

– Нуцун укъясли-декъар се леба?

Уркура бабгиб ва, гъардуц буцили, аръкъун.

Бархъехъ къанни чарухъун. ГъядбуллатИип илцад къалабаикили хъянчилизи ахъибси дудешлизи селра хъархъебаахъес сайри.

Дудешли сай хъерли ахъенти гъай дехъидихъиб.

– Аргъ гъяхъли лебай Шамахира Бакулизи дукъес чебиркур нушаб.

Хъерли ахъенти гъайли ил тъакъвяргъяхъиб. Сай варх укес дудешла пикри аги, сунени тиладибарибсири. Гъанна мактаблизи вашухъели, чиналра укъес иштияхъи аги. Дудешлис се жаваб лугусил балули ахъенри ГъядбуллатИипли, васвасъала дехъидихъиб.

– Хъечил лявкъуси агарав?

– Набчил барх къел адам леб. Сен хъарбиулри? Хъед вакъес хъейгулрив? Хъейгули виадли уэн, амма Мамедкъалализи вакъес чебиркур, урчи чарбараес.

Дудешра уршира гъуйчи дурабухъун. Къелра урчачи мурдалири. Мамедкъалализибад Бакулизи паровозличиб аркъутири. Тумеюплизи чула гъяхълачи хъурабиуб. ГъядбуллатИипI илав вахъхи тъашхъейзурли, дуравхъун. Ил шилизивъи ватихъиб. Ца урчиличи сай мурдайили, ца – ургъур буцили бикули. Мажалислизи аркъуси гъуйчи ваибхъели, хъурали аркъуси ирчъаман къаршиикили ца, урчи илизи бедиб. Урчи къалабадариб. Къаршиикибси гъяхъияй ГъядбуллатИиплис биртъахъули ахъенри. Илини дурути дайхъала гъай

ГյабдуллатИпли дикъули ахIенри. Шилизи сабаибхIели, ГյабдуллатИпли ГяxIял хъули живариб. ГяxIяй биалли, къанирулра или, урчи беднилис бар-каллара багъахъури, сунела гъуни даимбариб. ГյабдуллатИп хъули ацИб. Неш тамашариуб, урши къалабали чарухъниличи. Къалабали чарухънила сабабра школа сабри. Амма къай сънили, ил бархIира дурсри датес чебикиб. Мариятличи гъавакIиб, хъардариби дагъес. Ил вакIиличи Марият дебали разириуб, ва сакIубли гъар-се секIал дурескарииб.

Гъар бархIи сагадешуни имцIадикIулри. Сагати хIякимтира кабалтулри. ВегIдешлизирад секIал керисути сари иби гъайра имцIадиуб. Шилизи тух-турра вакIилри.

Бакулизивад чариубхIели, Къайыпли илди хабурти мардариб:

– Терри илдигъунти хабурти. Амма пикриухъалли, цахIнали бузес бирару, декIар-декIарли бузес хIебирути. Чили кебису узули сархибси вегIла давла? БигIунси хIебиали? Гъар мурталра ванзалис къуллукъбириули, дусла чидил манзил се барес ГягIинисил балули, илишиб бузули калунти адамтазибад кебасили, улас, чизи сабира ил лугуси? Гъар бархIи вегIла дурхIнасан къул-лукъбириули, хIяршдирули, хъарсдирули, умути дярхъ-Гяялизи кадилхъахъули дихIути хIайван-къача, маза-мас нушазирад керасили, чизи лугутив? Чила ла-мусли къабулбира илди сасесра? Чис илди ГягIинили диалра, адикъес виараргу, къиянра кабихъили, хIерудира бузахъалли. Ванза, ил бузахъули калунта ахIи, чили бузахъес вирусив? Къайыпбегла уркIи паргъатагарбиулири, сунела секIал керасниличиван ахIи, илди дузахъес, илди хIянчурби чили-биалра дарес хIебирар или.

Бакулизир ГяxIлани илизи дахъял мургъи-арц асахъиб. Лебилра хъали-барглисра жагати палтар-къяш асилри. Атала гелешмешлис къугъати, гъан-налис чилилра чехIедаитгижунти палтар, чIянкIи, мургъила тIулкми асилри. Лебилра разибарилири. Сунечил бузутасра ца-ца савгъят асилри. Ца шалбар Хайнутиннисра, цадехI палтар ГяxIмадлисра лерри. АрхIяли лебилра рази-барили хъалли, сай пикрилизи икахъиб. Гергъити дусмазир илини Гурра чумал хъу асилри. Патухли илхIели разиагардеш багъахъур.

– Ягъари, се дирути илдицад хъуми?

– ДурхIнас. Адамлис бегIлара ГягIиниси ванза саби. «Мургъи деда – ванза аса», – бикIули бири нушала хала бегIти. Мургъи-арц някъбазирад някъбази, кисмазирад кисмази гечдикIар. Ванза я бетихъуси ахIен, я гечбикIуси ахIен. Ванзали сарпа нуша далхути. Дузахъути ванзурби ахIен нуни асибти. Нуша-ни илди бекIидирехIе. Нушаб илди имцIатили яра ГягIинагартили детхIепар. Халатани бурули биран: «Лагъван узен, талхъанван хIерии».

Къайып ванзаличила, бузериличила сецад-дигара Гярипли гъайникIес вири. «Лагъван узен, талхъанван хIерии» – бурала хайдакълантани имцIали бузахъуси саби. Къайыпбегла гъай хIясибли, ванза бузахъес някъбищун ахIи, бекIра, уркIира дийс ГягIинити сари. Ил секIал иргъахъулри илини дурхIнази-ра. ДурхIнани чула бузерилизиб, баркъудлумазив дудеш увведлугули ахIенри. Илди гъатIира чебетаили бузес къайгъилизиби.

Амма илдачи къастира лебри.

«ХIердикIенаягу, – бикIулри гумайла агълу, – Къайыпли Гурра хъу асили сай. ХIулби Гянжили ахIи хIелукъан бикIни бархъуси саби».

Къайыпбегли илди дикъулира ахIенри. БекIра къухIаили, сунела хIянчи-лизи вархибси адамла алавчарли хIерэсра пурсат аги. Илинни, Аллагъван ахIи,

гъайлизиб ванза имЦали бузахъи. Дин гъарилли бузахъес гъягъиниси сабсиван чебии. Амма ванза?

Къайыпбегла беклизира хъякъи ванза бузахъес хъебирутиван, динра бузахъес хъебирути адамти бирни. Ванзаличи дигили сайрил, яра хъянчи хъебирули уэс хъейрнили сайрил. Яра дахъал секъал диубли дигнилирил, хъебузахъуси, лайбакъиси ванза чебаалри, ил бусягъят вачарлизи калзи. Хъебузахъули лайбакъиси ванза зягъипси адамличил мешубурцни. Сай ил ванзала тухтур сайсиван, ил гъягъибарес къайгъилизирики, халаси сабухъ лугусили бетараахъи. Илхъели Къайыпбег разиири, зягъипси адам гъягъиахъес бажардиикиби тухтурван. Къайыпбегли ванзала мез гъягъил дали, адамталаван ахъи. Ванзала хасиятуни дяркъур. Чидил замана се бегъалли, сабухъ гъягъил лугал бали.

Цабехъили дигъянали, цабехъили ашкарли дурути хабурти дахъдикъулри мас, ванзурби, хъяйван-къача керисниличила.

Хайнутинира илди гъай дикъулри. Гъар се-секъал керасили, Къайыпбехъали мискинбиубли чебаэс бикалри, хъат агарлира делхъ дираси бикъулри Хайнутинна уркъи. Ил вирхулри, гъанна гъамли ил секъал бетарниличи. Лерила Къайыплира далулри. Далулри, амма илгъуна бетарниличи вирхули ахъенри. Атара, дудеш къаяда, вирхули ахъенри. Илала пикрили, чула секъал керасес, чуни чилалра я касибси агара, я бигъунси агара. Лерила секъал чула цакъли, бузерили сархиби сари. Чула уркъизаб гъядаб лебли хъалли, Къайыпбеглис Атас хабарла мекъ барес дигулри, халкъ иличила гъайбикъули баҳхъи калесли.

– Атас шагъла мекъ барес гъягъинили саби, – Патухлизи чуйнарил тикрарбариб Къайыпли.

Шагъла туй жаяхъелил Хайдакъилизиб бирули калунси сабри. Шагъла туйличи гъалаб шагъанира башутири. Шагъ хурматличил декъарбарибси мерличи калтулри. Илини сабри мекъ бузахъуси. Къайыпли сагаси дургъела барес хъядурбарибси диркъеси мерличиб мекъ барес пикрибариб. Адамти кабиахъес мерани хъядурдариб. Лебилра сунела гъягъилазира багъахъур. Тылаббариб Тубен-аулла жамигъят. Санчила гъягъимадкентла жамигъятлизи ва гъурра баҳъалтази багъахъур. Верхъдехъ гуржи – къачала дам дяхъяхъес, хайдакъла, ирчамала, таркамала, табасарантла дамрухъяби кабукахъес хъарбариб. Къажуртачи баили далайчибази багъахъур. Халаси хъядурдешличил бехъибихъиб Атала мекъ. Рурсилис дихути секъал жавлил духилри, гъанналис цалра рурсилис илдицад дурхъати секъал духили бакъиси ахъенри.

Шагъла мерлав чи-биалра катес гъягъинилири. Къайыпбегли Чупан мекъла шагъ варес пикрибариб ва иличили вягъидалавиуб. Мекъ бируси мявлала ца дублаб ахъли ахъенси галга тышбатур. Галга – алаб шагъла нукерти, вазирти, къараулти низамличи кабизахъур. Ил галга тамашала секъулта баршиб: лерри дерцибти гъяргъини, къузри, бутгъри, лерри цуб арца ханжулти, арца ирми, держла хъабни, журга-журала чыянкъила байрахъуни. Шагъла галгала ца шайчи, къантиси уталичи кайили, низам бузахъулри. Къараултани, нукертани, вазиртани галга балтахъулри. Бялхъяби, кункти, цакъти жагъилта галгаличири секъал хъямдарес гъягъинитири. Илгъуна уцес нукерти, къараулти бетулхъулри. Бетухъунхъели, цархъил кунксы жагъилли цархъил мерличибад чябхъин бирусири. Жагъил уцалри, шагъли суд бирусири. Я маза белгъахъес гъягъиалавиусири, я метгъухъла¹ къабат лебахъулри, яра делхъ дирахъулри,

¹ Метгъухъ – түгтила шиннизибад бариси дуцурлизибадра хивазибадра бариси беркала саби.

яра далай бучIахъулри, яра гIурра се-биалра бирахъулри. Уцес хIейалри, ил гъабза игитлизи хIисабирузири. Иличила баххъи гапбикIули кавли. Мекъла вегIлис се-биалра магарич барес дигусини, гъланачи шагълизи бурили, вягIдалабиубли, сай балу-балули уцахъили, галгаличи вилгъахъусири. Шагъли суд барили Гергъи, илала гъамсини шагъли буриби секIал бихусири. СекIал кабухибХели, жагъил ватии. Ил гъамтани ва гъалмагъунани хIязван бетарахъи.

Къалабати делхъла агури зайдухъун. Зирнявчиба зирнявти, закличидяхI ахъдуцили, биругIеб уфдариб.

Бегъялаб делхъ уршила дудешлира нешлира дарес гIягIнилри. Шагъли илдала уми ахъиб. Къайыпра Патухра делхълизи дурабухъун. Илдас багълати агури дяхъиб. Килинилра къугъати делхъ дариб. Халкъ илдачи тамашали хIербикIи. Келра делхъла гIяхIти устни биънила чисалра хабар аги. Тухумта, гIяхIла Патухла някъби арци дицIахъиб. Патухли илди дамрухъябала гъала кадихъиб. Илдас Гергъи булхъес дурабулхъулри гъамтигъунти тухумти: узи ХIяжи, Къайыпла кIелра рузи, илдала дурхIни, чула дурхIни, гIур булхъеска-биib шанти, гIяхIли. Зирнявти тIашаили, урга-ургади далуйти зайдулхъулри. Далайла устни абзлизи кабухъунтиван сабри. Далуйти дучIухIелира, гIяхIти делхъла устни делхълизи кабулхъулри. Зирнявтазибад делхъла агила тIама дурабухъайчи, дамрухъяни кIелра тIерхъя багълати дирхъулри, тIама ахъ-бирахъули ахIенри. ИлхIели мурул адамти делхълизи дурабулхъи. Илдала хIурмат бирули, хъунул адамтира кабулхъи. хъулчрачибад, балконтачибад халати гIямрула хъунрира, биштIа дурхIнира мекъличи хIербикIулри. Мекъла мява илабад хъатлабван чебиулри.

Залбегла Исабег делхъличи дуравхъун. ГIяхIя хIурматбирули, Гулжанат иличил делхъли карухъун. Къараултала хIер хIярхIбийни багъурли, Исабег галгаличибси байрахъличи ветухъун. Хъямбарили, кункли мявала дураинесра асубири,amma дурахIевхъи левай, тIашизур. Исабег уцахъес гIягIнилири, шагъличил вягIдалавиублири. Залбегли мекъличи кадукили хIябал кигъа лерри. Лугъутири халкъла гъалар. Исабегличи къараулти бетухъунман, цархIил шайчивад гъатIира кункси сункланни чягъирла хъаба арбухиб. Ил уцес бажардихIебикиб. Исабег галгализи вигъун. Шагъли дам-дяд тIашаахъиб. Кайиси мерличивад айзур, ахъси тIамаличил вехIихъиб:

– Лерилра мекъличи дакIибти лехIдизирая. Нушани гъанна диван барес гIягIнили саби иш Залбегла урши Исабеглис. Нуни ишичи гIякIа чебирхъулра ха хъаба чягъирла хаб

– Юх, нуни ил секIал барес хIейрус, – такъсирчила ихтияр лебсири рази-агардеш багъахъес. – ЦархIил гIякIа бура.

– ЖамигIят! ЦархIил гIякIа чебирхъеIев?

– ЦархIил се-биалра бура, иличибра дурхъаси, – чумал тIама дурадикиб мекъличибтала.

– ХIебиалли, – вехIихъиб шагъ, – сунези хъарбиэхIе, се барес ахъри лебал.

– ХъархIебиэхIе. ХIуни бура, – гIурра тIама дурабикиб.

– Нуни ишичи хъарбиулра, ца кигъа кабукахъес ва ишаб белгъахъес.

Исабегли, «гIяхIна, разилира» или, тIамадариб.

– Чи лева хIела гIякIа ахъесил?

ИлхIели Залбеглира чумал цархIил дурхIалира хъусбяхъили, кигъа мявала дайла кабукиб. Дам-дяд зайдухъун.

Исабег ватаиб. Жагылтани кигъя, мявала дура арбукили, белгъун. Исабег биалли гүурда делхъли улхъескайб. Делхъличи кіел хъунул адам кабухъун. Исабегли илдала някъбази арц дедиб ва дамрухъябала гъалара кадихъиб. Кіелра хъунуйра арц дамрухъябала гъалабси столличи кадихъиб.

Къараултани хійина галгаличирад секіл жаңмадарахъалри, я саби гіякілабири, яра хіянчи агарли кавлуттири. Амма къараулти сахътирил яра хъямбикіти жагылти вягідалабиубитирил, бусаягіт бурцулури. Буцибтани касибси секіл, мявализи кабухили, чебиахъулри.

Хіера, Насруллагъла хъунул, метіухъла кілабатІ ца някъличи кабихъили, делхъличи ретухъун. Илис гіергъи Насруллагъ байрахъра някълизи буцили, кункли жүргүхъун. Илдазирти секіл чи-біалра тухумли касес гіягінилири. Къайыпла рузикъарли метіухъла кілабатІ сасиб, байрахъра чили-сабил сасиб ва азбар алабарыбси хіярила чеди катпун. Баххіл делхъли булхъули калун. Лебилра шаддлири. Къайыпхъала ағылу хіянчизартиван, масхара-разидеш баресра балутили уббухъун. Дигалли хъярчиладирилу дурабулхъи, ил чи-саялра балули ахіенри. Дигалли пагъливанна гіердири. Чили-біалра устадеш агарли дирути делхъла гіердири. Яра дебали устадешличил дирусила гіердири. Цикури леркүхіели, дам-дяд гъала духиб. Гъүйчиб делхъла устни булхъулри. Дамрухъяби гъалабад башулри. Мекъла мяваличи сабаїхіели, ташли дамдяхъили калун. Гіядат хіясибли цикурличил бегІ гъалар делхъ уршила дудешли дарес гіягінисири. Ил гіядат бузахъули, цикурличил делхъ дарес Къайып дуравхъун. Цикури ширкүтиличил² рапх рулхъулри. Ширкүтила някълизи байрахъ бедиб. Къайыпли илдас арц дедиб. Гіур жагылти яргали булхъескабиий. Кіелра цикури булхъухіели, жагылта ахъли хъутри дяхъили хіяйт-хійт дехідіхъиб. Тама-гъама ахъдиуб. Цикури рамсур или, ца дубличиб хіядурбарибси мерличи каратур. Ширкүтнани ил сарицен ралтули ахіенри. Ширкүтни ца шай chir уршила тухумтазирадсі рурси сарри, ца шай chir рашиси – рурсила гъалмагъ. Цикурличил шағылира бағылати делхъ дарип. Гъар делхъ дарипсіні цикурла някълизи арц дедлугулри. Делхъ тамандиубхіели, цикури ширкүтнани хъули аррукиб. Дурхіни илдас хұнқа бирхъутири. Атанира цикурліс хъуцарлізи хұнкI бяхъес гіягінисири. Ил хұнкI цакылы чегалли, илдала дигайра цакыдирути сарі бикіули биарар. Атани илцад цакылы бяхъес хіейуб. ХіункI цакылы чехіегалра, илдала дигай цакытири. Айбика чула унраличир халараибси рурси сарри. Биштіахіелил цаличи ца башули, цаличи ца кабибули хіербиубти унруби сабри. Айбикала хъалибаргра бузерила адамтала сабри. Сарі Айбикара къүгъасицун ахі, рялхъя, черетаибси рурси сарри. Ил Атала бегітасра ригахъулри.

Цикури хъули аррукили гіергъи, мекъ даимбарили. ГіядбуллатІп дебали къугъали улхъулри. Иличил делхъ дарес лебилра рурсби гъуцібулхъи. Цали итил къужбирутиван, къышмира дирхажъули дуцібулхъи. Гъаларикибисиличи цархілти къясбири. Марияма чуйнара делхълизи карухъун. Илаб лебри сунечил бучибы дурхінира. Темирханнира Мариям делхъличи талабрариб. Каримли берцибси къяз балли хъямбарибсири. Клинейра хъямбарибхіели, ил уцили гіякіалавариб. Гіякіалис Каримлара хіядурдеш лебри. Илала дудешли дільба бицібси кілабатІ дамрухъябала гъала кабихъиб.

Рурсила бегіти дурхіяла мекъличи башуси гіядат лебси ахіенри. Рурсила шайзивси чи-біалра вакіалри, илис гили-къабта яра эмхіела къяйни³ чедирхъутири. Ил гіядат бульуси хіебири.

Мекъ Къайыпбекглис дигуси тяхіяри бетаур. Илала уркIи дебали разилири – ца шайчиб. Ца шайчиб – къизбикіуси секілра лебри. Ил къизбикіуси

² Ширкүти – цикури рурсила ралликъяна.

³ Къяйни – эмхіела гили-къабта.

занзи агарбиахъес сунес сунени маслигІятбирулри. Чили-дигара виаргуга хІайван-къача адикъес. Чили-дигара виаргуга маза-мас адикъес. ЦацабехІтас илди дигули ахІен, ил багъандан, бузули къиянра кабирхъу. Къиян кабихъали, гъарила гъар секІал дираар. Касаб дила хІайван-къача чус дигуцад, илдас чебетаиси къуллукъра бараб. Ванза бузахъес дигуси леву? Лев виалли, чум хІедузахъути ванза лера? Чум нуни асира ва сегъуна хайри кайсулра? Ванзалис къуллукъ хІебирутази ванза бедили хъалли бузахъув? Сунес сунени суалтира кадалтулри ва илдас жавабтира лугулри. УркІиличири тяйдидарес къайгъилизовири, амма къияннири.

Пикруми дам-дядли дирхахъулри. Азбарлизир хІябал бархІи дам-дяд зайдикІули калун. Гъараҳълабад бакІбити гІяхІли кІиибил бархІи акаахъиб.⁴ Чула шанти хІябыиbil бархІира мукърази ахъили калун. Далай белчес балути далайбикІулри, булхъес балутира хІебалутира дуракабухъи булхъулри. ХІайт-хІайтлизир хІябал бархІи ардякъун. Бахъла уркІби датдухъун, разидешла гъав гІурра чумал бархІи калун.

Къайыпхъала мекъличи къясбиубтира лебри, гапбикІутира. Гъар чинаралра ил мекъличила гъай сарри. БахъхІи илгъуна хабарла мекъ биубси ахІенри. Мекъ гъар шайчиб низам-зегъаличиil дураберкІнилира Къайыпхъала хІурмат-кымат ахъдиуб, хаслира гІахІлала ургар.

Дурсрачи аркъухІели, ГіябдуллатІип дураухъайчи, Карим хІерли тІаш-кайзур, гІур барх школализи арбякъун. ИшбархІи кІелра гъалмагъ бегІлара гъалаб школализи абацІиб. Калунти ца-цали, кІи-кІили башули класс бицІиб. Дурсри дехІихъайчи, Мариятли мекъличила кІелра рурсилизи бурулри.

— Гъанналис нушачиб хІебиубсигъуна мекъ лебри ГіябдуллатІипла узи Атала. ХІябал бархІи дам-дяд зайдикІули калун.

— Дила бегІтира бякъун къалли ил мекъличи, — иб сунклан Къистамай, — дебали гапбикІули лебри.

— Нушара тІалабдарира ил мекъличи. Нушала байхъала ши илаб сабри. Дам-дядла тІама тяп дила унраличирадван дикъулри, — иб гІахІадлашан Хадижатлира.

Дурсри дехІихъайчи, бакІити дурхІнала гъайра ил мекъличила сарри. Каримли, ГіябдуллатІипличи шуряхъили хъарбаиб:

— ХІуни сегъунти-дигара делхъ далули уилри. Чинав бурсивиубсири?
— Нушала гІахІлани гибти хІябал чугур лер. КІел кІишантани гибти, ца — чумлай. Ца хала дудешла калунсира леб. Дудеш хъулив виалли, гъаман дирхъу. ДиштІахІелил нуша делхъли дулхъахъули вири.

ГіябдуллатІипла гъай таманхІедарили лерай, Темирхай дукелцІи бухІнабси тІамаличиil иб:

— Дуки вашухІели, къулани бурсивариб.
— ХІебиалли, дила къули хІечир духути дуили сари, ну бурсиварес дубти, — жаваб бедиб ГіябдуллатІиплира. ДукелцІила чумал тІамали илра гІевуциб.
— Духудеш имцІадирис хІела нуни, — иб Темирхай, ва ГіябдуллатІипличи чевхъун.

⁴ Акаахъиб – вегІ-вегІла мер-мусаличи чаркабиуб.

ГъябдуллатИп харчизур. ИлхIели учитель классизи ухIнаухъун. ДурхIни вегI-вегIла мерличи кабииб. Дарс бехIбихъиб.

Дарс таманбиубхIели, Карим Темирхайчи гъамиуб ва цархIилта хIеба-къесли буриб:

– Ата шилизив сай. Къалмакъарлизи ахъадли, хIед дахъдиур.

– Сен хIуни гъаман Ата урусири?

– Наб хIейгула хIуша къалмакъарли диркули – ца. Клиибилгъунара, хIу сайри къалмакъар дехIдирхъуси, – чумали иб Каримли. – нуни балулра хIу ГъябдуллатИплис ца бяхъес бажардиикадли, хIед хIябал чердирхъу. Ата илгъуна сай.

– Сунени хIябал дяхъялли, нуни шел дирхъис, хIела Атазивадра хIезивадра урухкIули ахIенра ну, – гъатИира тIама ахъбуциб Темирхай.

Илди гъайла бакъили, ГъябдуллатИп Гъасивиуб. Темирхайчи арсланван чевхъи, кайкахъиб. ДурхIнани илди къалабали декIарбариб. Темирхан няст-ти гъайли ургъескайиб, дурсри тамандиубхIели, ГъябдуллатИплис дирути дурули.

– Някъ ахъбуцесра хIейруд хIуни набчи. буцадли, хIела нуни бячи калтари, – иб ГъябдуллатИпли.

Дурсри тамандиайчи, Темирхана сабур аги. Ахирра дурсри тамандиуб, дурхIнала къукъя хIеркIла шайчи ласбиуб.

– Бати бяхIяхъес, – иб Иминни, – Карим урцули, – Темирхайс ГъябдуллатИпли хабарагарли бяхъиб, вати сунезира бяхъяхъес.

ДурхIни тIашкабизурли, кIелра бяхIяхъиб. Къардухъи кайкибу, ахIи Гъяб-дуллатИпли кайкахъибу, Темирхан кайкиб. Илинни Темирхайс дикахъиб. ГIур дурхIни декIарбариб.

– Ну тякухъи кайкисири, хIезивад урухиуб или гъанмабиркахъид, – мутИгIиз дигули ахIенри Темирхайс.

– ГIурра каркахъури хIу нуни, тякухъи ахIи, четIяхIухъи. ХIечил вяхIес хIейгули, витИкIухIели, хIед гъанбикибу хIезивад урухли витИкIуси сай или? Дила узичилара гъай дехIдихъирив? Дила узини хIу ца някъли ПIянчиури. ХIу наб ветIили, декI ветаурлири.

ГъябдуллатИпли илдигъунти гъай дала или числарга гъанхIебирки. Клас-слизив бегIла цАкъсиван кайзурси Темирхан урухирар илира числарга гъан-хIебирки.

Ца классизи баштути дурхIни зиланти ахIенри. Цаличib ца вецIал дус-личибра халатира лебри, биштIатира лебри. Гъарил учIес дигусилис унза гъарглири. Ликбезла замана сабри. Лебилра бучIахъулри. КIелра урус учитель МяхIяммадхъала хъули кабатурлири. Учительта бусягIят къумукъ мез дагъур, ва урус мез илдазира далахъулри. Дунъяличир кадиркути анцIбукуни учитељтани гIяхIил далулри.

БелчIудиличил барх культурала далдуцунира дехIдихъиб. Жагъил дурхI-ни-рурсби учibirкули кружокуни дузесаиб. Далуйти, делхъани, масхурти дехIдирхъутири. МТС-уни алкIахъулри. Колхозуни алкIахъулри. ЦахIнабси бузерилизи бархбикес хIейгути лебри ца хъу лебти адамти-ургабра. Сагаси ибси къелгIеббукес къияннирил, хIебалулрил, далдикили детаурли ахIенри. Гъанналис Дагъистайзир хIедиубти секIал детерхурлири; Дагъиста тах ша-гъарлизир институтуни абхъиб, сагати заводуни, фабрикаби тIашдалтулри. Хъаргабла районнисиз гидроэлектростанция бирес бехIбихъиб. Кирпичунала, бялихъунала консервабала ва цархIилти заводуни ва фабрикаби лушулри. Гъала-гъала артельтазиб или цахIнабси бузери бехIбихъиб. Лебталалра лерти хъуми цахIнали дузахъанбиуб. Россиялизир детаурти секIал МяхIяммадлизи учитељтани дурулри. МяхIяммад вакIили Қъайыплизи аргъахъиб. Гъала-гъа-

ла ил цахІнабси бузерилизи керхес разили ахІенри. Гуждан керисниличира вирхули ахІенри. Къайыплизи сунела г҃яхІлира тиладибикІулри.

– Нуни дила къян кабихъили тАлабдариби сари лерилра дила лерти, – викІулри Къайып. Г҃яхІланира, балутанира, шантанира, тухумлира – лебтанилра бируси хЛунира бара, гъайикІнилизибад г҃яхІдеш агара бикЛухІели, ил лехІкайхъи.

Сагадешличи разиагартала лугІи бахъбикІулри. Кайсуги доходуни кам-кадикІулри. Колхозлизи хЛедикахъес имцЛатани чула хЛайван-къача делгъи, ибгулри. Къайыпли илгъунара хЛебарии.

Мижитлизирти къуръя табтурти уриснила хабуртира лерри. ИлхІели дахъял жузи Мирзакъадини ца къанила дигІяндарили, курлизи кадихъиб. Мирзакъадира тАлабириули, урехи балахъулри. Мижитлизи вашахъес, дурхІни бучІахъес, хЛайбраzi вашахъес къадагъабарилри. Гъар тАлабваралри, се-биалра динна шайзib бузахъуси г҃ядат хЛебирахъес хъарбирулри. ТАлабварибхІели, сунези дурибти секІал Мирзакъадини чизилра дурутни ахІенри. Сайра къай-гъилизови илдала хЛулбала гъала хЛейкес, цацахеI мераначиб, маллуби туснакъабиби анцІбукунира диуб. Шилизивад Мирзакъади шел баз дура арякъун. Ил чинав саял балуси аги. Россиялизибан ванзурбала вегІдешла цахІнабяхъ Дагъистайзib бетаахъес къияннири. Дагъистайзир, хаслира дубуртазир, ванзурби камлири. Илди дузахъути г҃ягІниахълуми, хъубзура дарипти, учидяхъиби сарри. Дахъял хЛайван-къача, маза-мас ца-чумал адамлацун сарри лерти. ЦацахеI урусла пачала г҃яскургази каберхурта дубурлантала диркъаличир ванзурби лерри. Амма камлири. Гаши цАкъдикІулри. Халкълис къиянти бурхІни дехІдихъиб. Хаслира къияннири янила замана урцул хЛедиули. ВацАализирад ихтияр агарли урцул дяхъялри, г҃якІа чебирхъулри. Халкъ илди шикъличи г҃ясили хЛербикІулри. Россияла бургала гъалаб г҃яхІулабиэс, имцЛатипра районата халатани абзурли коллективизация бетаахъулира или, балахъялри. Бетаурси биалли селра аги. Колхозунази каберхес разихІебикиби кулакуни бетарахъулри. ХЛукуматлара халкълара ургар тАмана-гъама ахъдиуб. Ил секІал бетаур Хайдакълизибра. Хайдакъла чумал шила халкъ ханжултачи бетикиб. Мажалис сабри Хайдакъла районна дай. Илар сарри гъар секІал ирзути. Мажалисланти сесад разиагарли сабли хъялли, ханжултачи бетхІебаиб. Халкъла лебдеш, гъар шилизи башули, гужли кебисусири. Илкъяйда, бакІили Гъявшилизи, керасибири г҃яргІя-дагъя булан, ардухибири ризкъи. Клинейс бакІибхІели, лебилра биштЛати-халати, муйли-хъунри хЛебикІули, дурабухъи къаршидеш дарипти. Лебилра ярагълабиуб. Мурул адамтазир ханжулти, бардни сарри. Хъунул адамта къягни, къялкъни, тЕрхъуби, кЛатИни касиб. БиштЛатазир къаркъуби, тЕрхъуби лерри.

Пунтбиубли бакІибтачи чебухъун. Гъала-гъала урчачиби «халкъла вакилти» урехиагарли гъалабяI батбихъиб.

– Ца-кІел урча ганзбараҳІелли, идилти хихбирап. Чузибад уруххІебиубли, къаркъуба иртули, тЕрхъуба пяхъбикІути дурхІнира хъунрира чебаили, «халкъла вакилти» уркІбухъун. ИмцЛатира дурхІни цай къяшмачилри, чули дарипти къислала палтар сарри илдачири. Илдира мер-мерларад дурдилри. Дурдибти мераначирад цУба чурхри чедиулри. ДурхІни дебали чЛукъалири уфбаралли, кабикеслири.

(Хъараҳъуд бирар)



Поэзия

Мяхъяммад
ХИЯЖИЕВ



ГАЛГУБАЛА УРГАБАЛРА БАРХЪДЕШ БАРГЕС ХИЕЙРУЛРА

Ца ванза, цадехI гянжи,
Ца журала галгуби,
Дашути илдас цаван
ЦадехI бархIи, дугурби.

Аммаки цаван ахIен
Илди дузрадзули,
Цаван ахIен цедешра
Чуни гъар дус лугули.

Закирти зубартиван
Ца берхъалли зумали,
ДурхIни беткахъисиван
Итил саби хумарли.

Цали буцили саби
ГъуцIра, дуцIра закибяхI,
ЦархIил саби бируцад
ТинтIбикIули шайчибяхI.

Адамтигъунти дилзан
Наб галгуби гъархIели,
Чуйна чучи херъасра
Пикрума урцухIели.

Адамти ургаб чинаб
Бархъдеш баргес вируси,
Галгуби ургабалра
Сеналра ил агарси?

ЛАВРАЛА ГАЛГА

Дусла авалра манзил
Ца дяхIличил бууси,
Анхълизир хIеб тIашаэс
Даим къайгъилизибси.

КъяртIа – шиниша кIари
Гъар мурталра дихIуси,
Ца хIури янилизиб
ХIеблизибан бууси.

Дила лаврала галга
ХIебла тIем тIинтIбируси,
Риганайла хIулбала
ХIер сунези буцибси.

ХIечи вашес сеналра
Ну умсули ахIенра,
ХIечи гъар вакIибхIели,
Пикрумани урцула.

ЦархIилти галгубани
Сен кIари лайдикIутил,
ХIезибад гIибрат касес
Сен чуни хIедибути?

Дусла авалра манзил,
Сен илди дарсдикIутил,
ЦадехI дяхIличил дүэс
Сен сари хIедибути.

Галгуби набчи къабул
Хедикибтиван дизур,
Цали ца г'ердуцили,
Жалдик'утиван кайзур.

Гинцби, хърби, курега,
Бяг'ли, алча, къянти,
Хуни гъар дус луц'ути
Нушанигу лугути.

Сен гъанна ца лаврала
Галгалисцун уч'улри,
Ца дях'ра, ца пикрира
Сен хуни урасилри?

Пикрумазив вархира
Илхелира сагали,
Гъар галгала гъалав ну
Тлашиурра урузли.

Сари чердерхахъесван,
Клан'буцира гъар галга,
Ишдусра цедеш гахъес
Дарира чумра балга.

Сецац сари дурхъатил
Чузи нуни бурира,
Адамтазиван карц'ли
Чузи гъайра ухъунра.

Хушаб дила далуйти
Ках'едурхар левцадх'и,
Абулхъаб х'ушачибях'и
Мурталра ванал берх'и.

Цали-ца г'ердурцули,
Жагъдик'аба дуслис дус,
Чинав ну виаслира
Хушачи карц'ли вирус.

Излума уцаслира,
Хушачи хусли вашус,
Бег'ла ванати гъайра
Балгнира х'ушаб дирис.

(лаврала галга – лавровый
клан'буала галга саби)

САПУН

Суркра-х'яршроа бик'ули
Беткайхъулри дирихъван,
Х'ед дек'ардеш агара
Чи х'яршварадра севан.

Цабех'и саб х'яжартира,
Цабех'и х'ед – х'ялалтира,
Х'ела х'янчи бируг'еб
Бузахъулри х'унира.

Къисмат илгъуна биэс
Х'едра пайли баиси,
Умувирес гъар инсан
Х'иу някълизи буцибси.

Х'ела баркъудиличи
Къабулх'еркули вирус,

Х'ялалти ва нясаны
Цаван умубирнилис.

Х'улкни, х'ямх'и, къех'буни
Умубарес вирусив?
Илди умубирутас
Бунагъ, танбих'и агартив?

Амма ну къясли вирус
Ну сен ах'енрара или,
Х'ела мерлав х'яшик'ул
Г'янтлик'ала чархкадли.

Бунагъ я танбих'иличи
Х'ерх'ейк'ира илх'ели,
Муэрлилра ил сурат
Виасри чебиули.

ЧЕРИУЛРИ ХІУ НУНИ

Чериулри хІу нуни
Гъар галгала кІинчІлизир,
Сагали гъардакІибти
Заблис г'ергъи кІаразир.

ТІннтІдиубти къялуби
Дилзан хІела някъиван,
ХІечи гъамиубхІели
Гъалакти кІапІуцесван.

Умсхіемусра къунзикІес
ГъайкайкІули хІезиван,
Гъар дус сагати хъими
Ахъдурцули чурмиван.

ХІуша агарси бархІи
ХІебалас сейрирал ну,
Наб бицІахъри, паргъатдеш
Дихути хІушанигу.

Дила анхъла галгуби
ГІянтІикІа чехъериби,
ХІуша лерхІели дила
Чархла бухІнаб гъав саби.

ИштяхІ имцІабирули
ГІямруличи гъар бархІи,
ХІу лебнаб сабхІеливан
Мурталра ванал берхІи.

ЗУБАРИ

Ишдугира кабикиб
Заклизибад зубари,
Ил сурат чебиули
ХІулби рурцІули сари.

Кабикибси зубари
Бургар цархІис мер барес,
Я хІебиули бургар
Сунес хасси мер буцес.

Чумра баласра адам
Халкъ ургабад тядити,
Адамти ургар диги
Чуни деткахъябъити.

Кабикибси зubarван,
Билшули чула шала,

Я бухъес хІебиули
Давлализибад чула.

Илди наб пякъиртиван
Билзан мурт хІеризасра,
Дирихъли дуцибтиван
Дирап чула хІулбира.

ВикІулра, дила игъбар
Илдачи мешухІейкни,
Юлдашунани къапу
Дила мурталра ибхъни.

Халал давла агалра,
УркІи гъарзаси биъни,
Чи ацІалра, катес мер
Дила бурхлиуб лебни.

ЖУНАБЛА ГАЛГА

Чебиули бирхъули
КІарани ва вавнани,
УркІи къакъали саби
Бурцули пикрумани.

Вари хъярхъмабикІудра
Шякъдушес кІари, вавни,

ДакІес асубиарну
Гіурра дугІярти бурхІни.

Бара саби арбукъяс
Яни хІядурбикІуси,
Ил бирап майлизибра
Замана чарбулхъуси.

Клари, вани шахлизир
Деткайхънила децІлизир,
Ташдилзутиван сари
Хи буланра чархлизир.

Замана лебси саби
Гъар галгалис бедибси,
Адамтасван, гІямрула
БурхИни чусра дедибси.

Адамтиван ил бицІур
Замана баибхІели,
Къуватра, гъуцІра, децІра
Сунела керхурхІели.

Заклизир зубартира
Даим алки хІедуар,
Цалис эргъи дашули
Дуги, хІери ласдикІар.

ТабигІятла авара
Дагъес хІейрар чилилра,
Бац-берхІира тІашаэс
Ахъри агу чилалра.

ХIура хІядурли бии
Чекасес бугІядрешра,
Сагали жагабарес
Шила дублабси анхъра.

КЯКЯ ГАЛГА

БегІ гІергъи цІедеш гили
ТІашли, уктемли, карцІли,
Беръуб галга, хІейгалра
Батурли дунъя бацІли.

Беръалра къялубазиб,
Саби галга чумали,
Кабикес ванзаличи
УрузкІули, хІейгули.

Бириб ил галга гъуцІли
Мурталра заклизибахІ,
Дигусиван зуздарес
Зубарти анхълизидяхІ.

Бацра хІязтазиб бири
Хъар къамализиб галгла,
Нунира дирутири
Галгалис чумра балга.

Илала жагадешлис
Икрам бирира нуни,
Ужули варъайчирра
Мурити кякя шинни.

Гъанна ил нуни севан
Убайсусив, балтусив?
Батасли анхъла сипат
Жагъхеливан буусив?

Ца игъбар ну валкъавни
Галгала хъи чебатес,
Галга хІебебкІили,
МицІирсиван буахъес.

Илисра дирис нуни
Виубцад дила балгни,
Ит галга хъумхІертахъес
ВируцадхІи къайгънира.

Дила анхълизиб галга
Ит гъанна агаллира,
Итичила гъанбуршу
Сагал галга кякяйра.

ГІамру даим дирули
Къел калан анхълизирра,
ДурхІнани хъумхІертахъу
БегІтачила сеналра.

Уризат РАЖАБОВА
Дахадаевский район,
Шаласи ши.

НЕШЛИС

Чис мурт къияндикалра
ХIу қумекла някъ сарри.
Тяп берхIиван аралки
Вана-шаларикIули.

БучIахъулри дурхIизиб
ХIела уркIила макъам,

УркIиагарбиубтас
ХIу уркIи ретарулри.

Дигили, разидешли
Лебил дунъя балхулри,
Гъар шайчиб гъарбизахъес
Аллагълизи рулгулри.

ДИЛА ХУРШНИЛА ШАНТИ (далай)

Ламус хатирлис марты
Хабарла гъубзнала ши,
ХIуша агарси дунъя
ХIейгулра, дила шанти.

Гъала хIебла чатIинван
Калабая сакIубли
Вавназирти мирхъиван
Дузули ва дукули.

Мекъ-сяхIбатлис далгунти
някъли давла бурчанти,
Гъар гъигълис цааурти
Дерхъаба, дила шанти.

Гъимрулира делкъаба
Дусмалира делсаба,
ЛебалцадхIи иш дунъя
Я каммадиабая..

ЯНИЛА МАНЗИЛ

Ургъули саб дяхIили
Шила чедиб нушала,
КIапIдариб кабхIили
Хъарани дубрутала.

Ил юргъянни бетаур
Духълумас ва ванзалис,
Мис гумили бетаур
ХIеркIлисра урхъулисра.

ДяхIила чебкад бухъи
ДягI саб уркIециагар,
ДяхIилиуб вяшбухъи
Къар саби игъбарагар.

Халкъ саби пяхъикили
Чула ванал хъулрази,
Рах-магли биштIа дурхIини
ГъаббикIур къакъурбази.

ЧАРХАРА

ХIялалтала тавхайзи
Гъаман мекъ-туй адицIаб,
ХIярамтала гъанкI булан
ХIяв буцIани бумцIахъаб.

Дунъя балхан хъубзарла
ВерхIкъярякъли хъу дерхъаб!

Някъби хъусси хъулкила
Цябси хъулиб кам архъаб!

Гъаман даршудеш гъантас
Занзира къизмабикIаб!,
Чус адамдеш хIярамти,
Шанглаб куръаван, бацIаб.

Къурбан ГЯХИМАДОВ,
Дахадаевла район, Къункъила ши.

ЯНИЛА ЯСИРЛИЗИВ

Авадан дяхIиличил
Яни бакIиб нушачи,
Чебушиб цУба варгъи
Дубурла хъуцIрумачи.

Бускаун миълиуб хIеркI,
Житаван къурбикIули,
БемцУрли саб цИркIси дягI,
ХъанцI бецIван авбикIули.

ДяхIила цУба пусли,
Ахъти зурбала вавни,
Мусна хъурадараийчи
Хъатли дурцулра нуни.

ЛехIиси жагадешли ну
Сайра ясируцили,
ТIабигIят бускаи саб
ЦУб арцла сирилизиб.

ДУБУРТИ

Мурт чина хIеризасра
Чедиулра дубурти,
Ахъли сар цаличир ца:
Дургъули сар заклизи.

Нуни хIедалутира
Дахъал дала илдани,
Нуни чехIеибтира
Чедаиб дургар хIябра.

Сабур каберхурхIели,
Ласирхъулра илдачи,

Чарх ряхIятбирахъути
Лерну сихIру шурмазир.

ХIурхъла цУдара чIака
Саби батли урцули,
Дубурла умул гъава
Шин къядали бужули.

Дилара уркIи гъуцIли
Саби арцес дигули,
Ил гъуцIлизиб гъархIели
Батбулхъан уркIила Гянд.

ЧЕРРЕРХИ ХIУ НАБЧИРАД

ГIямрула зугIлумани
ХIянкадиахъублира,
Амма нушала дигай
Лерал жагъли гъаннара.

ХIечи хIерли деркIибти
Гъандиркур дугурбира,
КIилинра ургубалар
Ласдарибти дукъбира.

ИтхIели хIедра набра
Дунъя алжана бири,
Ургубала арцанти
ХIедра набра дучIулри.

Нушала уркIбазирти
Умут-къасра итхIели,
Дунъяличир цалис ца
Къадардирнила сарри.

Амма кІилалра къисмат,
УбхІебухъун цагъуна,
Калун хъулани дугІли,
ХІедаили мурадли.

Рахли къарширикадли,
ЦІа улкан уркІилизир.

Жагъдеш гъандикахъили,
Зимдулхъан азир биркІан.

Гъар хІу гъанрикибхІели,
Хъумуртис къацІличила,
Я дигай ахъес хІейрус,
СецаадхІи каласлира

ДАГЪИСТАН

Дагъистан – дила ВатІан.
ХІечиб сахават ВатІан
ХІебургар чинабалра,
ХІечиб жагаси ВатІан.
Агни балас чилалра.
Нартани абиқъурил
ВатІан дила ахІерси,
ВатІайс къияндикалли,
Жан кадихъес хІядурти.
Чум-чумилра хъямчини
Къасбариб ари буцес,
Амма хІела нартана
Хъя биру хІу берцахъес.
ХІуни бурсиварира

Адамван хІериахъес,
Юлдашлара душмар
ХІулбази хІерикІахъес.
ХІера, хІу, дила ВатІан,
Гъания зягІипсиванри,
Неш бебкІиб мукъараван
Къакъали ва шавлали.
ХІезиб хІербирути халкъ
Кабуршули, бирхъули,
ХІела халаси давла
Хъямбирули, билгІули.
ЯхІбара, дила ВатІан,
Сецаад декІли биалра
ЛахІебикІурину хІу
ХІела батир-арсланта.



Басняди



Тавсултан СЯГИДОВ

ХЯРА КИГЬАРА

Къарли бугул кигъалис
Детиб рахли хяла гъям.
– Се барес гъямбикъули? –
Хъарбашиб, биубли гъам.

– Гъямбикъасли, наб вегъли,
Белики, лига игъес.
Мукукрап, се биубли
Хъу набзи илда бугъес?

– Дугъла шайчиб гъямбикъес,
Марли, хъед хъебетишли?
Даг вегъли дяхъиби хъед,
Бурагу, хъедаили?

– Дила хъябличи рахаж
Сен баршибил балулрив?
Рахли хъулкни бакъалли,
Хъу гъямбикъес чейсулрив?

– Хъела хъябличи рахаж
Сен баршибил буришав?
Хъу къяцъличиб сабхели,
Чи вирара гъур ишав?

– Набра диги, – иб хяли, –
Хъелагъунти мукукри:
Дяхъили, гериира
Лебилра къаршикарти.

Хъябал бархъилис букъри,
Башигу, дарсиэхъе.
Вягъда гъархъебизалли,
Чардаресра дирехъе.

– Сегъуна биишара ну,
Кигъаван «бе!» бикъули, –
Къанда къелра шайчибъхъ
Бекъли саб гъакъбикъули.

– Ну сегъуна бируса,
Хя къайда гъямбикъули? –
Хъулбира лапидибули,
Кигъа саб дукаркъули.

Къабулкадикиб къелра
Илгъуна вягъдаличи.
Хъекъли разили сарри
Илди ца итилличи.

Кигъа саб гъямбикъули
Къакъалабти хъяшначи.
Хя саби хъурсебикъули
Унрубала дягначи.

Илдала юонтачи
Махъи саб дукаркъули.
«Гъядусла пишни сари!» –
Шанти саби бикъули.

Малланира иб: «Саби
Ахират сабиули!
Чедиидая жагъял
Дагъни булан думгули!»

Ряхъмаличи Гъядус
Хъуливад дураухъун.
«Белгъи, убайсис!» или,
Кигъаличи ветухъун.

Кигъали гъямъибхIели,
Гъядус хIекъли уркIухъун.
ВанцIухъунгу хялиса –
«Бе!» бикIули, гъаббухъун.

– Ну усахъули, дунъя
Бургар марли булъули!
Гъядус, хIу Гъядус сайрив? –
МуцIур сай тямхъириули.

Яра ну сагъли хIергус!
ШайтIай бирар бирхъули! –
БекI бушили, Гъядус сай
ХъуливияхI дуцIулхъули.

Кигъалира хялира
ХIяз саб даймарили.
Гъядусла азбар саби
Шанта алаварили.

Берданичил Гъядус сай
Гъаргала дуралхъули.

УркIубухъунти адамти
Гъаббухъун чула хъули.

Гъядусла бекIла чедиб
Тупанг кIина гурбухъун.
Верала гъагуйизивад
Гъядус гIурра дуравхъун.

Кигъара хяра сари
Азбарлизир руржули,
Дарсдарибити бурги сар
БегIгази чардирули.

Нушаб бурес дигуси
Ишгъуна саби пикри:
«ТIабигIятли гъар секIал
Дурусли гили сари.

Хя гъямбикIули буаб,
Кигъара – «бе!» бикIули.
Низам буалли бирар
Ахиат гъамбикIули».

ЛЕРИЛРА ЧЕРДАЛКИРИАВ?

Хухула хIякаличиб
ТIашли къяца булгулри:
Цаагили мукукра
Ванзализи бирхъулри.

МуцIур лавшарбириули,
Серил шипIирбириулри,
ГIур, хIулби чедихъили,
Къяшмачи харчилзулри.

Къяцала уюнтачи
Дяга тамашабиуб:
Се шикъ сарил бурахъес
Ил къяцачи гъамбиуб.

– Се пишни сари хIела? –
БикIар илизи дяга.
– Булгулра, – бикIар къяца, –
Баили гъянна ярга.

– Севан булгусири хIу,
«Бе!» бикIесцуун балуси?!

– Мукукура сабра ну,
Къяца, багъи, булгуси!

– ХIела Аллагъ чи сая? –
ХъарбикIар гIурра къяца, –
«МехIур мага биублил,
Гъаригу, халбираис ца».

– Ириъ дила неш чили,
Бура, сабри бергунси?
– ВацIала хъанцIа бецили
АхIенрис кабушибиси?

– Бецили саби дила аллагъ,
ХIедра багъес дигалли!
Дунъя севан бирара
Ца бецилра агарли?

– Къяца, беңли дилара
Сабригу неш бергунси! –
УркIхIебулхъану дяга,
Сунна неш гъанбикиси.

– БенI саб хIелара аллагь,
Къяца, багъес дигадли,
Нушала аллагь ца сай,
ХIуни гъайла иргъадли.

– Мирхъи лерри ца бархIи
Бухъна синкас дулгули,
Варъали бицIиб пяхъу
Садакъалис архули, –

БикIар дяга, биругIер
ЛихIи пялхъярдирули,
Къяца къясбирап или,
Цулбира гъаргидибули.

– ЧердалкIи сар, нясанни,
Синкас сужда бибули!
Малла тIужли набзира
Хабар лебри бурули.

– ЧарбухъескIун набчира
Баили бургар ярга.
Се или булгусирал
Бурагу, – бикIар дяга.

– ХIачIибикIес ахIенси
Лебу хIуни балуси?
Дила пикрили къалли,
Хухус бургуд булгуси.

– Сели булгусира ну?
АхIенрагу балули...
– ЛихIба булген, хIу юлдаш,
Дахъал гъай хIедарили!

– Чиди мижитлизи ну
Башусирал бурагу?
Къяцнчил барх булгахъес
Нура бархбяхъябагу.

– Ягъари, дяга, хIуни
Се сари дурутилра,

Къяцнала ургаб дяга
Сегъуна биишира?

– Мирхъиличил барх нура
Синкаличи башишав?
Яра хухула гIяйниб
Кабиили бушав?

Къулачи бякъунрагу,
Хъурсдики, дугIеира.
Гамушуна къалли ну
Мучлара хIебарира.

Цурачира бякъунра,
«Се бариша?» бикIули.
Ганжуби гъардакIахъиб,
ЦавайтIа хIербикIули.

ХIяж барес дигахъира,
Аркуси биаллири.
Дагъачилра аркъира,
Бахъ меҳIур хIебиалри:

ГIугIубикIес бехIбирхъур,
«Ну булгулра!» бикIули.
«ГIугIубикIен!» набзира
Лебри ил няс бикIули.

ГIугIубикIесра нуни
АхIенрагу балули.
«ХIела аллагь цархIил сай», –
Дагъа сабри бикIули.

БуцIачил бархбикес саб
Наб, марлира, калунси.
Илда-декIар балтарав,
АвбикIес хIебалуси?! –

Хъара-хъарацад нургъба
Дяга саб къантIибикIули.
Дягала децIлис къяца
БекIли саб гъакIибикIули.

Адамтира ишбархIи
Тамай саби бархили:
Аллагь ца сай виалра
Цаличил ца бирхIули.

**Лебил бархили саби
Мижитуна лушули,
Мижит мякълаб биалра,
Машинташиб башули.**

**Къяшмала у дурхъаси
Къартинра убуши,
Цализизибад ѳа дигІяй,
Арцлис саби булгули.**

**«Къудратла вегІ, хIуни наб
ВилгІяхъес кумекбара.
Ламартчила набчибад
ХIярхІяра гъараҳъбара.**

**КIялгІя таманбараҳъес
Рушбатуни дихаҳъен.
ХIед хIябал мижит дирис!
Духули никриухъен.**

**ХIела хIурмат бирули,
ВерхIна хIяжли вякъира,
ВерхIна гъатIира укъес
Нуни къасра барилра.**

**Аллагъ валути къалли
Гъанна бахъал агара!
Кисализир мурталра
Нуни ярагъ дихулра.**

**ГIярабла ГIилмулизиб
Балуси хIебиалра,
Абзур хъали бицIили
Кунганира дихIулра.**

**Житнира хурираван,
Унруби дижгублира.
Лига ургабикибти
Тяп хуриван дирхIулра».**

**Буруси иргъниличи
ХъуликIули хIейасра,
Жалтачи лехIизурли,
Набра бурес дигулра:**

**«Мижит – Аллагъла хъали
Саб, дила гъай агара.
Ил хIушала уркIазив
Левал ѳа хIердизира.**

**Сай чинав виаллира,
УркIилизив ил левси,
Иш пана дунъяличив
Сай бегІла талихIечевси.**

**– БацIли хIебалтасрану,
БелкIенгу наб ѳа тулки, –**

**Ца бархIи дугъаизур
Шилизив уриб хъулки.**

**– Мижит лушасра или,
Дила никри лебсири.
Нура дяга виасли,
Се бирузи ил белши? –**

**Шали-шайчи улкIули,
ВикIар набзи ил хъулки,
БелчIунхIели, гъинчIизи,
Сунес белкIунси «тулки».**

**Басняли асарбирни
Нунира хIебалира,
БаласрикIун гъаларал
ХIябалалра лукIира.**

БУКIУНРА ШАГЬРА

**Дубурла сагализив
Дурзам гIийбикIахъули,
Бяхъильри букIуй шяллитI,
Лусенти дулхIехъули.**

**Заклизив кIайбяхIиси
Чакара лехIихъулри.
ШяллитIла макъамлиур
Мукъри булан дулхъулри.**

ХIери биул замана
Маза дусес кадихъун.
Варгъличив букIунра
Бамсирахъес хъарихъун.

Муэрлизив букIун сай
Халкъли чус шагъварили:
Визирта ва нукерта
Ил сай алавварили.

Учили хъулки савкиб:
«ТанбихI бара, шагъ» или.
Аги илала някъби –
Гъаларал чердяхъили.

– Се бирехIе иш хъулкис? –
Хъарбиули сай шагъли.
– Къяшмира чердирхъехIе! –
Дурасиб хIукму халкъли.

ХъитIаличиб бардали
БекI чеббушиб къачагъла.
Висахъули, кам архъиб
Сегъунарил дибягъла.

Зарбабла халатлизив
Кайили сай тахличи.
ХIеркIван башули саби
ЗугIумачил шагъличи.

Хананала ургав сай
Чишликуна укули.
Цаагили мукърачи
Авцили сай викули.

Дугили гаремлизив
Хъунра сай кIапIурцули.
ХIямамлизив рурсба сай,
Суркирули, ицули.

ГапбикIули, шягIирта
Заклизи аяхъули,

Жагати далуйтачи
Гъар бархIи лехIихъули.

Гъанбикибси бирули,
Ахъли буйрухъикIули,
Кеп-чеклизир шагъли сай
Лерил ГIямру дуркIули.

Ца бархIи визир вакIиб
Шагъличи симкъикIули,
Агы или висули,
Шагълизи сай викIули:

– Душмантала хIеркI саби
НушачибяхI лябкъули,
Урчала гудурла сар
Гъарахъларад дикъули.

Шагъли гIяскар дураиб
Душман вялчIас викIули.
ХIуребалис гъалав сай
Шушкали гъакIикIули.

ХIурбунала бурги саб
Шагъличи дуцIикибIули,
«НахIа гIяхIдеш агара,
ХIу верци!»- саб бикIули.

Урчилис гIярчумагли
ВитIакIили вирхъули,
Вебшили сай сайцун шагъ,
Муза-къада ихъули.

Дубурти дулхIехъули,
Тупи сар кIухдикIули.
Шагъла къяшми миъличир
Дягалаван руржули.

Шушкнара гъакIикибIули,
Душманти къакъла ГIелаб.
Ца-хIябал нукер саби,
Бебшили шагълис гъалаб.

**Викес мер хIебалули,
Шагъ сай ахъли висули,
Хунжазивад мургъили
Г'елавяхI сай иртули.**

**Душмантани илала
Мургъи мучладибули?
Шагъла бекI чебушес саб
Гъанна илдас дигули.**

**ГъакIбарибси шушкала
Бяхълиувад уввухъун,
Урчила къакъличивад
Шагъ къадала тяхIухъун.**

**Чеваргъиб илав букиун,
Майали кIантIикIули.
Шурми гечдарибсиван,
ДекIли сай гъигъикIули.**

**Сунени чебаибси
Муэр бильни аргъили,
ШинкIабиуб пада сай
Ца някъли пяхIбирули.**

**Алавчар хIерикIули,
Букиун сай дукаркIули:
«Сен гIяхIсил ну шагъ хIейъни!» —
Сунези сай викIули.**



Проза



**Ибрагим
ИБРАГЬИМОВ**

БЕЦЛА КЪЯРД ДИРИХЪЛИУБ

(хабар)

— Жан гІямал, дила рурси, ишбархIи почта сабухес хIу рукъен... Азбарлаб балкъаахъурли эмхIера хIядурли саби.

— Ну? ХIу се рикIулри, неш? Сут бархIи? Дила дурсри гъатIи?

— Дурсри гIурра хIядурдарес бажардириркуд.

— АлхIят бархIилис почта хIерли хIебуулив?

— АлхIят бархIи, дила рурси, дубурличи мура бердес аркъутира. Унрубани яхаби мурали дицIили сари, нушала мура хIебердили лебал.

— Неш, хIу рукъесра риради почта сабухес...

— Рибули риасри, дила къуймур, хIези гъайра хIейрира: абзур дуги къаш изули, гъанкI хIехъира. Рашес рибули ахIенра. Набра хIу ита рапхъес дигули сари или гъанмабиркахъид: уркIи цIаличибван рурцIули саби. ГIямал биал-ри...

Мудрикатли буруш бархъбатур. Къалаба-къалабали палтарра чесадуцили, гъаргала дурагухъун. Дураб чахъбикIули дирахъ гъунибаибхIели, илала гъав гъатIира бамкъур: «ГIягIинили бургар? Ишгъуна савли дураша раэс карцIли рургус? Цали бигаб чула почтара сабира! Наб паргъатдеш агара. АнцIдукуи сари илди архIяби, хIебалас, мурт нушачирад чердиркутил...»

Мудрикатла рачаряхъни аргъесири: илала неш ГIятикат шила почтальон сарри, жумягIли хIаяна газетаби, журналти, посылкаби чула бегIтачи диахъутири. Неш сарицун бажардихIериirkни ашкарси сабри, илбагъанлдан Мудрикатли кумек гIеббиахъулри. Почта хъали-хъайгIи дутIес илис селра ахIенри, бегIла хIейгуси чучи дяхIчиси, ца дубура ургабси Акрила шилизибад, эмхIечи чебихъили, хIябал верстлацад гъунира ахъили, почта шилизибихни сабри.

«Нушара гаша хIедубкIехIе, цархIилтас лебси нушабра камхIебиран» или, ил чуйнаил нешличи дугъаризургу, илала гъайли нешличи халаси-декIар асар хIебири, ва гъархIели цагъуна жаваб иргъи: «Абас рат, хIу багъандан сарра ну къакъарақIибси. Колхозлизир рузули, хIила майаңа картIули дарибити къия бурхIнас хIед се талаббариша? Ца дус гъатIи ручIадли, школа таманбириид,



Гур курслизир ручес дигахъид, шери рукиес хулрулхъад... Гы, хулиб мас-хазна агарли, хатла кадихъесалра гябаси агарли, ху чис гягнилири? Илкъайда чили се гямал биру? Шантала гъалар ну цахирис. Камил-гъамил лебдеш нушабра бучес чебиркур. Ху рикюли рургуд, нуни муэрлизиб чебиулра иш хянчи. Аллагъиличира, дугели рисулра, херели жинжирагъван саремциулира, къакъадешлизир гямуру дуркүлра... Байтарманти, нахиа къашмира изездяхили сари. Гур се биру, почтальонна хянчи гъар дигухели хебирап, нуни бархъбатасли, хъямбарес хядурти шилизиб камли ахен. Хела дудеш мицирли калунси виали, дила рурси, гъар секал цархилван дири, нушара язихъли хедирира...»

Ге, Мудрикатлис дудеш чеэсра къадархъебиуб: ил нешла канилар лерай, дудеш хъарахълизив берхила изай арухисири...

* * *

Шилизибад къадала убяхихъуси дякъ гелаб калун. Жярла къадуба келра шайчибад берхъиси лаг ахъес гъамадли хебири: галгуби-ургарад дурадерхъути муръухъулала ва гинтбала занзбар къялуби дях-някъличи хъябшдикли, палтарлизи къябдикли. Имциасигъуна гъуни мяхкамдеш барес багъандан, бекира къухкабуцили, ихъес чебирки.

«Эмхелис се авара, – пикирикюлри Мудрикат, Гергъисигъуна занзбар къали хевализибад декарбириули, – къадуби-занзбазиб акюбси саби, бегила сунес дигуси бергалара саби. Илис илди наб жанай вавнигъунти дургар...»

Илини гиликъабталичи бигъунси гая гъяжбарили, лаг кункбиахъес эмхела кумек пайдалабириулри. Мицираглисра халаси къияндеш аги, чеди-хъиби халати хунжикюн гъачамлис дацли сари ва, гъар ганз кайцухели, илди ита-иша гъакидикюлри.

Чумал минутла Гергъи рурси, чура ахъили, халаси майдангъуна диркъикичи дурагухъун. Илаб къашла дякъли хан гъуни байбирхъулри ва Акрила ургубализи мурхъбиркулри.

«Саби тутюли буь, хябила зумасира леб къалли иш дирихъ, – сунези сари рухинаручюлри Мудрикат. – Хулбази къизбикюсиван саби, ца гяхдеш, илини вязъала дарх сахиедухнилра, хянра дирхули рашес лебгеб къиянбулхъи. Чуйна Акрила шилизи рякъунра риасра, ишгъуна бачабархиби аргъ чехебаира. Гебшила манзил биалри, аргъесири. Дуцирум цализирси замана саби. Гягнили бурги наб сут бархли иш архия? Я Сабир почтализи хякъян, школализив дурсера чекарцу. Илис хабар чинабли ну ишбархли чула шилизи почталичи ляркънила? Рахли багъалри, улас, дархъкадатурли дурсира, почтализи вакшиира? Гайгъай, лявкъи. Сабир мурталра алхият бархли почтализив къаршииркули виар. Хунтлен-цюбирули набзи тур-туркайкар. Гячам почтала хянчизар зизи Хадижатли ил урузра вариб. Сунела хянчира дархъ-

датурли, почтала хъулир Гяшли хабурта дугъути нушачи ил хөрризур.

— Гийй, Сабир, дикъулра хөла шивкүйвэлэл. Нешлизи Гярзирурину, мяхын камли уэн.

Сабир уркүхьи кайизур, гүр илини иб:

— Зизи Хадижат, сен или рикүусири?

— Сен хөрийншира, унрашан дила Гяхын алтасын рурси урезили рубкяхули виадли?

— Нуни вайси ца девра хөбурира.

— Вайси хөбури нунира балулра. Сен-сен иргъути хөла авара? Гэр алхыт бархын, Мудрикат иша ракиймад, хүраа дактуулхүүлэри. Гяшикь-мага виубли хөлийши?

Я Сабирла я дила зизи Хадижатлизи буреси жаваб кахелун: ил пяхъли аякъун. Наб къалли гъанбиркусури, урези гъаладулхуули, гүр ил почтализи ацлес хөйрэл или. Чина хабара, гөргөниси алхыт бархын дактуулхүүн. Вакинила сабабра лебли убухъун. «Валлагь, — виклар, — Гярасайлизивси адавзила кагъарличи дудешли вархыбсира». «Кагъар нунира хүшачи баахъес риаси», — илихи хөррилзули, ришантличил пишрэхъибсир зизи Хадижат...»

Акрила шилизи дихути кел гүуни сари: ца — хан гүуни, итил — Бецла къярдлизибад дурабулхууси къяшла дякь. Хябкъяйчи раибхын, Мудрикатли эмхе ташбизахъур, бекхажанира илала хъяблишибад чебкахъили, гъаббуциб. Пикрихүүн: «Хан гүунчилбад киналира-сера гөркъали бетарар. Бецла къярдгад гъамли саби, сепайда, дахь хөгжлийн мөр-муза хөйсалри. Дай закибад берхын шалабикүхелира, илаб дяхын бирар: дугла хъярла ва гинцла галгубанира, дургла, мяхынлла ва миала къадубанира ил гъярца къярдла чебкад къялубала арсавар бетаахъурли саби. Къакси аргыра гъятлы биалли, Бецла къярдлаб таманни цялбешла пардав чекахъибсиван бирар.

«Сен акрилантани иш мерлис Бецла къярд у бихьибси, неш», — хъарбаиси сенрил Мудрикатли нешлизи, илабад барх шилизи чарбуулхуухын.

«Хуван нура риштэли сархын, нушала Гяхын хүнүйзи ил суал хъарбаиси, — Гячихьбарибсир нешли. — Ил рикли, ж яв замана шантала хүнкъазирад ва дурзатазирад чер-гъардикиби мицлираг ил къярдлар дургутири. Дургутира мицлирагла калунти лига-къякъя сарри. Илгъуна агичил барышкабиули сецадхын буара шанти? Ца бархын шилизийн лебтигъунти Гяяркъянахи дурабухъи, цахынаб къярд авараг-аварагли, къада-къадали умцурли саби ва бухъна цулерца галгала удиб халаси пукъя баргили саби. Илар биалли — хябал бецла... Гайгъай, Гяяркъянахани жанивартала аги ибгили саби, аммаки ил къярдлабад мурталра янила дугурбазиб буцла авла чебихули калунси саби...»

«Ца игъбар гъанна дуги хөбиинилра, я буцли къяйцкадикүси янила манзил ахын. Дила мурадра жяв-жявли Акри раяни саби», — сунес сунени маслигийтээр барилы, эмхынга гъаббуцили, Мудрикат Бецла къярдлизи уряхынхын. Уркүлиизи багыла-багыла хурабиуси кахдеш сунес гэлабад паргъатли башуси эмхын циила камкабиусигъуна сабри: мицлирагла адалтаси цундеш дургынти сари. Гъятлы паргъатриэс къасличил, Мудрикат сунес Гяхын дилзути пикруми садирхъес рехирхьиб: «Нешли белчидиличи махриулихъар, дила халаси иштихын агара, итира школа чеббикайчи хөрлира. Дила илцад мурхыти я багыудлуми агара, я даргес гыира-къас хөдиуб... Чи се бикхалра, наб ну-рэгти хъалица дигахыира, белчиди-курсаны агарлира

Гъялбирап, хъалицă агарли хъунул адамла гъялхъебирап. Масала, се гъяму дирути нушала школала директор Райзанат Мусаевна? Илини, бикIар, кел институт делчIунти сари. Чис гъягIини, се гъяхIдеша, цунни хъеррирули риалли? Илала мурул агара, дурхIни агара, ялгъузли сарищун хъулир хъеррирули сари. Илини далути ва чедиути школала гъяму сари, сарирегIти бекIил агара или бураллира, хагIа хъебирап... Наб къалли ил Сабир бихъисигъуна ца ахIамакъ гъулухъачил хъалицă дуцес дигахъира. Сепайда... Иличил илгъуна уркIигъарги ихтилатра бетхIеур. Илра нуван школализив учIули левал. Амма нуниван илини жуз чебаибхIели, хъулби къяпIдирули хъейъни балулра: мурталра олимпиадабачир цашибти мерани илала дира, райцентрла парклизиси ХIурматла уркъуйчи баршили илала суратра леб. Юх, школа хъараахъурмад, ил хъайчикахIейрап, учIес аркъян... Раҳли нуни илис илгъуна масъала гъалабихъасли? Улас, сейкIишира? Гъя, хъябилра цIахдеш пикрихIебируси хъериасли? Чехъертала илдигъунти дакIу-гъаргти гъанбikuни дирау? Нура хъяясиз сарра, хъяясиз!»

Хапли ташбизурси эмхIели Мудрикат тирхърухъахъун. Ил геларяхI ласряхъиб ва паргъатриуб. ЭмхIели гъунила дублабси хъянзанзи бугулри ва сунела регIизи бикIусигъунари: «Ташризи ца минут, къагъбек! Нура леб-сира, нура мицIирсира, набра бергала гъягIиниси саби. Раҳъ къалабахIерикIадра, дижхIе Акрилизира. НуникIун балулра, илаб хъуни наб цIулкъямла тавра бекI-личи чекахIейхъид. Хечи хъерли, почтала гъалаб гушли кавлас...»

БецIла къядр гъачамличиб гъачам мурхъбирулри ва гъярцибирулри, сенахIен-ну келра шай chir ахъти лусентиван ташкадизурти шурми сари. Илдани гъуни къакъабарилри. Илди къалли, лебгIеб къяшла дякъ бетахъаили, цализи ца дасес дигутиван сари, биалра, ургарад дурадерхурти зурбати галгубани шурми

чула дазурбачир дуахъутиван сари.

Мудрикатлис гъурра дурашан Сабир гъаникиб: «Вай, гъяхIил бииши къалли гъанна ца чидил-биалра галгала гелавад хапхабарагарли, нура уркIаили, ил дакIуухъалри.

– Мудрикат, хIу наб диагхъулри, ишбархIи хIу гъарритIес пикрибарила, – или гъайра кавхъалри.

– Ну гъарритIес гъягIини деш лебу? Бархъа набчи хIела бегIти сукни, нувал ляркъяс, валлагърагу, хIед къалли, ца дабрилизи келра къяш кадатурли, ляркъяс, – жаваб чарбирира нуни.

Гур се бури Сабирли?

– Сабурбара школа таманбаяичи, тяп ил хIу рикIуси бирехIе.

– НуникIун сабурбариша,



белики, хIуни цархIил рарагиши? Шан ца исбагьини хIела уркIи сунес хъям-хIебаралли?

– Вари, вари, хIебиру… ил хIед гибси саби. КIел уркIи дила лерти ахIен.

– ХIябилра къугъати гъай далусира леври?

– Илди хIед сари дурути, гIур числарда дурути ахIен. Эй, Мудрикат, хIела наб буреси гIур агарав гъари?

– Се саби хIед аргъес дигуси?

– ГIяхIси, малхIамси, наб цIуэриван яра берхIила хIерван гыгъбухъеси…

– Илдигъунти дугъби нуни гъачамлис делчIи ахIенра. Ну хIуван гIахIил ручIусира хIериасли?

– Рахъ дигIянкамарируд, наб хIезирад аргъес дигути дугъбира учительтани дурсрачир дучIахътуи ахIен.

– ХIебиалли, илди хIуни итира далули уилри?

– Наб хIезирад аргъес дигули виасли?

– Иргъид… мурт-биялра иргъид… набзирад илди хIуни ахIи, гIур чилилра хIергъу.

– Дила сабур баэсара?

– Биур, хIерли вии.

– Вирус, хIерли вирус!..

ЭмхIе сагадан тирхъбухъун. Дирихъла гъуршдешлизиб чумал метрлацад тяйдили ахъси биризла гIелабад къарапади гъунчи тIяхIбухъун. Рурсила уркIи дурабиркули бара калун. Илмадан къарапади кIайризурси МудрикатличибяI ганзбухъун.

«Гъуя, дила Аллагъ! Марли, Сабир вакIибу гъари? Дила жи аргъибу? Ил-къайдара бирузисв?» – рирхаэс гъамадли ахIенри Мудрикатлис.

Юх, ил Сабир ахIенри. ДягIути дягI-някъла вегI, занта къаркъа вегI ил гIулухъа Кирхан сайри. Акрила шилизив урибси бекIбяxъ. ХIянчи хIярам. ГIярмиялизивад чарухъунна сунезибад цалра баркаллала баркъуди дурахIе-берхурси. Гъар бархIилис урхIла лягIнатунала цIали «игуси». Я «вигубли» бекIхIейруси. БегIтала хъябличи мурдакайли, держлизив кIайгIули, гIамру дуркIуси зузбяxъ.

Мудрикатли ил чеибсира гъачамцун сайри: почтализирад дурапухъи, шила дубла раибхIели, хапли къаршиикибсири, ва илини чула шилизи раайчи гъунирратес гъалабихъибсири. ИтхIели Мудрикат лергIер урухриубсири илала гъаргъти ва хIаяагарти хIулбазирад: илдала хIер жаниварлагъуна лямцI бухIнабси сабри. Ца антра хIеили, ил гъарахърикибсири.

«Мудрикат, нуни хIу гIурра рургuri… ХIу наб гIягIнилири…» – гIелабад чехибсири илала гъимидухъ тIамара.

– ГIяхI сягIят бираб, Мудрикат? Рамсурли хIериши? Багълабара, нушала шилизи гъуни гIурра кали саби, – вайнукъя гъамиубли уркIрухъи кар-карли руржесряхIибси рурсила хIулбази хIериизур.

Пякыир рурсила цалра гъай бурес ахъри аги.

– Сен гъайхIериикIулри? Набзирад урухриубрив? Ну жанивар ахIенра, БецI-ла къядр биялра иш, я ну бецI ахIенра, – илини хъяники эмхIела бекIахъани гъяжбарибси рурсила някъ буциб. Мудрикатла кахси вяв шурми-ургаб гIеб-гIебагъур. Батаахъес къасличил някъ гIелабяxI битIакIиб. Сепайда, бугъала-гъуна къуватла вегI Кирханна цIакъ халасири, итил някъли ил райлизирад алаварили, сунечи Гинирагиб. ГIур гъуярикIахъули ва пялхъяррикIахъули,

чуйнарил дяхIличи, ляжубачи байдариб. Мякълабси гIиччутIрала зумаси къадализи хъусрариб.

Сунечи бакIбси балагь аргъили, Мудрикат Кирханна дяхIлизи ва михъирлизи диштIати хункIачил рирхъесряхIб: юх, вайнукъяс илди илала жаниварла гъира цАкъбирути пишнигъунти сарри. Берщуди агнилизибад умут бердили, рурси тилади рухъун:

- Ца аллагь багъандан, ратаба... Ну цАхмарираба...
- ХIературли ругули хIериши, хIези буррагу, хIу дила ретаруд.
- Ну хIела риэс хIерирус! Нуни хIу валусира ахIенри... Ну риштIаси рурси сарра... Ратаба, жан урши, хIу гIямрули велкъ!
- Илгъуна тилади, Мудрикат, нунира бартаахъес хIейрус.
- Аргъа дила гъай... ХIу цАх-пучируд! Ну вяврикIус, ЧIяррикIус...
- РикIен! ХIед дигуцад вяврикIен. БеcIла къядларад адамтани иргъути буцIала ав дирап. ХIела ЧIяр чилилра хIергъу!

Кирханни рурси лигуби къябIдухъесли гъяжрариб, ванзаличи карикахъиб, хIева гъярбердиб. Чейкили держли гягIдикIути кIунтIбачил Мудрикатла гъаргдухъунти назикти хъяб-някъличи, михъирличи уммайтала «хъбихъя» чекъур.

УркIеcIи-ряхIму агарси гуж даимбиу...

* * *

Балагь чебарбякъи, дагъриличи ракIбси Мудрикатли бегI гъалар хIисабдариби зумаси дирихълизир ахъдиубти галгуби сарри, чунира закла дубакарчIа бараван чейахъути. МурткIал гъаб-уб хIебиубси – илди галгубачи рурсила гъимидухъун: сунечи зулму бакIбхIели, илди аварагарли ца шай chir кални багъандан, къялуба дирхъули, вайнукъя сунечивад гъавяхъес хIедиъни багъандан. Илис ил манзил чахъбикIуси дирихъ гъатIира вайси душманван кабизур: къачагь Кирханна бархъя. БяргIбси, цIябси, ряхIмуагарси, балагъуни дихуси...

Рурсила жагъти жан жяргадарибси, илди ГIизраил малаикливан касибси Кирхан мякълав дадкайзурлири ва, Мудрикатличирад хIулби черхIейсули, пиширхъули. Илала пишвяхънилизиб рурсили гъамадли бучулури: «Гъу, гъанна паргъяткарии... ХIела эмхIе бебкIиб... ХIу дила ретаурри...»

«Юх, ну хIела ретхIеуrra! ХIуни дила ламус касири, дила биштIаси хамха ганзбарри, аммаки дила биштIаси уркIи гъачамлис михъирлизиб тимхъбикIули лебал: илини хIушагъуна вайгъабза сунези ахIейцIахъу...» – сунес сунени шивкIивбирулри Мудрикатли.

ГПур цалра гъайра хIебурили илавад гъарахъиркули, Кирханни чумал ганз кацIиb, тIашизур, ласяхъили гъинчIилзули, ца тахтала хIябкуб белчIун:

Дирихъ зумал мерличи,
Вари, рурси, марашуд:
ЦIуб мукъара саб или,
Архурину хъанцI беcIли.

* * *

ГյахІцадхІи ребкІбсиван ванзаличи чІикъритІи кали гІергъи, Мудрикат аризур, гъярдердиби палтар, лергІер гъаргли хІериэс багъандан, хамхаличи далдариб. Бетаур-кабикибси хІергъули, диркъбикличиб кІайбизурси эмхІе-чи гъамириуб. Илра гъаббуцили, гІеларяхІ ратрихъиб: «Гъанна таманкадиуб Акрила шилизи дила архІяби...»

Ца гІахІдеш, Мудрикатхъала юрт шила дублаб биъни: шантала хІулбази хІерикили, ил азбарлизи арацІес бажардирикиб. ЧіянкІли нешлизибад илис селра дигІянбарес бетхІеур.

Рамсайчи бисара барилы, неш дурарухъун...

БархІехъла илдала хъули тухум-агълу цалабикиб. Гъарилла бурусиличи лехІра бизурли, Акрила шилизивадси зулмукар Кирханис халатани хІукму дурасиб: вайнукия судла гъала тІашватес.

* * *

Дурутира кадерхурли, Гіяткатла узи-урши чарбухъес балкъаурхІели, юртла къапу жикъдухъун. Камси гъатІи, асубирару хІушачи дакІес или, кІел мурул адамра ца хъунул адамра хъули абацІиб. Илди сабри баягъи Кирханна тухум-агълу, сабира маслигІятличил музабухъунти.

«Душмантас нушачиб мер агара, хъярхъли дурадухъеная дила хъулирад» или, вяв-чІяррикІули Гіяткат илдачи черухъунгу, илала узи ХІяжимусани тІашризахъур.

– Душманра, вегІла хъули ацІибхІели, гІахІял вируси сай, дила рузи, паргъатрии. Хала бегІтала гІядат буэс нушазибра ихтияр лебси ахІен...

ЖихІебарибити гІахІли кабиахъес мер-муса чедаахъиб. Хъулиб ахъбуцес хІейруси зугъаси гІибкъдеш сабри. Хъа бегІтала дяргІибти дяхІ чедиули, бакІйтанира селра или гъай дехІдихъес хІебирулри.

Ахирра хІяна музІурла вегІ ухъна, Акрила шила имам ГіябдуллахІяжи гъайухъун:

– ХІурматла хъа дегІти, баркалла биаб хІушаб, сабурбарили, нуша хъур-радарнилис. Къудратла вегІ Аллагълира сабур инсайзид бегІла дурхъали чебаибси саби. Гурра имцІадиаб хІушала уркІбазир иманра ряхІмура, – ил тІашизур, музІурличибад хъат чедиберкІиб. – Даҳъал гІядабти анцІбукуни чедаибти сари нуни: вашира къидакабиутбачи, душмандеш къадардиутбачи, балагъ-къадар чедикибтachi... Ишгъуна анцІбуку адамтала уркІбазир гъатІира мурхъси дяхъили бетарули саби. ХІейгеси, дебали хІейгеси анцІбуку кабикили саби. Се биру, угъраш Кирханна баркъудили хІушала гъалар нуша цІудара душманти детаахъурлира. Балулра, иргъулра ил секІал, я селра дикІес нушаб гъамадли ахІен, я нушала ихтияр агара. Биалра, душмандеш мурхъхІедарес бетаалри ибси хъулличил сапарличи дурадухъунтира... Нагагъладан леббиялли, маслигІятла гъуни баргили дигахъира...

– Нушаб маслигІятуни хІяжатли ахІен! Судли танбихІ биру! – сабурбарес хІериубли, ургарухъун Гіяткат.

– Иргъулра, рузи, хІела децІ, хІу рапхъли сарри. Аммаки цакамси сабурбарили лехІризадри нушачи...

— Чевверхи, ГյабдуллахІяжи, сабурбарес вираву илгъуна убяхІси анцІбу-
кълис гІергъи? — иш гъакІлис лехІкахъес хІейуб Гյатикатла узи ХІяжимусара.
— Гъалабла замана биалри, хІушанира балуиван, Кирханна дунъяличирти
Гյамрула бурхІнас ахир кабирхъи... Гъаннара пачалихъла законтазир танбихІу-
ни лерти сари зулмукартас. ЧянкІли нуни аргъес вирули ахІенра илгъуна
вайнукъяс се маслигІятбируси... Пикридухъеная, хІушала гъарилла хъали-
баргун леб. Леб хІушалара чаба чебяхъили башту. Хушаб сен-сен бири
илгъуна гуж хІушала рурсиличил бетаалри?

— Вархъли викІулри, хІурматла ХІяжимуса. Къадармабараб Къудратла
вегІли числалра илгъуна анцІбуку, — гъайлизиахъиб таза-тазаси гІяхІялра. Ил
Акрила шила бекІ сайри. — Нура хІушачи, узи-урши, иш СалихІят рахъ язихъ-
ризурли, вакІес къабуликибсира. Ца ахъсахъ мазалира абзур дурзамла багъа
булья, бикІар. Илкъяйда бетра бетаурли саби. СалихІятла мурул ГІяхІмадхан
хъулив левсилра виалри... Ялчнад вашули, хъалибарг абиқъес багъандан
хъулиб кайэс мер хІебургули, узули сай. Баркъагар уршили биалли бегІтала
хІурмат буи сай... СалихІят рузисра гъай бурес дигули сари, нагагъ хІуша
къаршили хІейадалли?

Кирханна неш СалихІят хъа Гյамзила танбихІличи хІерси ясирван гъай
агарли пяхъриклири. Щубдухъунти дяхІличир бисала хІерзи чедаэслири.

— Ца Аллагъ багъандан, Гյатикат, душмандеш мадурцид, — иб илини,
кІанала дубличил хІулби ушкули. — Набра гъамадли ахІен: ил вайгъабза
урши варкъибси ну ребкІили риасри, дила игъбар сабри, ишгъуна убяхІдеш
чекасесличиб. Къадармайаб числалра уркІи хІергъибси дурхІя. Илизибад се-
дигара вайдеш дурабурхниличи ну хІерсири, амма илгъуна цІахдеш нушаб
гІеббиахъу или гъанхІебирки. Дирхаирая, урши кавшнила хабарлира дила
уркІи гъаннаван къакъахІебири. Я кІантІихІерикІира... Илгъуна децІ хІябал
бархІили ахъили таманкабирузи саби. Наб хІела гъала ракІесличиб, рузи
Гյатикат, аллагъличира, рирхай, жагъаннабла цІализи карацІес гъамадли
бири... Гур се биру, сесад гъакІидирилихъар, някъличирти тІулби чердиркули
ахІен, я някъ гъакІбарили руэс ахъри агара. Сесад хІяясиз виублихъар, ил
дила уршили кавлули сай. Мурул хъулив левси виалри, наб ишцад декІли
хІебири, урезила цІали игулра... Иши хІушала гъалара ракІес хІерираси, эгер
ил аллагъла душман, магъарра дихъахъили, хІушала рурсиличи хъайчикайэс
дигулра или, бурибси хІейалри... Бетаурси бетаурли саби, белики...рахли...
УрхІла мухІлбазир нуша чІямдирули цІахдиубличир, ГІяхІил хІебирив илди
хъайчикабатахІелри? Ну ил секІал барес хІядурлира, я селра мяштбирули
ахІенра...

Гյатикадли тІама ахъбариб:

— Юх, ну разили ахІенра! Я рурси разихІерикур: сегъунти хъалица диара
хІела уршилара дила рурсилара? Мудрикатли хІела урши цІударли чейули
риалли? Илдала сегъуна талихІ бирара?

— Заманали, дила рузи, дубура диркъаличи шурбалтуси саби. Уршиличи
хІераахъили, нуни хІела Мудрикат талхъа рурсиван хІеркаририс...

— ХІерирус, хІерирус ил секІал къабулбарес: илгъуна дяхъи, сесад замана
шалгІеббухъихъар, сагъхІебирап. Илала дурабадра, дила рурсили хІушала

иортлизи къаш кахIейцIу, цIуръали халакараилихъар, ил халаси уркIила регI сари, мажахIят илини илгъуна пикри къабулбарес...

– ГIямрулизир, дила рузи ГIятикат, гъатIира декIти анцIбукунни адамтачи лагдирхъути сари, – гIурра гъайлизиахъиб имам ГIябдуллахIяжи. – Душман-деш хъумкартес виъни чевяхIси Аллагъли дурхъали чебаибси саби. Илгъуна адамлизиб иман бубкIуси ахIен, ахиратлизивра ил ГIяхI лугутала къяназив вирап. Сабурбара, рузи, пикриухъен... СалихIятли гъалабирхъуси шартIра хIушала дурхIнас вайси ахIен. Чини балуси, белики, жагъти дунъя чула сабхIеливан, талихIчебли хIеркабиэс? ГIяхIличи умут бердахъес асухIебирар...

Хъулиб лехIдеш чебихъун. Я бусравличил бакIибти ГIяхIлала я хъулибтала гIур буреси кахIелунсигъуна тяхIяр сабри. ТIягIмагарси. Гъявси. Бархибси. Арзес ва гъунчибушес хIейэси.

Багъес гъамадли ахIенри кIел хъалибаргла ил диван секъядыа таманбири-бал, эгер ил манзил, хямкбарили унзара, хъули Мудрикат арацIибси хIериалри. Бисали демдахъурти хIулбира нешличи хIердирули, илини иб:

– Неш, ну къабуллира...

* * *

Акрила шилизид хабарагарси мекъ.

Илгъуна гъанагардешличи тамашахIейубси цалра адам кахIелун.

– Илкъайдара бирусив? Чис хабарри?

– ГIямрулизир, узи-урши, ГIяжаибдешунни камхIедиран.

– Ил бекIяхъ Кирхан хъайчикайрар или гъанбиркив?

– Маргас гажа камбируси ахIен.

– Унрашан почтальон ГIятикатла рурси сен-сен къабулрикибси илис шери рукъес?

– ИлкIун дусмачира араибси ахIен?

– ХIябилра къалабариили хIериалли?

– Пякъир рурси.

– Гъаннала жагъилти багъес хIейрар: ца буру, цархIил биру, бархIехъла пикруми илдани, узи-урши, савлилис дарсадарес биран.

– ХIябилра игъбарагар риэс, гIур тIулбачи къацIрикIули гIямру дуркIу...

– Нагагъ илини Кирхан чи саял валули риалри, дунъя убил-чебиралрира, къабулхIеририки.

– Вари, мадикIудая: цацабехI чехъертас бегIтала хъулибад дурабухъес бикалли, баиси саби.

– СалихIят-декIар се хъунул адам риуси, уршилис мекъ бирули сари, хъулив хъа бекI агарли, мекъ баресигъуна хIядурдеш агарли? Мурул чарухъайчи сабурбарес сен бетхIеурсири? КъагъбекI уршилис гъандикибта риркъуси ил ахмах хъунул адам ахIену?

– Юх, илкъайда дуцибти хъалица талихIчертили диэс хIейрар.

– ХIейрар, гъайгъай.

– Къудратла вегIли белкIунси хIебакIили хIебуар.

– УрхIла барьуди – цIябси дуги...

Акрила шила шантала вас-васъала се сарри, Мудрикатличи ургиван уркIи

атIунси Сабирличибси хIял пикрибарибхIели? Гъанагарси хабарли жагъдешла бара ганзухъ ахъибси уршила сурсличи гIянд чекаурли, гъигъ тIашаисиван бетаур, тIур-тIурли хабурта бугъуси илала мухIиличи мегъ чедихъиб. ГIямрулизиб илис бегI гъалаб я бегIти, я зиланти, я шантни чебаэс хIейгули ахъиб. Мекъла дам-дяд, тупала кахти накъраван, бекIлизир гIер-гIерагъур, ва ил, я хъулиб я шилизиб паргъатиэси мер хIебургули, ургубализи гъавухъун. Бареси хIебалули, викеси мер агарли, бархIила бархIи музакъада ганздирули къайцIухъун, вамсурли хIял битIайчи тIашхIейзур.

«Сен илгъуна анцIбуку бетаурси? – карилаб къацIван пикрумани уцIулри ил. – Сен Мудрикат ил вайнукъя Кирханнис шери аррякъуна? Марли, сарисарил къабулрикибу? Нешли гужли редибу? ИлкIун гъарритIира ахIен. Набзи илини ца гъайра хIебуриб къалли? ГIямрулизиб илкъайда бирусив? Яра ну илцадра хIехара уршили калирав? Рурсила уркIи хIергъибси, ил чи сарил ва сегъуна сарил хIебагъурси хъяша? НабкIун Мудрикат гIяхIризурсири, ил чераэс багъандан верхIедI дубурти ахъес хIядурлири. Сари-декIар набчи авараагарлирив? Агъ, иш абдал дунъя! Агъ, ишди аргъес агарти гIамру! Агъ, ил мехIур дурашан рурси!..»

«Юх, ну уилра абдал. ХIулбачил гIяшикъиубси, дигай сархес пикрикIуси. Дурашан рурсила уркIи-хIял хIергъили, иличи деруб мурализи цIаван ас-кIурси. ХIехара, хIехара, хIехара... Диур иличиле пикруми!» – сунес сунени хIукмуря барили, цIябдешли ургуба сунези дуклабуцибхIели, Сабир шилизи чарухъун.

Нагагъладан илини балули виалри...

* * *

ГIянручIла вахт.

Акрила ши мурхъси гъанкIлизиб сабри. ХIятта жявили чериргъути, савлила манзил гъамбиъни иргъахъути гIяргIя-дагъала я жита-хяла тIамала иргъули ахIенри. БеcIла къярдлабад дураберхурси дирихъ, гIелабяхI чарбухъес хIейгухIеливан, шилизи дебакабиублири.

Мудрикатли хIулби ахъиб. Юх, ил гъанкIизирад чераргъили ахIенри, хIулби чекайхъилихъар, ца зимла манзиллисра илис ил дуги гъанкI алавхIебухъун.

УрхIла юртлизиб гъявси паргъатдеш сабри. Ил паргъатдеш бульуси бягIуси дивайчив Мудрикатла мякълав рапаурси Кирханна хухла сари. Хъулибси шявси шалала удир гъуршли чейти илала дяxIличиб замана-замана кахси гъинчI дакIубулхъули. Ил бикIусигъунари: «Севан гIяхIил сабил, дила мурадра бетаурли, лаззатра касили, хIяйтухъунхIели? ГIямрулизиб наб дигуси мурталра бургес бурсикайублира. Илкъайда бираар гIурра: гIамру секъайда дехIихъалра, илкъайда арпа аркъян!..»

«Ирагу хIези, хIу дила ретаруд!» – гъандикиб Мудрикатлис цIикурила хъулир гIамзила пяхърикибси иличи гъамиубли, илини дурибити цаибти дугъби.

«ХIера, ил аллагъла душман шадти муэртазив. Дила гIамру хъилизир дяxIибси, наб дунъяла шала бишахъунси. ЦIудара душман!» – Мудрикатли юргъан

ахъбуциб, ухъара бархъбатурли, ил багълали чIябарличи карацIиб. Мякълаб лайкабакIибси цIикурила цIуба хIева, гъунчиб цугбикибси нясси чабаван, къяшли ца шайчибяхI къужбариб. Гъамриубли столла мякълаб тIашси сумка ахъиб. Иларад урла палтар дурасиб ва къалабахIерикIули регIриуб.

«Гъу, гъанна замана баили саби: лерил пикрумира, белчIи таманбарибси жузла кIапIриван, садяхъили таманкадиубли сари. Диур вас-васъала! ГляхIли кален, дила уркIили къабулварибси дурашан урши Сабир хIура. КъадархIебиуб нушаб талихIла берхIилиу кадиэ...» – илини сагали сумкализи някъ кабатур. Иш гъакIис илала някълизиб халаси дис лямцIбухъун.

Мудрикат ухъаличи гъамриуб:

– Юх, ну хIела ретаэс хIериус: хIу дила душман сайри. Чевверхи набчивад, Къудратла вегI Аллагъ...

Кирханна хир-хирбикIуси тIама хъулиб гIеб-гIебагъур...

Хъулирад дураулхъули, унабурхIличи раибси Мудрикат гIеларяхI ласряхъиб, ва ит кахси бархIи БеcIла къярдлаб Кирханни сунес белчIунси хIябкубра тахта илинира даймбариб:


**Дирихъ зумал мерличи
Мабашуд, бецI, гIаярли:
Цуб мукъарлира хIечи
Бируну ламарт ракли...**

Дурап Мудрикатлис хIябан цIябси дугира зумаси дирихъра гъунидаиб. Гъанна илди рурсила марты дархъяби сари...

2016 ибил дус, КIишала ии.



**Мяхіммад
КҮРБАНОВ**



ЯНИ ГЪАМБИКІУХІЕЛИ

(*Xabar*)

1

Гъамрулизив бекіліл хатлахтеркусі адам мажаһіят лев виэс. Запирлис гъанбиркуливан, адамлизиб бекілибиуси гъар шайчивад сунечи сай хіеризес бални, мурталра сай вархьили чейули, хатлахтеркусилизи халхіерни саби, амма ил кылиқ суңезисиб актахъес гъарил адамлис гъамадси ахіен.

Селичиларив ишбархіи Запирла пикруми? Илдала низам агарси гъудурмай сабри. Гъанна ил Избербаш шагъарла пляжлизивад «Приморский» пляжлизи гъар бархіи гъянручі къунзкайкіули дус-байхъала вирулри. Хила гъяж имцібікіні багъандан, Запир тухтуртачи вякъунсири. Лерил хіялумцілаби дурадеркіли гөргіи, тухтурта кабизахъурси изала разивиеси ахіенри: уркініла кел клапан вайтіа дузулри, илдала ца чеббяхъяли, цархіл кабатахъес Астраханьниси укъес гіягінилири.

Хіяқдеш черархіякыули калун. Гъамрулизив ил илцад-декіар жявли умутагарвируси адам ахіен. Амма хіекъедшла асар халасири.

Урегілану авра дус виублира, гъахітигъунти гъамру ардякви сари, гъамрула гібешни садаили сари. Се хіерлив иличи? Се чебиу гіур гъахіси, гъанналауб чехібайбси? Сегъуна лябкыяна иличи яни? Севан биишира ил михъирла бухінаб күтібікіуси уркілизы баршибси цархіл биркіайчил хіерирухіели?

Запирли къасбариб сай вегіси уркіличитил виуцадхіи хіериэс. Веңіхъиб ил тухтурта бурни хіясибли сунес бекіліл дарес асухібериути секілтаси: турникуни, брусьяби, къаркъа биркіланти датдулхъаҳыту гимнастика. Гъалагъала багъали, уркіличи гуж хібіесли, гіур бархіличи бархіи имцідікіахъули. Ванаси замана байхъала сяғіттадхіи урхулизив куртікіи, сегъуна аргъ биалра гъар бархіи сяғітличив камли ахіи урхула дублав къунзикіи.

Бахъал биар иша сайван башути: цабехі – разили, берхілан пишбаяхъиби, цархілти – саламлис жаваблис къадин гъядатлис бара бекі гъакібарили шалғіеббулхъути. Запирлис гъанбиркули биар левсира давлали, арцли, хіянчила халаси тахли заяхіейрахъуси адам или. Илала мурталра гъимиудулхъан хіякимдеш пайдаладарили, халқылис гъахідеш бараахъес хікуматли декіларда-рибти арц дигі, дерги, тапван бемдурси канира гъалаб башаҳъули, зубрачи тудяхъес дигусиван бекіра ахъбуили, гъядатла адам гъалав чехіейули башути

дибягъуначи. Селичи халадеш бируси илдани? Саби хъулкни сабниличи, къияйзи викибси мискин пакъирла къакъарлизибад бегІла г'ергъиси къацІла кесек абилтІниличи. ИлкIун цАхдеш саби. цАхбиубтани дяхI някъба кIапI-дирули, илкъайда бекI ахъли кабуцили хIебашарну! Хабар падишагъличила ва илала вазирличила. ВиштIаси дурхIяли вирухIелил падишагъ ца мискин дурхIяличил юлдашикли уили сай. Барх мурталра хIязли биркъули, гъачам гъимбуркIули, гIур даршубибули, халасигъуна замана барх буркIули кали саби. Сай улкала бекI ветаурхIелира, ил хIялалси, къяна хIебуруси, гIяхIти бухъя-зегъала вегI мискин дурхIялизивад падишагъ декIарикес виубли ахIен, ва ил сунела вазир варили сай.

Арбякъи саби замана. Вазирли бараҳъили сай сунела даражаличи мешу-си юрт. Вайнукъяба багъана ил агарихIибра бургу. ГIярзли башес кабиили саби вазирла мер буцес дигути шагъаличи, валлагъ, хIела хазнала арцлис юрт бараҳъили сай хIела вазирли или. Амма шагъ илдачи вирхаурли ахIен: илини сунела юлдаш чичивалра ункъли балусири, илбагъандан илала хIялалдешли-чира ташмишикIули ахIенри.

Амма ГIярзачиби тIашбилзули ахIенри. Илди гIурра падишагъаличи башес-кабииб, валлагъ, хIела вазирла сунези чилра атхIейцIахъуси дигIянаси хъали леб. ХIела хазна илини сунес ила арбихули сай или. Вирхаэс вирули ахIен. Ахирра илала сабур каберхурли саби ва, гIярзачибира барх кили, вазирличи вакIили сай.

– Абхъа гъари иш хъа унза! – буйрухъбарили сай вазирлизи.

– ХIу аравиаби, дила шагъ, – тиладиухъи сай бекIала рангиубси вазир, – мабирахъид набзи ил секIал! Се-дигара цархIил секIал хъарбара, амма ил секIал...

Щудар-цIябиубли сай шагъ. ГIясидешли тур абитIи сай.

– Абхъа викIулра хIези! Яра нуни дила някъли мазалаван бекI чеббирхъ-ис!

Бареси кахIели, абхъили сай вазирли хъали. Амма илаб хабарла хазна аги. Лерри чIянкIли мер-мерличи сурдатурти дурдили зибкъни детаурти палтар-къяш.

– ХIела жан дат, дила юлдаш, – бусягIят кIантIивакIили сай шагъ, – се дирути ишди зибкъни хIед? Сен ишкъайда дебадариби ишди хIуни?

– Дила шагъ, – викIули сай вазир, – хIуни балутиван, ну дебали мискин-ни халаваибсира. Итди дила гъаларла палтар-къяш сари. Гъанна биалли ну халаси къуллукъличив сайра. Набра хабарагарли, рапхи набзир халаурхнила лишанти дакIудухъесра дехIдирхъалли, ну иша вашули вирус ва гъаларла мискиндешличи хIерикIули вирус...

... Ца игъбар, ишаб урхъула дублаб, чедиб гъанбушибти хIякимти камли къаршибиркни, цархIилван биалри, иша вашес Запирла уркIира хIебии.

Хапли сунела пикрумазив алавчар хIерхIейкIули, вархъли ганзикIуси илала някъличи чирил къячикун. Илала пикруми къябаиси ца ургарти гIямрула, ахъси, жагати куц-бекIла хъунул адам сарри:

– ХIера итав ца мурул адам кумекбараҳъес някъба гъакIикIули сай, – сар-къибси тIамаличиbil иб илини, урхънацибяхI някъли чебиахъули. Абзур пляж-личибти халкълизивад сай сен декIарварибсил Запир пикрира хIевхъун.

Дебали ламартла мер саби шила мякълабси урхъула дуб: шиннизи ухIина-ухъунси мерличир дахъал къаркъуби сари. Баралра ругерти лерхIели илар

шинна шившитәнти дирап, куртәнкүеси адам илдани чучил жургъириу ва цазаманализив ухынавхыра витәнкүе. Ит бархыра илгъуна бетаури саби.

Запирли хөрли пляж чедибяхъиб. Бамсриихъути урхула дуб биңили леблихъалли, каяйгүеси кумекличи музатулхъуси аги. Се биру гүр? Гьарилли куртәнкүесра хөбала, балусира илкъяйда бургъуси урхулизивад гъамадли гөлөлавхыра чархыерар.

Запирли палтар чердатур, къаршибикибси резинна мява хапбариб ва урхулизи ухынавхъун.

2.

Марлира каберхурлира сунела гүмрүла гүуни? Ишав илкъяйда меңгүр шайчив вебкүес къадарли буилив? Урхула дубла ташбизурли базес бакылти сунес се бетараарал или хөрбикүеси саби, амма кумекбарес чилра лявкъули ахыен. Сен сабрил ца тянишли бучүеси далай гъанбикеб:

**Дүңгүрчиле мурдаван
Аркыулы гүмрүра лер,
Цуба къапнана бегітас
Дикили дунъяра лер.**

Ил далай Салимли Запирлис вайбаркъелис бучүеси вирап. Салим гъалав Варисла юлдаш вирусири, амма гөргүеси замана илдала ургала бяргиши саби. Илис гүйейибла вегира Салим сай. Иргъули ахыен илини цуба къапнана цүдара мұңтүртира гүмрүла хөкөдеш дильни, илдала бегіта сарни дунъяличи низам ва зөгъя дихути. Авцали дусличивра имцали виубли хъалли Салимла дазала-дехибала дарес къасра агара, бужра бужули вирап сайгъунтала ургаб. Бархьеси секпал, илдала ургав гъалав Варисра мурталра вирусири. Гъанна ил хөяжи сай. Ирий вяккүнсери хөяж барес. Илала гөргүи вегирихъиб ил «чеббул-күти» бархьеси гүунчи чарбулхъахъес узес.

Салимли гъар сай къаршибикибси мерличиб далай бучүеси ца анцбукъла гөргүи саби. Илала гөргүи саби илдала ургала бяргибсири. Рири унраличир хөррирули жагъыли лерай учительница риубли Гүрасайлизирад ракыбси ца хүнүнүл адам. Ил чула шаннис шери рякъи уркалунсири. Камси гъаларван ил хүнүнүл адам ребекиб. Илала мурул, дучиутира делчахъи, бусурман тяхырли хөяририхъахъес тиладилчил Варислики вакыбсири.

Урус адамлис бусурмайс дучиуты балга-дугиа делчии, Варисли ил бунагъ чекасес хөйуб.

— Хы адам сайри или гъанбиркусиригу, — ибсири илхөли Салимли Варислизи, сай шымван вархысилизи хисабириули, — ца Аллагыли актахъубти ахыену гъатай лебил халкъ? Сен хүнүнеки декарбириулри? Верхыибил даршдуслихълизи халкъ чарбарес узули хъалли, хөла селра бетхөпэр!

— Астагъипибулагъ, астагъипибулагъ! Ца кахиедатурли сен балтутира Аллагыли хүгүнти капурти!

...Варисли анцкылинил урхула дублабяхыра хөрьиб, амма кумекличи лявкъуси аги.

Варислис мурталра шиничил имциякъ пишни хөйгахъу, вашули хөйрар цархыилти бекібяхъуниван гъараахъли, сецад куртәнкүес балули виалра, амма

ишбарх^Ии дубличивад секъяйда тыйдиикибал шакра х^Иейкиб. Гур хабарра агарли къашла г^Иемсни дуциб...

... Варисли гъачам гъат^И умут бух^Инабси х^Иерличил дублабях^И х^Иеръиб. Аллагъилиши шукру, резинна мявара гъалаб башахъули, иличивях^И чи сайрил курт^Иухъири. Амма ил сунечи гъамик^Иуцад Варис сен-сайрил гъузгъалдии-к^Иескайб. «Марлира наб кумекличи лявкъуси итдала ца саяра? Биэс бирусив илгъуна анц^Ибуку?» – пикриик^Иулри ил.

... Ца байхъала баз гъалав вак^Ибсири Варис сайгъунти авал гъат^И динна узибира сайра ишбарх^Ии вак^Ибси мерличи. Итх^Иели дуббуцарла баз сабри. Урхъула дублабра бахъал-дек^Иар базес бак^Ибтира аги. Ца замана х^Иербик^Иали, чилилра чех^Иебаэси мерличиб бикъурли цара, шяшликунира дерщили, держлизиахъиби к^Иел урегц^Иали-верх^Иц^Иали дусла г^Иямрула бухънаби.

Варис итх^Иели илди сунечиб г^Иях^Ицад халати сабниличи пикрих^Иевхъун.

– Дурхъаси дуббуцарла баз! – г^Иясили чевхъун ил бухънабачи. – Асубирузи сек^Иалу гъат^Ии ил? Щахли ах^Иенрав х^Иуша?

Илини ванц^Иухъи илдала ургабси шиша кабикахъиб. Бухънаби дубх^Иехъили абизур. Илдала ца гъалавра Варисли ишав чеибси Дагъиста миллатла адам сайри, итилил – урус. Дагъистайзивадсили урус хъуц^Иарлизивад уциб. – Гъудурмайруд, Слава, – иб илини, – ишдачил ну гъайулхъас.

Амма урусли х^Иярт^Ибарили хъуц^Иарличибад някъ лайбак^Ииб. Варис илини сунени чула шишаван гъамадли бяхъили герватур. Хунк^И бяхъибсигъуна асар ах^Иенрину илала бяхъли бариси, къякъ бахъиб^Иелилагъуна сабри.

Илди итх^Иели бахъх^Ии бирх^Иули калун. Илдигъунти г^Иямруличиб илкъяйда бирх^Иес балути адамти Варисли гъачамалра чебаити ах^Иенри. Динничи къаршитачил бирх^Иес сабира ца г^Иях^Или бурсибиубти хъалли, бухънабани шелра саби п^Иакъбарили битибири. Се бетарил г^Иурра чили сабри балуси, эгер чили-сабрил полиция жих^Иебариби биалри.

Урус илини гур чех^Иеиб. Дагъистайзивадси биалли, чула шилизивси адам сай. Вахъ жявли ил увасалли, полиция ил чула х^Иянчи сабниличи шакбиркур. Увасес биалли ил къянси ах^Иен.

«Вагъишара ну итини? Пикриик^Иулри Варис, – арукъесара кумек х^Иебарили».

3.

Гайгъай Запирли ил вагъур. Ил адам Запирли вали чинав-виалра, сунела г^Иеркъаси муц^Иур бялг^Ияхъи убасалра.

... Слава, сунела уч^Иух^Иелилара г^Иярмиялара юлдаш Слава ишав, Избербашла пляжличив, сунес къаршииркур или чис гъанбиркусири? Илдик^Иун Союз т^Иут^Иубиубла г^Иергъи дек^Иарбикили, гур къаршибикиби ах^Иенри.

К^Иелра илди Рязаннисиз десантникунала училищелизис буч^Иули, к^Иелра Афганиста дургъби дех^Иихъиби цашиби бурх^Иназибал барх басмачуначил бургъули калунтири.

Заманали, гайгъай, к^Иелра г^Иях^Ицад барсбиахъублири, амма Запирли Слава къакъла шайчивад чеибмад вагъур: илала ца дек^Иарси, чилайчилра мешули ах^Иенси баша бири.

– Слава! – г^Ияшли, хат^Иаикес урух^Иули, жиб илизи Запирли. – Марлира х^Иурив?

Слава иличи хъярхъли ласвяхъиб, сунела закла рангти хІулби гъачамличир гъачам гъячихъдирес дехІдихъиб.

– За-а-пир?

Хъябрусбикили, гур декІарбиркули, гурра хъябрусбикили декІарбиркули, цали ца хІербires сибумсули, илди гъяхІцадхъи калун.

Запирван Славара жявил пенсияличив сайри. Хъалибарг сабукайчи ил Самарализивад Дагъистайзирти шуртІрачи хІеръэс гъала-гъала сайцун вакілри.

– Гъу, сен саби аги? – разили мурталраван къалабали гъайикІулри Слава.
– Ишав хІериулрив? Хъалибаргла аги сен саби? ДурхІни хъаллабарилрив?

Марлира, дебали талихІчевси хала дудеш ургуд!

Запир илис жаваб чархІебалтули гъяхІцадхъи калун.

– ХІер ишав вирулра, – сен сабрил пашмansi тіамаличил иб ахирра илини,
– наб балбекесигъуна биштІа-биштІаси юрт ташбатес багъни дахъ гъяхІли
ахъхІедиубли лерай валкъаура.

Ил лехІкахъиб.

– Гур? Ягъари гъайикІенгу! Сен къакла шин дуцибхІеливан лехІкахъиори?
Сен саби Иринала аги?

– Иринара нура декІардикира, – иб ахирра хІейгу-хІейгусиван Запирли.
Кіелра урши бирап отпушкала замана бамсриахъес башули. Ирина биалли
ракІбси ахІен. Дагъистайзирти хабуртала иргъухІели, ил иша набчил ракІес
къабулхІерикиб. Ил Читализир наб гибси авал хъали лерси квартирализир
хІеррирули сари.

– Чевверхи, селра хІергъира. Ягъари сен илкъаяда бетаура? ХІушалакІун,
бикІуливан, шиннира цАлира декІархІебареси хъалибарг сабри.

– БекІлизиси жагъалдешла дягІли нуша заманаличир ункъли пикридухъ-
ахъес далтули хІедирехІе, – гурра пашмай жаваб чарбатур Запирли, – зама-
нали биалли кІинайс лерил секІал сунеласун гъунчидуршу. Дила улкализи
чархІевхъи уэс хІейрни итхІелил пикрибарес гъягІнисири. ХІела чи тева? Ца
рурси ахІенси гур чилра тАлабхІерили калунрив?

– Ге, нушала бархиси замана илра риур или кадибири, амма гъанна
урши виарилри или гъанбиркули бирап. Рурсила урши лев.

Дагъиста тяхІяр-къаяда ункъли далухІели, саби къаршибикнила шадлихъ
Запирлис ресторайзib, яра кафелизib дураберкІес дигусири, амма Слава
урхъула дублавад чиналра укъес къабулхІейкиб. Чис хабарри ишаб чус илди
чІинкІирти къаршибиркни? Славала хъярхъси хІял балухІели сайри Запир ил
тАшасэ алувхъунсира. АхІмакъси къаркъя, халаси къватла ил Афганистай-
зивра чинаб урехи имцАли биалра, илав вирусири. Вирусирив ил чилилра
тАшасэ гъясивиубхІели?

Гъачам Славара илини бекІдеш дируси бургъантала къукъяра басмачунани
алавбуцибири. Дявилизиси цАли хІебигубли лебалси чІянкІли ца «Урал»
машинацун сабри. Илалара радиаторлизи аркъуси резинна труба піякъби-
кили, шин дура ардякъири. Труба къалли балбарес вири, амма шин чинар
дургути?

Слава итхІели вахъхІи пикрихІейкІи.

– Лерил машиналичи! – буйрухъбариб илини. – Радиаторлизи бензин
картІая!

ИтхIели иличи солдатуни гIякъуллизивад ухъунсиличиван хIербикIутири., амма хъарбарь-хъарбарь саби. илкъайда бебкIала дуклумачиб дураибири илини сунела бургъанти душманта алавбуцибси мявализибад.

4

ЧевяхIси Аллагъли ункъли бала сен илкъайда сабил. Гибти гIямруличи къабулхIейкни, илдачи зигарикIни – бунагъ саби. Къадурти, къисматуни лукIухIели, ахърила вегIли гъариллис илди цаван лукIули хIейрап. Сунес дигул тяхIярли гъархIедизур гIямру Варислара. Белики, илкъайда бетаурси ахърила вегIли илала гIямру сунес харждали дигули биэс. Илини чеббикIибти биалли бахъал лебти ахIен...

Хъайчикайбсири ил сунес дебали ригахъуси Саниятличи. Илис сайра дигахъниличи Варис гъачамалра ташмишикIули хIейри.

ХIеркабиулри илди Калмыкунала ца хъарахъ асили. Мякълабси хъарахълизиб хIербирули бири узи Къасумра илала хъунул Гляшатра.

Замана аркъулри. Къасумла хъалибарглизив гъар дусра-серা алкIути биштIати камбирули ахIенри. Чула биалли чилра аги. Дусми аркъулри. Узиурши, балу-бирхутани Варисла гIямал булъахъулри. «СецахIи илкъайда уэс къасу? – ца къаклабадван гъайбикIули бири илди. – беръубси галга шинни иркули хъалли, иличир цIедеш хIякъян». Хаслира гIямал булъахъули бири илдала Гляшатли. Сунени варкъибси хъяша илини Варисхъа хъули вихи ва Саниятла гъала бурушличи лайикIи.

– Ишкъайда виркъуси бирар виштIаси! – рикIули рири ил гъархIели, цархIилтани хIебарисигъуна халаси гъунар барибхIеливан.

Ахира Варисла сабур каберхур, сунес итцадра ригахъуси Саниятлизивад декIарикиб ва цархIил хъунул карииб. Секъайда ракIibal, илдала мекъличи итхIели Саниятра ракIибсири. Сунела ахъси, жагаси тIамаличил илини Варислис далай белчIунсири:

**Мурадлира вааби,
Ваъмааби хIерикIус,
ДуцIрумла буцIар бархIи
Дирциб явлухъ деръайчи.**

**КарцIайлира варгаби,
Варгмаргаби хIерикIус,
КуцIила вацIализир
ДукIу хинкIи делхъайчи.**

Гергъила бархIи биалли ил сунени сари Геркарили рагибсири.

.. Гъанна Варис цархIил хъунуйчил детдомлизивад сасибси виштIасира сайра хIеркайрули сай: ил хъунуйзивадра илала чилра адхIекIуб.

5

Гъараҳъли левай Запирли Варисличи резинна мева лайбакIиб.

– ХIуцун бажардивиркуду? – хъарбаиб илини.

– Юх, Запирличи хIерхIейкIес къайгъна виркъули жаваб чарбатур Варисли, – гъемсни дуцили сари. ахъри агара.

— Къяшми урхъуличидях^I дарили мяваличи кайхъен. Гъузгъалдимайк^Iуд. Някъби гъак^Iдарили наб кумекбарес къайгъиbara.

Запир иличи къяшмала шайчивад гъамиуб ва мявара сайра Варис, илала къяшмази къужик^Iули, дубличивях^I гъайвариб.

... Ил анц^Iбуку биэс ца баз гъалав Запир к^Iинайсра тухтуртачи ахтардиличи вякъунсири. Сегъунари иличи х^Iербик^Iути тухтуртала тамашабильни ва сунела разидеш, сагали дурадерк^Iибти х^Iялумц^Iлабани сегъunalра операцияличи х^Iяжатдеш агни чебаахъибх^Iели.

Халъла дармунтачила белк^Iунси ца жузлизиб Запирли белч^Iунсири гъар дуги кайхъес гъалаб итан жершила бал-балкабикибси цула букалли, х^Iерели ружери бак^Iибти шинничил дарх мях^Iяули, низгъури шин х^Iядирг^Iяхъяннизир шел сяг^Iят датурли, Гур барх^Iили авна дужалли, урк^Iилис халаси г^Iях^Iиеш бирар или. Запирли илдачил дарх камси лимонра нергъла къулса биц^Iибти деръуб курегара гъудурдирули вирап.

Дурибти дармунтачил барх ил жузлизи белк^Iири урк^Iилис селичибалра халаси г^Iях^Iиеш мар-марли, урк^Iи-урк^Iиларад дихъиби дигайли биру или. Дигай! Илди чили-биалра хъарбарили, яра къасбарили дихъес вирусив? Илдик^Iун дак^Iес гъанбикалли, вег^Iлизи хъаррах^Iебаили дак^Iили, урк^Iилизир дебадирар, сегъunalра къасличил я ях^Iличил дурадяхъесра х^Iейрар: илди селичилра лех^Iх^Iейхъур, Запирлис мурталра гъандиркур сайшилизив вируси замана гумайлизир ца ухънани дурибти гъай.

— Агъ, вег^Iебш! — ибсири итх^Iели илини пашманни, шинничи г^Iинзи бак^Iибти хъунул адамтала къукъяличира х^Iерик^Iули. — Вег^I ухънавиух^Iели барх-барх урк^Iира бухънабиуси биалри!

— Х^Iу мех^Iуриублирив? — чевхъунсири иличи царх^Iил ухъна. — Илдик^Iун х^Iела рурсбигъунти саби!

— Сен г^Iясиширулри? — пишхъили ибсири цашибил ухънани. — Илк^Iун адамла т^Iабиг^Iят саби. Ил биалли илкъяда гъамадли мут^Iиг^Iбарес вируси ах^Iен. Дазулизибад бухъеси х^Iуни г^Iебх^Iебурадра, нунира х^Iебирис...

Ириназивад дек^Iарикили г^Iергъи, Запир лебил хъунул адамтала жинсличивад г^Iелумизурсири. Илдазирад цалра ч^Iянк^Iили сунечилацуун, сунела даражаличилацуун ах^Iи муруйчила, иличибси къияйчила пикриулхъуси хъунул рирузира или гъанбиркулри. Илкъяда гъанбиркулри мурул хъунуйс г^Iяг^Iиниси ч^Iянк^Iили сунела мурадуни детерхахъесцун сай или. Биубси биалра, х^Iебиубси биалра, хабар леб ца хъуна мурулра хъуна узира жалбухъниличила. — Х^Iела рузи х^Iуванра ах^Iи ну г^Iях^Iли вигахъулра, — вик^Iули сай мурул.

— Юх, илкъяда биоруси ах^Iен, — къабулх^Iейкили сай хъуна узи.

Вяг^Iидалабибли саби цали ца кабушитала г^Iердарили, ил сек^Iял ахтардибарес. Чинар даргилил х^Iира, цали ца х^Iили бакили, хъалира удибатурули саби. Гур, адит^Iи ханжултира, сабира ч^Iябарличи ч^Iикъбит^Iи саби. Се замана арац^Iилил арац^Iили сари илди лебси хъули хъунул адамра. Урк^Iирухъунси илини ахъдуцили сари гъяя-яв. Ляркъуcad ил узила гъала къукъымусрикли сари ва ишгъуна ч^Iиллай белч^Iи сари:

— Дузаниб зурла урцул,
Мурул къалли варгиша,
Узи, мурад, рузи ребк^I,
Узи чинав варгиша?

Амма, сеңад илкъяйда биалра, шилизивси ухъна викIуливан, адамличибад табигIят чедихIебикили хIебуар. Илкъяйда бирусири мурталра, илкъяйда бирап гIуррара. ЦабехI хIербирап разили, талихIчебли, цархIилти – цалис ца анцIбукъи хуриван цаличил ца гъямбикIули, хIябъиби – декIарбикIули, ПЯхIличи хъулбикIули гIуррара ил дукIлизи саби гIяхIулали бубгули.

... ИтхIели, сай зягIипси замана больнициализи кайхъунхIели, илар рузуси медсестра секъяйда сунела уркIилизи рухIнахъибал Запир шакра хIейкиб. РухIнахъиб ил чераимбадан.

Сунес медсестрани секъяйда укол дарибал Запир шакра хIейкиб. ЦархIилти зягIиптаниван илини шалбар урдубачи кабаайчи гIяшбурцули хIейрарну, укол дируси мер ца бара гъаргбиэсли гIяшбурцули вирап. ИлхIелира ил тIягIямагарси кабизличил тIашилзес уруzkIули вирап. Укол аги. ВайтIа тIашизурули ургус или гъанбикими, илини хIева ахъбүцес някъ гIелабяхI арбухиб.

– Се бибулри хIуни?! – ахъли, иличи къабулхIерикибси тIамаличил иб медсестрани. Запир хIунтПениуб, вайтIа гIела-гъалавиуб. Ил манзиллизиб хIулила ца гIямзиличи илини секъяйда медсестра бацIси шпирица сарира сунечирад тIайдиркули чераиб.

– Илдигъунтира хъунул адамти лебтив? – сунесра хабар агарли дурабикиб тамашавиубси Запирла.

– Изиауру? – иш гъакIлизиб паргъатси тIамаличил хъарбаиб медсестрани.

ХIябцIанну шура-авцIали дусла, ахъ-ахъси кагIебси къаркъа хъунул адам. Ил илцадра жагаси сари викIесра хIейри, амма малхIямдеш, паргъатдеш илала ряхIличи делкIунтиван шалаихъулри.

– Нуни селра хIебагъурра, – чарбатур ж аваб Запирли. Хъунул адам багъесли урузиуб...

Таман! СихIру лерти диалли, дурги илди укол дируси шприцла духIинар. ЦацахIели, сеңад гIяжаибси биалра, къиянси замана сунела уркIиличил адамличилван гъайикIули вирап. ГъайикIар сунес гъачамлис хIериэс диг-ниличилла, гIямру жагати сарниличилла, тиладивикIар илизи хIейзахъес, гъандуцахъес гIуррара. Глергъиси замана биалли сунела гIамруличир дигай дихъни, илхIелира сунечир гъал-гъану шура дус риштIаси хъунул адамличи, балхIебикибси секIал сабниличилла гъайикIар, амма уркIи иш гъакIлизиб иличи лехIирхъули ахIен: ваши больнициализи или мурталра цIумкабикIули саби. Белики, заманали лерил гъунчидушес. Даргала лукIан ХIябъиб ГIялиев викIусири: «Нуша, лукIант, талихIчерти адамти сарра: сеңад гIамру къиянти диалра, нушани пикрибарибси дунъялизир хIердиэс дирути».

Пикрибарибси дунъя – къалпла дунъя саби, амма гIур баресира агара. Пикрибуру Запирлира сунес илгъуна дунъя сай левалцадхIи. Сунела гIамру урехилизир сарниличи биалли, ил шакикIури.

Урхъула дуб гъамбикIули ахIенри, иличи ургIебли, гъачамличиб гъачам гъараҳъикIусигъуна тяхIяр сабри. Багъеслири шурмази чегили чардирути рургерта шинна башри хIеркIлаван урхъула бухIнабяхI чарбалтни.

Урхъулис илдазивад чиди-биялра сеннира къяраэс дигусигъунари. Илцадра гъямрула къянти рамчаназивад дуравхъунси сай ишав убкъусив? Илкъяйда хапли? Юх!

Запирлизи мурталра гъякуума бугъути, секъяйда хъериэс гъягъинисил гъеб-бурути юлдашуни камбирули хъебираар. Юлдашуни биялли илала чинабалра баари лебри.

— Запир, — бикъули бирар илди, — замана баили саби Путин, Медведев булан башули саби чула киласабази. Дагъиста президент зикруличив булгутала цаити къянази калзули сай. Вехъихъи хъюра, дирен дехъибала. Вашен мижитлизи.

— Ну хъушази вархъли сайра викъули ахъенра, — жаваб чарбалтули вирап илдас Запирли, — амма цацадехъти суалтас жавабтачила пикрихъейкъес ну дехъибайчива р. Масала: дехъибала дируси замана хъяша канилавси хъунул адам сен илди тамандиайчи, сари таманкариусив? Сен хъяжлизи бякъунти, бегъла чеббикъиби дурхъатази халбирути, гъяхъиешличи хъулбикъули ила бякъунти адамти цали ца бячъи ганзабирутив? Аллагъла хъули, мижитлизи чяхъ-забла варачан бухъинахъили халкъ сен бубкъахъутив? Сен ил хъайзив бусурманти цали ца баргудахъутив? Илдигъунти пикрумачил дарити дехъибала къабулдирутив? Клибахъяндеш ахъену ил? Аллагъ виргъяургни ахъену?

... Хапли дубличибяхъ хъеръибхъели, Запирли сунебяхъ лябкъуси лодка чебаиб. Гъу, гъанна сунечила пикриухъесра асувирап. Эгер алжанализиб ил сунени верцахъибсигъунти «дурхъатира» бирети биялли, сай ила аркули хъаллира хъякъян. Атхъейцур верцес багъандан ил левси лодкалицира.

— Лодка теб лябкъули, — иб илини, — ну аркъяс.

Мявара сайра Запирли Варис вархъватур ва дубличибяхъ куртъухъун.



Мүшатив ғәләхәләдли



Махмад ГІЯХІМАДОВ,
Дагъиста халқыла поэт,
Дагъиста писательтала
Союзла председатель

ГІЯРАПАТ

Иш дунъяла къакъличив
Ветаадра буйрухъчи,
Аркъядра ху ишавад
Вергурси ца капайчили.

ЧИРКІЕЙЛАН СЯГИД-АФАНДИ

Буцардешла ціали цуббияхъубли
Ишабси Берхіра херкабикілурі,
Бебкіа кабуцибси капанван цуба
Палтарлы лебилра бегінублири.

Аллагъала уркіеці сахаваттири
Берңудира чучи гъала баили,
Дин бузахъанти бусурмантачи
Гъарил секіл жашар малхіяттаны.

Заклизи гъущілири такбирла-балга
Ризкыила къякъличир лугни къядали,
Ишабти лебилра бусурмантала
Тіамри дархдикіли цааурлири.

Ишаб иргъахъулри хела бебкіала
Къел-хіерзи агарли хяса детихъни,
Цаңун сай Аллагъара, цархіл агара
Ца саби бархъдешра дунъяличибси.

Дусмала дуцIлизиб барсдеш агарли
Деңла михъирлизиб ил Гярафатла,

Балгнала ласлизиб лебил Гяламра
БицIахъули саби диркъбик къаркъала.

Ишарти анцIкъи-дард бурес хIейети
Гьарилла хIерлизир уркIби дяхъибити,
Лебилра миллатла у саби – Аллагъ!
Динничи кайзурси бусурманнара.

Къадрила дубура – Гярапат дила
Дехъубти къукъана сабри гъабкъяра,
УркIеңIи барири балгнастра дила
ХIела гъалав нура къукъубачивра.

Ахиратла бархIи урухли сарра
Демдурти кIунтIбачил шивкIивдикIулра,
Гьарилра нушазив «Аллагъ» викIули
Зубрази чарбиру ил дурхъал ура.

УРКИИ

Се барес, Аллагъ, хIуни
Чедиан уркIи барри,
Селис илгъуна къисмат
Гямрулис къадарбарри?
Лерилра дусмазиб ил
Дила излумазиб саб,
УркIи бисули саби,
Нургъбас ахир агара
СагъхIейрар излумира.
Михъирлизибадлира
Дурабухъес хIядурли,
Гямрула цIябдешлизи

БухIнабухъес дигулри.
ХIезиб ахIен дунъяла
Ари саб Аллагълизиб,
Заклизирадра дила
Симкъ дигIянхIедарира,
Илала мурхъдешли наб
Чарбиахъуб жавабра.
– БахъхIи кахIелан хIела
УркIи чедиусили,
Ну биалли бисулра
Миллионти дусмазиб.

ШАГЬАРЛА ДЕЦI

Шагъарла къакъакадли
Къунзбухъи саб адамти,
Къаркъала детауорли
Сари чула уркIурбира.
Илдачи хIеръибхIели
Адамдеш дисули сар,
ХъуцIрумас гIелабадли

БеңI гIеббиусиван саб.
– Адамти, эй адамти
Севан хIердирулрая?
Гушлирав, дягIязиррав,
– Милгили Гязаблира.
ГяхIщад замунти лерри
Ардякъунти ва урла,

Гъанналаван урях^Iти
Х^Iедиуб гъачамалра.
Къунба ва шилтахъуна
Паргъатдеш буахъунти,
Щябдеш гъакабизурли
Шала х^Iедашахъанти.
Билх^Iалис умути шин
Диъни кабилзахъанти,
Азаддешла мерличи
Лагъдеш гъаладилзанти.
– Адамти, эй адамти,
Чина гъайдиубтира?
– Нушани х^Iебалулра
Чинадях^I аркъутирал.
Гъямрула мяг^Iна булан
Бетахъили саб гъанна,
Гъалабях^I х^Iеръах^Iелра
Я якъинси агара.
– Адамти, бураягу
Се мезли гъайдик^Iулрал,
Беб^Iла бак^Iиб^Iх^Iелира,
Се бурес х^Iядуртирал?
– Нушала мез агара
Умира х^Iедалулра,
Къяркъдешли ва гъимили
Нуша къац^Iкадуцилра.
Бурулра, нуша чирал
Шими детахъахъиби,
Шагъарла х^Iедаиби,
Ламус-х^Iия диц^Iиби,

Сарра вег^Iагартира
Шагъарли кяг^Iунтира.
Шагъарла къакъурбази
Х^Iяри кадихъибири.
Гуштира дярг^Iибири
Адамдешла к^Iел-х^Iерзи
Бек^Iил ках^Iелунтира.
– Адамти х^Iергъулирав
Жи ахъти дубуртала?
– Нушак^Iун миц^Iирлира
Чардириая иша.
Гъямру сагадарая,
Черях^Iти дубуртала
Уми ахъдиахъая!
Шагъарла билх^Iализир
Гъят^Iнчи шуркадухъи.
Дец^Iла далуйта дуч^Iар
Шагъарла гъарил шай chir.
Вег^Iла мезра миллатра
Даимлис дархъдатури
Дурхъати гъядатуни
Дузахъес х^Iебалули.
Бусурмантала Аллагъ
Аргъахъагу х^Iунира,
Кавлахъес дубурланти
Дубуртазиб гъубзниван.
Илдала гъайли набзи
Дирулину т^Iярхъуби,
Дила дардла х^Iергъули
Челкъули сар х^Iярх^Iуби.

ЯНИЛА ДУГИ

Янила дугурбани
Гъар сек^Iал дуру набзи,
Т^Iашбизагарли дях^Iи
Кабиркур ик^Iабадли.

Иличил вархли нура
Аллагълизи улгулра,
Гъар-урла чесслуми
Гъанна тамандиулра.

Янила дугурбала —
Замана саб шяг^Iирла,

Дусх^Iедусули рух^Iра
Бузули саб урк^Iира.

Пархбухъи дях^Iимц^Iайзив
Зубарила шалаван,
Бег^Iла Г^Iяг^Iиниси девра
Ил х^Iайзив дак^Iубирар.

Янила дугурбазиб
Дила далай алк^Iахъан,
Улгулра Аллагълизи
Сайну ил наб г^Iевугъан.

ЦУБА ДЯХИ

Кабикиб цУба дяхИи
Ахъдешличибад закла,
ХIял буи ва багъали
Къакъличи иш ванзала.
ДебкIахъиб хIебла вавни
Пулсани ил дяхИила
Вава къайда назикси
Саб ШягIирла уркIира.
ДяхИилиуб бяргIиси

Дилшан сунела цара.
Аллагъла уркIецили
БебкIахъес ил хIебалта.
Ванзала гъапулдешла
Ахир агарси саби,
ТашхIелзан бурямтира
Амма вавни ва уркIби
АкIубти малхIямдешлис
Дунъяличир мадебкIаб.

* * *

Къаркъубачир дяхИила
Вавни ахъдикIули сар,
Дила хIяланачила
Илдани иргъутин сар,
Чули гъуниввалтулра
Ахъдешличи чакнала,

Чакалагъуна хIерра
Саби дила вавнала,
Дила вавна къаркъуби
КIапIкадиахъубли сар,
Ватлан къацIкабуцили
Саби мякъязибадли.

ЗУБРАЛА ДЕЦI

БяргIиси зубари бисули саби,
БугIарси улкъайла удивси нура,
Ну — цунти ГIамрула ГIяшикъра сайра
ГIилму руркъяннира ветаурлира.

Гъанна дугурбазив ну гъаргъли сайра
Ахир агар дигай даргес дигули,
Савли хъуланази ухIанаихъули
АнцIкъи агар бархIи бакIабгу или.

БяргIиси зубари бисули саби
БугIарси ва каҳси улкъайла удиб,
ЖибикIуливан саб итди рурсбази
Муртрил нуни чузи «ригулри» ибти.

Гъанна илди набчи башули саби
ИтхIели нунира бархъкабатурти,
Илди зubarличи хIерванбизурли
УркIи-уркIилабад бисули саби.

Сен нуни итхIели илцадра камли
ХIу ригулри или викIусирира,
Дигай агар дусми шалгIердулхъули
ИтхIейчибад илди бисули саби.

ЯНИЛА ДУГИ

Янила дугурбани
Гъар секІал дуру набзи,
Ташбизагарли дяхІи
Кабиркур икІабадли.

Иличил вархли нура
Аллагълизи улгулра,
Гъар-урла чеслуми
Гъанна тамандирулра.

Янила дугурбала
Замана саб шягІирла,

ДусхIедусули рухІра
Бузули саб уркІира.

Пархбухъи дяхІимцIайзib
Зубарила шалаван,
БегІла гIягIиниси девра
Ил хIайзib дакIубирап.

Янила дугурбазиb
Дила далай алкIахъан,
Улгулра Аллагълизи
Сайну ил наб гIевугъан.

ЦУБА ДЯХИИ

Кабикиб цIуба дяхІи
Ахъдешличибад закла,
ХIял буи ва багъали
Къакъличи иш ванзала.
ДебкIахъиb хIебла вавни
Пуслани ил дяхІила
Вава къядида назикси
Саб ШягІирла уркІира.
ДяхІилиуб бяргIиби

Дилшан сунела цIара.
Аллагъла уркIеcИили
БебкIахъес ил хIебалта.
Ванзала гъапулдешла
Ахир агарси саби,
ТашхIелзан бурямтира
Амма вавни ва уркIби
АкIубти малхIямдешлис
Дунъяличир мадебкIаб.

* * *

Къаркъубачир дяхІила
Вавни ахъдикIули сар,
Дила хIяланачила
Илдани иргъутин сар,
Чули гъуниввалтулра
Ахъдешличи чакнала,

Чакалагъуна хIерра
Саби дила вавнала,
Дила вавна къаркъуби
КлапIкадиахъубли сар,
ВатIан къацIкабушили
Саби мякъязибадли.

УРШИЛИС

Дила урши виштIаси,
Сайри хIу вахъ малхIямси,
ХIунтIена вава сайри,
Сирилизивад набчи
МалхIямли хIерикIулри.
Чуйнара акIайчира
Муэрлизи вакIири.

Разидешра наб гъавра
Марли савгъатдарири.
Дила гъарил гъарбизра
АхIерси хIуни гири.
Дила урши дурхъаси,
Лерилра белкIанира
Дила сайри ил хIура.

ДАЛАЙЛА ТІАМА

Уркіли аргъира тіама далайла
Дила гъарбизлисра балагъунасра.
Далайла тіамали ну дураира
Илис гелавадли вашулра гъанна.

Дила чедир сари берхіла дугіби
Космосла арцурли тіамнадиркүли,
Бухъна пандурлар макъам бяхъили,
Ағь, чисаял аңиб дила уркіла.

Чи сая рухілизи хъуракайубси?
Уркіла пашмандеш набчил буртіуси,
Илди далуйти наб чили дучіуті?
Илкіун Ваттан саби дила бисуси.

УРХЬУ ВА НУРГЪБИ

Забла кіунтірани дила
Нургъби ушкули сари,
Дархдикили илдала
Къел дульхъули сари.

Шагъарла гъанкілизирра
Гымі-къяс чедиулра,
Ушкули сари забли
Мар дигайла нургъбира.

Каспила михъирлизи
Пяхъдикілар ругертира,

Даили дубаначи
Рабчдикілар гъимилира.

Тіашлира ну гүррара
Дубличив хъанці урхъула,
Урхъназирти заб сари
Хіед лерил дила гъайра.

Забла кіунтірани дила
Нургъби ушкули сари,
Хіела нергъла кіантілизиб
Урхъу бургъули саби.

* * *

Дубурла хъаранира
Наб диур
Шимала дякъурбира
Наб диур.
Зурхіябла ранганира

Наб диур.
Наб гъарил секіл диур
Ца секіл наб хіебиур,
Халкъла ургаб адамдеш
Агнициун наб хіебиур.

* * *

Глядатла хіеркіли.
Бухънаван гъайбикілар
Бягіуси хіеркіра,
Заклизиси бацра

Чучи дукаркілар,
Дунъяла къакъличиб
Даимси секіл
Агарси саби бикілар.

* * *

– Дубурла хIеркI чинари,
Чина гъалакбикIулри?

– ГIур ну чархIебулхъасра
Нушала дубуртази.

– Шагъарлан, хIу чинари,
Чина гъалакиКIулри?

– Урхънази гъалаклира
Дубуртала хIеркI баргес.
Гъанна ну иштихIлира.

* * *

Дугила зубартани
Заклизи уми делкIун,
ПархкадикIар цIелдуби
Илдала шалалиур.

Дудешла ну хIябличив
Цунни тIашкайзурлира,
ХIербикIар дигиличил
Ца зубари набчира.

* * *

ВатIан мяхIкамвараба
Ванзала гъундурачив,
Ташмишдешли бакIили
Халкъла гъуни бургулра.

Ца саби дила балга
ИкI чевяхIсилизира,
ТПутIудара пашмандеш
Дила дурхъал улкала.

Зубарти ахIелкути
Ардашар дугурбира,
Дяхъурбачи кархъулра
ХIела ахъанайтира.

Дила белкIаназир сар,
Кахти къукъула тIамри
Пикрилизи кадирар
Игахъули тугъира.

Ну айкъурси анкъилис
Вершадеш хIедарира,
ХIела душмайчил гъанна
Ургъан ветаурлира.

– ХIела ВатIан кали саб
Къакъличир АхIулгола,
Ардашар умцIализир
Птурилти замунтира.

ЧЕВЯХIСИЛА УРКIEЦИ

Аллагъ сай Дагъистан акIахъубсира
Дагъахъур набзира дигай ва къуват,
Се галра Аллагъли наб гIямрулизиб
Архис набчил дархли ахиратлизи.

Гъарил секIал гиб наб, нуни цаалра
КахIесили батес ихтияр аги,
УркIеџIи барили икI ЧевяхIсини
Иш дунъяличив ну кIараҳъан варра.

Гияши ціябдешли ну къацұрцұхІели
Дигайра, Ватанра, дила къапара
Аманатдағылар дағтас үршилис,
Нушаван Аллагъла сайхІели илра.

ЗУБРАЗИБСИ ДАГЫСТАН

Чихъти зубартала хъанцІа даруйти
Хіуша хейадлири рахІятдеш бирив,
Гъагулти гамурби гъараҳъ аркъути
Урцар хушачил дарх дила никруми.

Хіеръасли хушачи рухІра гъаргидар,
ТалихІла ругерра заклаб куртІбирхІур,
Далуйтала балгни дигІян заклизир
Аллагъ чевяхІварес дучІули сари.

Зубри, нуша чучи гур чардулхъути,
Гъамдиахъес нуша жидикІули сар,
Зубразиб цагъатІи леб Дагъистанра
Цацали аркехІе нуша ахирра.

Илди Гияшқадирар нушала чедир
Чебла къаяда муртрил чархІебарибси,
ЧевяхІси Аллагъ, мурт хечи ляркъехІев
Се хіерли сабира гъанна нушачи?

Нушала гіямруцун – сар илис жаваб,
Ил суаллис жаваб – илди гіямру сар,
– Зубрала далуйта луги наб шала,
Шалара ибхІели лерил гіямрула.

Зубразиб цагъатІи леб Дагъистанра
Ванзаличибисичи ахІен мешуси,
– Ахъдешлизиб закла ил Дагъистанна
Чебиулра илаб дурхІни баҳълара.

Илдас буйрухъикІар имам Шамилра
Зубрала дайлизиб саб АхІулгора,
УргІерли хіердирни – ціахли саб набра,
Зубрала Дагъистай къабулдирурав?

Шурдатурси - Аминат Глябдулманапова



Проза



**Муталим
МУТАЛИМОВ**

НУРА АДАМ АХЛЕНРА...

Вахъила шофер кишин Запир-ази Шурагыла хъяличив ташизурли сай. Илаб ца хъярбуанра хуршланра къаршибикили саби.

Ил замана ЧебяхI Уркухъла шилизивад ца адам ваткайхъили илдачи гъамиубли сай, дардавшули, кепли.

- Ази, ца папрус бихагу, – викIар ил хуршлайзи.
 - Нуни папрус бужуси ахIен къалли, – викIар хуршлан.
 - Гъари, ва ази, хIуни бихагу папрус, – викIар ил хъярбукази.
 - Нунира папрус битIикIуси ахIен, – иб хъярбукази.
 - Адам виргъусив папрус битIxейкIуси?
- Сунечи ваайчи кишин Запир-ази, бержибисилис гъалаухъи:
- Нура адам ахIенра, азис ват, вашен хIела гъунчивад!

*Бурибси саби кишин писатель РФ-ла
урибси учитель Ибрагъим ИБРАГЬИМОВЛИ*

СЕ БИКІУЛИВ ИКІ?

Сунечи ГяхIли бакIибхIели ца адамли убяхъили къял белгы сай. Дебали къугъаси, мяштIареси къял буили саби ил. ГяхIира арбякъи саби, кепкайубли сайра кайхъи сай.

Хъунуй къя бекIра авалра къяшра ганзуҳъла чеди кадихъили сари.

- Эй, хъунул, дубатес се леба? – викIули сай савли мурул.
- Гъари айзи, айзи, – рикIар хъунул.

Айзурли дирцили дяхIра, мурул кайили сай. Илабад чебиули саби къя бекIра.

- Се бикIули икI? – рикIар хъунул.
- КепиубхIели барисиличи мусхIели кIиуркIиубисилис (пашманиубисилис) икIала мукукури ца мерличир даргаб бикIули саби, – чIумали буриб илини.

Бурибси Бахтума КЬАДИЕВА

ХІУНИ НУ ВЯЧУНРАГУ

Ца мурккукан Хулал къябъярла ккалккалиker ацIиле кавхъана хIейруле кумекбараҳъес чIярикIуле сай.

ЦархIил мурккукан вакIиبلе гъая игъубле:

– Къялилице гъая бигъен, – икIуле сай. Бигъве саби гъая къялилице.

Буцибле битIакIибле къябарибле гъен увяхIушили сай

– Угъ, регIряхъ, хIуни се баркъибтен, вячунрагу хIуни ну?

– ХIу кайкнилике нура тамашаибра, Даг иш гъаяличил нуни къуюлици-
церат адими айтIунрагу.

КЪАЧАЛА МЕРЛИЧИБ БУГЪА БИРИ

– Жей, гъабяжъагу чила-сабил их къача, – викIар Писки МяхI хъунуйзи,
мябиkули паргъатxIебируси къачачи тIул бяхIчиали.

– ХIуни держибти шишнас их къача нуни базарличиб асибси саби, дила
МяхI, – рикIар ил.

– Набчил рапх xIура ружуси риадри, их къачала мерличиб бугъа бирусири,
– викIар разивиубси Писки МяхI.

НУНИ ДИЛА КЪЯЛ ХIЕБИРЦИС

Шиличи бяхIчиси Хъанила бяхIлизибад къулала хIенкъ чарбулхъули саби.
Бержили къалайкайбси комбинатла хIяким гапухъун:

– Нуни икI къулала хIенкъ асес вирус или.

– Валлагъ, хIейруд, – викIар ил хIенкълизиб сунела къял лебси комбинатла
хIянчизар МяхIяммад.

– Сен хIейрусирав? – къабулхIейкиб иличи хIяким.

– СенахIенну, нуни хIед дила къял хIебирцис, аргъахъиб МяхIяммадли.

КАНИ АГАРСИ ПРЕДСЕДАТЕЛЬ ВАРГЕС АРКЬУЛАР

Дейбукила шилизив колхозла председательли узуси хъярбукан Къади ХIя-
жичи разиагардеш балахъули, собраниеличиб гъайбикIулри. ИлхIели селра
хIеили председатель собраниеличивад дуравхъун. Сунела урчиличи мурдайэс
вализурси замана:

– ХIуни се бибулри? Чина аркъулри? – бикIар илизи.

– ХIушаб кани агарси председатель варгес аркъулра, – викIар ил.

Бурибси сутбукIан Лукъман.

– ЧИШЛИКУНИ ДИРУСИ МЕРЛИЧИВ

Чишликуни дируси мерличи вякъи ца адам, бацI къацIра чIямбирули,
тIашлири.

Илизи хъарбиули саби:

– Сен бацI къацI чIямбирулри, Чишлик хIейсулрив?

– Чишлик асес дила кисала имкан агара. Ца юлдашли набзи бурибсири:

«Эгер чишили кличи хіела иштхіңдүхъи диалли, касили къаціра, чишиликуни дируси мерличи вякъи, къаціли укен, хіу вирхаи, чишилик беркунхіейчибра піяхіси тілгіям кайсид» или.

– Хіера ну ишав.

*Бурибси: Исмәғилов Нурмахіммад.
Избербаши шағыар.*

ЦУЛБАЗИ КЪАЦІКАБУЦА

«Муруй наб дирхъули сай, – рикұли, ца хъунул адам кіа бараҳъес маллачи ракіли сари.

Белкіи саби малланы кіа:

– Ма иш кіа, – викіар Малла хъунул адамлизи, – мурул пяхъикіуси замана хіуни ил цулбази къацікабуца.

*Бурибси: Глябдулқадирова
Пирдаев, Хъярбукла ши.*

Я БУЧІУЛИ АХІЕН, Я ХІУШАБ ГЕС АРЦ АГАРА

Ца преподавательлизи-мугіллимлизи хъарбаили саби:

– Гъари, се тяхіяр леба, студентуни бучіахъес бажардидиркулрав?

– Я бучіули ахіен, я кыматуни кадатахъес нушаб гес илдала арц агара.

МИГЛА ХЪИТИА САБИ

Янила замана сунела кіишен юлдашличи гіяхіладли вякъунси Абутіалибі хъарбаиб:

Буціарлира лебгу хіушала хъулиб.

Мяхіммад газла пичличи гъамиуб, гүрра газ имілабарили, форсункализи хъат някъли піяцасахъили, викіар:

– Мигла хъитіа саби, юлдаш, мигла хъитіа!

*Бурибси: Күрбанов Мяхіммад,
Кіишала ши.*

ХЪЯ

Уркімуцила (Къаракүрешла) шилизи лякъуси мерличиб Алчіав бикіуси мер буили саби. Уркімуцантас ва діблукантас ил мер ургабикили саби. Чула къулачил ила дуки бякъунти дукикъянабачил муса багъандан къалмакъар кадикили сари. Хіу итгъуна, хіу ишгъуна бикіули, дуцібухъи саби діблуканті. Ца адамли къапіализи букан жершила бекі кабихъили сай, чакмала дұхіна хъажла уди гіянжира какъурли сай, ил дуцібухъи ветаили сай къалмакъарли биркүтачи, дисбачи, ханжултачи бухъунтачи.

– Нуни, – викіули сай ил, – закла удира кайзурли, ванзаличира кайзурли иш нушала ванза саби или хъя бирис.

- Бара, бикIули саби уркIмуцанти.
- ИкI дила бекIличира, ихди дила къяшмаурти гIянжиличира нуни иш диблукила ванза саби или хъя бирулра.
- Ихцадра халаси хъя барили гIергъи, бикIули, уркIмуцантали диблукантас батурли саби ил ванза.

Бурибси: Бахтумша. Дибгалик.

САЙДИ ЧЯЙНИК

Закаръя бикIуси хIинтIай сунечи куркан гIяхIял хъураварили сай. Кабиили бужули, букули, ихтилатбикIули саби. Адурхули ахIен хIинтIанна дужути.

– ВяxI, тамашавиубли сай куркан, – адурхули ахIенгу хIела держ. Кадерхурмад, сагали дагъардирули сари.

– ХIулби хIердарибхIели, дила хъунуй столличи се гIягIисил балуси саби, – викIули сай хIинтIан.

Ца замана куркай сунечи хъураварили сай хIинтIан.

Хъя вегIла халаси чайник лебли буили саби, сунесра Сайди чайник бикIуси.

Букули, бужули, бацIбиубли саби чайник. Гъачам хIердарили сай куркай сунела хъунуйчи хIулби, кIинайсра, хIаянайсра хIердарили сари хIулби... гIяхIдеш агара.

– Буцили чайник хъуна бекIлизи игъубли сай. Ил лер мерличир карикили сари.

– ГъатIи, чуйна къявилзахъулра, неш карик, – викIар гIясивиубси куркан.

*Бурибси: ГиялигIумаров МяхIяммад Мирзаханович,
ХинтIала школала директор.*

ЯБУЛА МЕРЛИЧИБ...

(мар)

Хъу бацнилис хъула регIли хибти чуднанира уки, ябулизи бамсрира ахъ-ахъес хъубзарли багълабариб.

– Гъари, хала дудешла, ну камси заманалис хъарилхъасну, – викIар ша-гъарлизибад бакIибти уршбала дурхIнази ХIяжимурад, – ца гIяхIцад замана шалгIебухъи гIергъи, хIуша чедибси къяли бацес дехIихъирая. Хъула регIли хибти держлара бержили ускаунси хала дудеш чевсаргъайчи дурхIнани гIяхIцад хъу бацун.

Амма ХIяжимурадлис чIичIалаван далкIунти, мер-мерличир хIедаци ур-калахъунти, дурхIнала гъаршани гIяхIедизур.

– ХIушани шагъарлизиб балуси се хебси, бируси се хебси, бездельникуни, кто тамхъали, хъули къулкъуцIуни, – къириван учIулри дурхIнас вахъхIила хъубзар. БехI хъуличи ябура кахъили, ХIяжимурадли хъу сагали балцулри. Замана-заманаличив уршбала дурхIнасра ургъулри.

– Ябула мерличиб хIушала нуни абни бубгис, – сагали вехIилзулри ил дурхIначи.

*Бурибси: Насруллагъ
Сайпутдинов, Дербент шагъар.*

САГЪЛИ ВАНЦІУХЪЕНГУ!

Уркухъла базарличиб сунела хійванра бицили, кафелизив ца гіяхіл къалайра кайубли, ца шурклан гумайлизи дураикиб. Илав бяхъили ихтилати-кіуси шуркланнара гумайла ағылудара гъай-мез демжурси замана милиционер дакіуухъун.

— Гъари, уртахъ, хіела гъунира буцили, хъулибахі гъайбара, — викіар милиционер, тіама-гъамали виркүси шурклайзи. Амма шурклай, илала гъайличи лехіхеъили, гумай бучіахъулри.

— Хіу нуни ванціухъи шурклила шилизив вагъарирахъури или, суктувариб милиционерли!

— Уртахъ, милиционер, Бакънила шилизив дила ца къуллукъра кіебгу, ванціухъенгү!

УРХІЛИС УЗУЛИ ВЕБКІАБ САЙ

Узбекистайзивад чарухъунси ялчи гумайлизи вакіили сай. Садухили берк-берж къушумлис кадихъили сай. Ила цалабикибтани буруси аргъили сай сунела хъунуйчила:

- Хіерагу, ит, гъанна мурул чарухъунхіелира, ихала хъунуйчи аркъули.
- Вати, вашахъен, абдал тіакъя, урхілис узули вебкіаб сай.

*Бурибси: Амирханов Зайтуллагъ,
Хъярбуқла ши.*

БЕКІ ЛАСБАРИБ

Ставропольла авлахъличиб сунела хіябал хіулала бегі матоциклличиб мазала мас ласдирухіели, сунела хіякала гіяпнала ургабад дягі башули или буқій къакъыбыли хіяка чегъур. Илкъаяда маза ласдируси замана, галгала къайзи чегили, матоцикл ругбяхъиб. Бехіемцілизи викибси чеили гъуйчибад аркъути адамти күмекличи музабухъун.

Хіербікіалли, бұкіунна бекі ласбухъи. Илдани буцили ласбарили бекі сунела мерличи кабатур.

Гұрра хіербікігули саби буқійчи, къяшми къакъыла шайчидяхі хіердикігули. Анцібуқь селизив сабил шакбикили, буцили бекі сагали сунела мерличи ласбарили саби.

ХІУ ГЪАЧАМЛИС КЕЦІАРИ

Шагъарла къакъализивад «БМВ» арцурсиван хъярхъли аркъули саби. Жагъил милиционерлис ил тіашаэс лишанбариб. Амма «БМВ-ла» вегі, милиционерлис 50 къурушра лайбакіли.

- Ма, хя, ишди хіед арц — или, сунела гъуни даимбарили сай.
- Ил замана постличивад ваххіила милиционер дураухъи сай:
- Се викіи, ит къагъбаш?
- Ма, хя, ишди хіед 50 къуруш или шалғевухъун, — викіар жагъил милиционер.

— Диха иша арц, хя иш ну сайра, хIу биалли гъачамлис кеңIа сайри! – викIар дахъал чедаиси ухъна милиционер.

*Бурибси: милицияла полковник
МяхIяммад ХIяжимусаев, МяхIячкъала.*

ЛЕБДЕШЛИ ЗАРАЛ ХIЕБИРАЛЛИ...

Гумайла ағылу лебдешличила ихтилатбикIулри. Ил замана Писки МяхI гумайлизи гъамирулри.

Писки МяхIизи бакъахъес ва сунела пикри Геббуцахъес дигули, ца вабза ахъли гъайикIулри.

— Лебдешли чисалра зарал хIебиру, бархъси ахIену, гъатIи? – викIар ил, Писки МяхIличи дугъайлзули.

— Лебдешли зарал хIебиралли, юлдаш, дила картошкаличирти лерилра колородский жукани хIела хъучи ардуха, – гъай къантIдариб Пискини.

*Бурибси: Ахъушала районна
Ургубамахъилизивадси Шамил*

БАЛГА БАРА

Ца малла иномаркаличив бялгIяла бегIтачи аркъулри.

— Ишди улкъайла шишни Гяшдуцес хIейрутив, буцIарли сабигу? – викIар малла шоферлизи.

— Ца балга бара, сари-сарил Гяшдиарну, – викIар шофер.

Маллани балга барип, улкъайла шишни Гяшдиубли сари.

КИнайс, машина хъярхъли гъабяхъибХели, маллас бугIрагили саби.

— БугIярбиуб къалли, къяпIдарагу улкъайти.

— Балга барадли шишни сари-сарил ахъдирап, – викIар шофер.

Маллани балга баримад, улкъайла шишни къяпIдиубли сари.

Ил секIайчи тамашавиубли малла:

— Аллагы кIевниличи гъанналис гъалав ташмишикIусири, гъанна ил лев-ниличи дурусли вирхулра.

Бурибси: Глябдулманапов Глябдусалам.

АНТИФРИЗ

Тарумовкализив хIерируси чула юлдаш ГляхIмадов Гляббасличи шадиб-гъуни дураберкIес бахъал юлдашуни цалабикили саби: бутран БяхIмудла МяхIяммад, МяхIяммад Хан, Дач МяхIяммад ва цархIилти. БугIарси аргъ сабри. ЦархIилта машинабала радиатортачир цухлухунни детаурили дяргIибХели Глямарла МяхIяммад:

— Антифриз, дурхIини, антифриз.

Илала гIергъи юлдашунани Глямарла МяхIяммадлис Антифриз ибси чеу бихъибсири.

*Бурибси: Ахъушала районна Узни
Махъилизивадси БяхIяммадов
МяхIяммад Глябдуллаевич.*

МАЯ ХІУШАБ ШАЛБУРТИ...

Ца адам гумайлизи гъар мурталра ца шалбарчевли дураиркули сай.
Адамтани илизи хъарбаили саби:
– Хела ца ил ахъенси цархIил шалбар агарсив барсбарес? – Мурталра ца шалбарра хIура гумайлизи вашули.
– Гъяй, юлдашуни, –викIар ил, – ишдигъунти ца журала вециал шалбар кIер къалли дила. – Бусягъят вякъи лерхис.
Гумайлизивад хъярхъли аркъки, сунечиртигъунти 9-гъатIи шалбарра гумайлизи дурайкиб.
– Мая, хIердикIеная, хIушаб ишди шалбури, – дукаркIулри ил.

ГАЛГА БУХЪНАБАИЛИ

ВацIализи урца дехличи аркъуси учительлис бензопилаличиил жагъил галга кальюти жагъилти къаршибикиб.
– Ассаламу гъялайкум, дурхIини, хIушани се саби бируси?
– Иш галга, учитель, бухънабаили саби, – бикIар илди.

*Бурибси: ГIичаев М-Расул,
гимназияла директор.*

ХIЕРА, ХЪУНУЛ, ХIЕЛА СУАЙС ЖАВАБ

Ца хъярбукаан Уркухъла базарличивад чарулхъуси замана, Шурагъила хъяличив иличил ца бержибси айкили сай. Дунъяличир лерти няс гъай дурили хъалли, хъярбукаан селра хIеили, сунела гъуни буцили аркъулри. ИлхIели муруйчи гъясириубси хъунул:

– Ихдицад нясти гъай дурахъили, сен уусирив, их ватурли? – черухъун хъунул сунела муруйчи.
Хъярбукаан бара шалгIевухъунхIели, бержибсили цархIилличил къалмакъар адикъур. Чятлизи кабикили, кIелра нясибиуб.
– ХIера, хъунул, хIела суайс жаваб. – вегIла гъуни барни гъяхIисив, яра ихди чатлизив велхIи къалмакъарли виркънив? – викIар ил, паргъатли сунела гъуни даймбарили.

Бурибси: МуртазагIялиев МуртазагIяли Бибалаевич.

ЦА ШАЙЧИ КАДИЭС ХIЕДИРУТИРАВ?

Ца хъярбукаан, сунела гъалабван асибси сагаси машиналичив шила гумайлизи гъамирухIели, ца шайчи кабиити адамтази салам бедили сай. ЦархIил шайчи кабиитази саламикIуси замана машина лацлизи чегили саби.

ИлхIели машинала вегI:
– Ца шайчи кадиэс хIедиругутирав, хIушала гъяйибли машина къяч-бикиб.

Бурибси: МуртазагIялиев МуртазагIяли Бибалаевич,

ХАЛА НЕШ ХЪУМХИЕРТЕС БАГЬАНДАН

- Ягъари, сен хIела хъунул бурдибси хIякаличил рашуси? – викIар гумай-лабти ца адамлизи.
- Гъар алапа асиси замана аса викIулра хъунуйзи сагаси хIяка, амма гъайла чесабирхъули ахIен.
- Илцад сагаси хIяка асасли, дила хала неш хъумкартис или, къяйли ка-ризурлигү! сари ил.

*Бурибси: МяхIяммадова ПатIимат Ибрагъимовна,
Клишала школала учительница.*

ЦА СЕКІАЙЧИ ПИКРИБУХЪИ АХIЕН

– ХIукуматли иш машина гIяхIил пикрибарили саби, амма ца секіайчи пикрибухъи ахIен, – викIар жагъил водитель, масломер дурасили, ила кагъарла лейкализибад гIявадеш кертIули.

Алавчартани ил сунела бируси бараҳъес ватур. ГIур:

- Тавадахъ, масла кертIахъес икI моторличиб бариси мер чехIебиултив, – викIар дукаркIули, илав валикибси тухум. –
- Ил масло сецад лебал ахтардибиrahъес бариси саби, илабад масло кертIахъес ахIенну.

*Бурибси: Къурбанадаев ХIясан,
Къизлар шагъар.*

ЦА ГЬАТИИ БУЖИС, ГIУР ХIЕРКI АРКЬЯЛРА ХIЕБУЖИС

– Ца гъатIи бужис, гIур, хIеркI аркъялра, хIебужис, – викIулри шадлихъ-личи цалабикибазивад ца.

Ну иличи хIерикIулра:

- ВяxI сегъуна чумаси уилил, ца бержили тIашизес вируси. Ил адамличи дерхъабла ярга баиб. Тяп гъалавван кIинайсра ил викIар.
- Ца гъатIи бужис, гIур, хIеркI аркъялра, хIебужис…

*Бурибси: ГялигIумаров МяхIяммад Мирзаханович,
ХинтIала школала директор.*

ДИЛА НЕШЛА АРЦ ДЕДИРИВ?

Хъубеш нешличи гуяв вакIили сай.

- Бержеси кабихъа, дила неш!
- Хъулиб бержеси агара къалли!
- Ма ишди азир къуруш, рякъи шиша ха, – викIар гуяв.
- ВяxI, се гIахIси гуяв саял дила, – разириуб хъубеш неш ва рякъи шиша кабухиб.

Гуявлира бержили сай, суненира.

– Сдача г҃ягIили ахIен, – викIар гуяв.
– Папрус бихагу хъубеш!
– Агара къалли.
– Ма иш шударш къуруш, кабуха наб папрус!
Рякви хъубеш нешли папрус кабухили сари. Папрус сасили Геларти арц хъубешлис датурли сай.
– Гъанна наб, – викIар гуяв, – ца секIал барес дигулра.
– Се? – уркIрухъун хъубеш.
– ХIела бекIизи иш тяпочка бяхъес.
– Ягъари, мехIуриублитив хIу? – зигаррухъун хъубеш.
– Ма ишди шел азир къуруш, къабулприки. Шел азир къуруш лугули Гергъи, сен хIебирхъяхъуси или, къабулприкили сари ил тяпочка бяхъяхъес.
Ил замана телефонизибад хъуна тIама:
– Гъялу, дила нешла арц дедирив?
– Багъла-багълали лугулра, – викIар ил.

ДАРГАННА АДРЕС БУРА?

Ца кIарахъай мургъила бялихъ буцили сай.
– Батааба ну, желание таманбирисну, – тиладибухъун мургъила бялихъ.
– Желание ибси? – хъарбаиб кIарахъай.
– Масала, гъалаб ну ца даргай буцира. – Ну батаэсли, илис нуни миллион доллар дедира, – бикIар бялихъ.
– ХIебиалли, дилара ца желание леб?
– Се дигулри хIед?
– Ил дарган чинав хIериулил бура? – викIар кIарахъян.

*Дуриби: МутIалимов МяхIяммад,
Первомайскла ши.*

ГЪАННА БУТИРА НУШАНИ МАС

90 ибти дусми. Вачар-чакарла хIянчи бузахъес бехIихъибити кIел юлдаш чула бизнесличила бяхъили ихтилатбикIули саби. Илдани чула бизнес барихъели бакIес г҃ягIиси хайри чула ургаб буртIулри. Ихтилат хапли къалмакъарличи бетикиб. ХункIачи бетухъун. Бамсурли гъеркличи бетикибХели, илдазивад ца викIар.

– Гъу, гъанна бутира нушани мас.

Бурибси: Ургубамахъилизивадси Шамил-

УРШИЛИЧИ ВАКИЛИ САЙ

Барх бучIути юлдашуни бужули, букули шадлихъличиб батбухъи буили саби.

– Сен хIу къаниубри? – хъарбаиб уршили дудешлизи!
– Иша къанхIейэс нуни машиналис цIа дедира, хъярхъли гъабяхъира. Машина къячбикили адам заявиуб. Жаназа машинала багажниклизиб леб. ХIела юлдашуначил гъайкавхъен, нушала ургаб ил дигIяндеш калахъес бура.

Ца сабаб баргили, шадлихъличибици цацали арбякъун. Калун чІянкІли ца рурсицун. Ганзухъуначибад уди кабицІухІели:

– Се-биялра барес гІягІнили саби вебкІбси ибгес, – бикІар уршира рурсира.

Багажник абхъили хІербикІалли, илаб чаягъирла ящик. ИлхІели урши викІар:

– Даширая бужехІе, къияндикибхІели хІечил барх кавлути марты юлдашуни багъандан.

*Бурибси: Ражабов М-Къади.
Регионгазла хІянчизар*

ШИЛИЧИБ СЕ БАЛАГЬ КИЕВ ВАРА?

Гъар сагаси дуслис Деникинна къазакъуназибад бикахъибси почала туп бегІлара ахъси дубурличи мерлабарили, мікІхІентани Дегала къадалабяхІ:

– Касая, деганти, или гурисахъули кали саби. Дегантала ил замана туп лебли буили ахІен. ГІясибиули, дегантани, бятІу мегълизибад туп барили, мікІхІентас гурбизахъур. Туп баргбердили, баҳъал деганти алхи саби. ИлхІели ца деган викІули сай:

– Се балагъ кіеб vara МікІхІила шилизиб, нушаб ишцадра халати зарулти детаурхІели?!

Бурибси: мікІхІен Къасум, къисла уста, Каспийск шағъар.

МИЛИЦАБАЧИЛ ДАТМАЙИД

Савли, шуибил дерхІла балконничив даг бержили бекІ изули язихъси я ил «арабарес» кисалаб кепек арцла агарси адам Аллагълизи тиладикІули сай.

– Я, къудратла вегІ Аллагъ, бекІла вахъ баҳъ дебали изули къалли, ца азир къуруш датурагу, бекІ арабарес, датурхІеадли иш балкойчивад тІяхІулхъас.

Илала гъай ил замана удивад аркъуси участковый милициали аргъили сари.

– Гъари, гъанна икІ держла кІарализив виркъес хІейги, тІяхІухъалли наб авара дахъдирап, илала бекІ тІяхІбаҳъес шударш къуруш лугас, – викІар сунези сай милица.

ВакІили шуибил дерхІличи, милициали илис 500 къуруш дедили сай.

Ганзухъуначиивад милица уди дуравхъунхІели, балкойчив ил адам гІурра Аллагълизи улгули сай:

– Я дурхъаси Аллагъ, гІур арц вари милициаличил датмайды, дайхъала чула кисмази кадирхъули сари.

*Бурибси: Аминуллағъ ГІядиров,
МяхІячкъалала шағъар*

ВАХЪ ГІЯХИЛ ГЪИНЧАЛРА МАЛЗАДГУ

– Дунъя беркира хІедебкІишагу, гъари хъунул, байхъала бяхІяхъ дильлара абушили хинкІи дара! – викІули сай мурул.

Дарили сари хъунуй хинкІи.

– Агъ, хъунул, бацІ къяззи лер хинкІи.

– БацІ къяззи лерли диалли, – рикІар хъунул, – духили базарличи дица.

Къудкъализи кергИили, къакъличи гЕлахъили нергъ дицес базарличи дураухъи сай мурул. Илис гЕларад хъунул рикIули сари:

– Вари, бацI къял майсид!

Хъуна гъайлис мурул чигIя касес гIяшвиубли сай:

– БацI къял нуни иш чигIялизи бируси ахIен, – викIар ил.

КъухИубси замана, нергъ бекIличи чертIили, бекI бигубли, ил вебIили сай.

Мурулла куцличи хIеррикIули, хъунул:

– Вахъ гIяхIил гъинчIалра малзадгу.

*Бурибси: ГIяркла ГIяйшат.
МухIела ши.*

ТIЯРМАБИКУДНУ, ТIИЗБИКИЕН!

Мегъантани варъя бараҳъес мирхъила мерличир пяспясагуни кадатурли сари.

ГятIини «тIяр» или дучIули сари.

– ТIярмабикIудну, тIизбикIен, хIямшимала мирхъиличиб биштIали ахIенрину, – викIули сай мегъан, гятIала бекIлизи тIуй пIянкъисахъули.

*Бурибси: Къурбанова ЖумягI,
МухIела лицейла учительница.*

ИТАРРА ХIЯБРИ ТЕРРИ

Комбинатла бегIлара гIяхIтигъунти хIянчизартазивад ца сайлин ХIацци МяхIяммадлис Есентукилизи арадеш къулайбараҳъес путевка бедили саби. КIел жумягIра хIедикили лералли, МяхIяммад курортличивад чарухъи хIянчиличи дураухъи сай.

– МяхIяммад-ази, – викIар устази комбинатла бекI бухгалтер, профкомла председатель ХIяким ГIяли, – курортличиб бамсриахъес кахIели, сен жвли чарухъирив?

– Наб гъанбиркусири, итар хIябри хIедургар или, илди терни багъурли, чарухъунра, – викIар ХIацци МяхIяммад.

Бурибси: ГIябodusаламов ГIяли Xурухович, Избербаши.

ДЕРЖЛА БЕРЖИЛИ АХIЕНРА

– Ягъари, някъби руржули, алкоголик ветарултив хIу? – викIар ца уртахъилизи АбутIалиб.

– Держла бержили ахIенра ишбархIи, бержибхIели руржути ахIен, – викIар ил.

ВА АДА, ХIУ ВЯКЬИ ХАЛБАРА

Къаркъа адилтIуси замана ца халаси къаркъа баргаэс духили сари аманал, пилтализи цIа душили, дудешра уршира шурла гЕла дигшIянникили саби. Баргудули ахIен къаркъа.

Дудеш дурхIялизи масхаралис:

- Гъари, дудешла, вякъи халбара сен баргхIевдусил.
- УркIухъи дурхIя дудешлизи:
- Дудеш, хIуни дахъал деркирину, вякъи хIуни халбара.
- Ил замана гурла тIамаличил къаркъа баргбердили саби.

БИЛАЛЛА ХIЯЖИЛА БАЛГА

Бержра бержили, Билалла ХIяжи набадари бегIес дуравхъи сай. Набадурала гъе хъучи иргъули, илини ишгъуна балга бариб:+

- Дила хъунулван дуршути, нуван духънаби набадури дакIахъа, Аллагъ.

Бурибси: ХIяжисеев МяхIяммад,

ТЕРЕК ХIЕРКIЛИЧИЛРА ЖАЛРЯХЪИЛИ

Ца хъунул адам палтар дирцес Терек хIеркIличи рякъи сари. Ил хIеркIли ил аррухили сари. Адамти дуцIли илала муруйчи бакIили саби.

- ХIела хъунул хIеркIли аррухиб, – бикIули саби.
- Лебил шантι катхIел башухIели ил рапгес, сай биалли лагвяхI аркъули сай.
- Сен хIу лагвяхI аркъулрив, хIеркI башнавяхI хIешули?
- Набчил къайда Терек хIеркIличилра жалряхъялли, ил катхIел архIеху, лаг ахIи, – викIар ил.

*Бурибси: Къурбанадамов ХIясан,
Къизлар шағъар.*



Мәденият миңда

Бяхіммад
Хіяжіев



ДИЛА ДУРХІЯДЕШЛА ХІЕБ

Бара гъанкі ахъили, дяхі биңули, шинишбикіуси авлахъқад ну аркүлри. Хапли дила гъалаб бара гыгъбатурси ванзализибад хъанціа вава багъарбиуб. Нуни илис пишахъили салам бедира. Бегілара жагати дугъби чердикіли, иличил малхіямли гъайухъунра. Урух-урузли, багъалали, вавали ахіи, гүр чилилра хіергъесли.

Ну виштіахіелира, нұңун авлахъқад къунзухъес иштіхідулхъи. Цугбикиб-си вава, биштіаси галга малхіямли хіяршибиули вираси, илизи гъайикіули, илала мяқыла ваххіи ташылзули вираси.

Нешра набзи гъар даим рикіули рири: «Урши, гъарил вавала, къарла чіль-ла, галгала кіапіла, гъарил хіеблизиб чебсарғыбси табигіятла жагадешла ліхібі лерти сари. Илди мяхікамдирен, илдачил мяхікамли, гіашли гъайикіен. Аргъирив, урши? Вари ил секіл хъуммартид».

Нешли набзи дурути тамашала гъай гъандиркули, вавализи вируцад гіашли ва малхіямли гъайикіулра. Нуни вавализи гъалмагъдеш даражъес тиладибарира.

Вава разибикиб.

Хіебра, гъар секілайчи бирхаудичерти ва гъар секілайчи разити сари. Дурхіядеш къайдали, хіебра гъарил тамашала анцібуқыличи хіядурти сарливан дирхути диэс. Гъарил манзиллизир тамашала анцібуқууни кадиркни илданира балуси бургар. Ну гъаннара тамашавиули ахіенра вавара дурхіяра цализи ца чулицун иргұтуи, чусцуң хасдарибы мезли гъайбикіес бирниличи.

Итхіели, дила дурхіядешла хіеблизизир, нуша зиланти, гъаман ваңта-хіярили-зир шадиб-гъунби дурадуркіули дирутири. Арцантала макъамтачи лехіхъули, жагати вава-къарла къалтингачи кадиили, ихтилатра дикіутири.

Дила дудешли сай шинкъала аркүхіели ну сунечил варх арикусирі. Хіебла замана къадалаб хіеркі биштіали бирниличибли гъунар хіебиули, дуги-хіе-рили ца-кіел гавлагцун декъла дукутири. Янилис даари декъя делкъес чумал дуги илар деркіесра чебиркусирі.

Наб буқуси шинкъа тілама сөгүннарил агиличи мешубирки. Илбагъандан буқуси шинкъала макъамличи лехіхъаси. Дила виштіадешли бииши, хіеркіла гъунарличи тамашали хіерикіаси. Цацахіели шинкъа гъала берхілиу

кадиинхIели, замана беркIес, наб хIебетIахъес дудешли биштIаси шинкъа бири. Урхам урца биалра, далга букъуси шинкъаллагъунти сарри.

Дила шинкъа хIеркIла дубла балбикиси мерличи ташбатури, халаси шинкъайсван ругерира барили, бархализи шин дяхIидраси. Халаси шинкъанниван декъ хIедукъули биалра, илалагъунти ахъти макъамти кахIейули биалра, дила шинкъара бузескабиъниличи развиусли нуны далай бучIаси:

**Букъен хIу, шинкъа, букъен,
Каммадиаб хIела декъ,
Ляркъян усан, уркухъан,
Буцили икI къяшла дякъ.**

ЦацахIели дудеш эмхIечил вацIализи аркъухIелира сунечил варх викули вирави. Гъачам дураз барес далгаличи аркъухIелира, Хала хIеркIличи варх укибиси. БуцIарси бархIири. ВацIализибра, галгубани цIуэри чехIейгахъули, буцIарлири.

Нушаб гIягIинтира даргили, гIеладяхI ляркъухIели, дудешлизи хъарбаира: «Дудеш, неш рикIули рирар хIуни урши галга, вава-къар заемадирид, илдази малхIямли гъайикIен. Илдалара хIелагъунти жан сари, сарира дунъя гъанни дакIибти сари. Илдачил гъалмагъикадли, илданы хIела гъайла иргъу». Нушани биалли ишбархIи чумра галгала жан зядарира.

– Неш рапхъли рикIули сари, урши, амма хъубзарлис дуразлис галга бяхъни багъандан бунағы биуси ахIен, сенахIенну хъубзарла хIялалси бузерили бакIахъибси ризкыи мургъиличиб дурхъаси саби. Илини сари адамла жан хIердирутира.

Нуша хIеркIла дубла кадаибхIели, ишаб умхIазира бамсри ихъахъехIе, нушани шинна мякълаб къашIра букехIе или, умхIи дехлиурад урдатури, дудешли вацIала дяхIицIилиу дигъун.

– Гъари, урши, бахъ буцIарли сабину, дяхIицIилиу кадирехIе. ХIед дигалли вазесра вируд. Дудешла гъайличи развиусли ну, илмадан палтар чердатури, хIеркIличи дуцIухъунра. ХIеркI закван умули чебиулри. ХIеризурхIели шин ташдизурси кIавлизиб чиналра букъес хIебируси бялихъ чебаили гIурра развиубра. МицIирси бялихъ илхIели бикайчи суратлизибра кинолизибра ахIи чебаиси ахIенри.

Буцес ал авуухъунра, набзи хIебикес дахъал авара дариб диалра, шин камти дильниличибли ил дила някъбази бикиб. Някъбазибадра батбухъес аварали биркъули калун. Батбухъесгу ибси урехили ил чIумали буцилри. Сунечи хIеръибхIели, хIулби дурадиркутиван набчи хIердикIули.

Някълизиб бялихъличил халаси разидешличил дудешличи дуцIли ветухъунра: «Дудеш, дудеш, чебаа нуны буцибси!»

Дила някълаб тямхъярбикIуси бялихъ чебаили, дудеш пишахъиб. «Инжитмайруд, урши, хIебличи разибусли, хIеркIкад куртIбяхIили бакIибси биэс. Вайси мерличи балбикиси мурадличи хIебаили саби, хIела тимкълизи бикили. ХIябилра игъбарагар леб. Баткаа, урши. ИлиникIун мурт-биялра икра кадалта, гIурра бялихъуни дахъдиур. Ил баткаадли, бялихъ ахIенну, хIебра хIеркIра хIечи разикадирар».

Ну хIеркIличи чарухъунра. Някълабси бялихъ берхIилиуб арцван лямцIбикIулри. ХIеркIличи гIяшибули, някълабси бялихъ хIеркIлизи батаира. Бялихъ

хIеркIлизи хIусбухъун. Наб баркалла бикIусиван, къуйрукъра гъакIбарили, хIеркIла ругерлизиб бетахъиб. Набзидад халаси гъунар дурабикибисиван дила уркIи разибиуб.

Нуша дурхIнани каникултала замана вацIурбазиб, авлахъунациб, ихтилатуназиб буркIусири. Цаладикили бехIла гIела Диъбукила вацIализи дашутири. Хаслира цицце (малина), улелья дикъурси замана.

Ца бархIи юлдашуни Ханичала ГIяхIмадра, узыкъар Халидра, Манатла ХIяссанра, нура дурадухъунра. БехIла гIелар «Хурмала инцIала» бикIуси бяхIлизир мямри, цицце даргили нушала дицIес дарх духибирица дицIили, сирмугла вацIала бяхIлизирад дикили, хъярбукла гъятIабиубси Исупла БяхIяммадла маҳьила мякълабси ГIинзи кадиира. Илабси урунжларад дяр-ГIибти шинра держили, кадиили, Ханичала ГIяхIмадла беръубси дильичил бариси мяхIярла хIулегара берки, шилизи чардулхъули дубурла бяхIличи адацIира. Иларад хIердикIухIели, ши хъатлабван чебиулри. Шила мер-мусаличирии юртанала къяпIурбазирад дашути гав, гIяхIил ахъли адаайчи тIалван тIашдизурли, хъанцIа гъавализир детихъулри.

Жагаси саби нушала ванза. Амма нуша иличи цархIил тяхIярли хIердикIулра.

Дубурличирад уряхIяхъибхIели, авлахъличиб зяхIматчиби сакIубли шикъ-бикIулри. БерхIили сунела ванати нурани лебси цIакъличил ванзаличи дархъири. Илдира буцIардешли шин лерси мерличи гъабяхъибтиван сабри. Рурсби Пинизличи гъамли кабииб. Илдазирад цали хапли ахъли далай батаиб:

**Урхъула дублаван карцIти ругерти,
Чархлизи чегили дигайла чябхъин,
Урхъула хъамхъаван чарх саб тIутIули,
Агъ сунела вегIебш, дунъяла анцIкъи!**

Рурсили бучIуси далайли ургуба зайдухъахъун. Ну виштIали виасра, далайла дугъби наб лергIерал жагадизур, далайла макъамра уркIилизи атIун. ХIебла гъавализизи ил далай гъайбатли зайдикIулри. Ну тIашизурра. Гъунила дублабси хIябкIапIила къалтинничи герухъунра ванаси берхIилиув заклизи хIерикIули, хабар агарли хъанцIа заклизир дакIудиубти, азадли гечдикIути гъагулти гъунирдалтули калунра.

ГIур бакъибси ахIен далайла макъам, илди гъай дила гъанбикуназир ит мерличи укъясли дакIудулхъан урунжла вихличилра, ахълибад гъава кайсуги чIакнала арцниличилра, атхIебла шир-ширла тIамаличилра. ГIур биалли дила дагърила ГIинизлизи дигIяндиркур.

Рурсбани, чула хIянчилизи ахъибхIели, ГIурра далай бехIихъиб. Ил рурси гъалар далайрикIуси ахIенри. Гъанна лергIерал дигайли рицIили риъни багъеслири.

**Садаили ванал хIеб,
Маза мурт демгесара?
ДакIили дуцIар дуцIрум,
БягIли мурт дикъесара?**

Чиди-сайрил поэтли делкIунти тугъи ил рурсилисван чуйнара бугIяр янила бурхIназир набра гъандикиб. Ил – нушаб хIебла ванати бурхIни дигнила лишан саби.

Агъ, итхIели хIебличи нушала разидеш! Майла байрам сабаэс гъалар школа-алав, шила къакъурби умударили, галгуби сугъатли цIубдарили диршутири. ИмцIатигъунти хъулкракири хIунтIена байрахъуни даршили лапIардикIи. Гъарил дурхIяла халаси гъира бирусири хъалшиб байрахъ биахъес. ИлкIун нушаб разидешла бархIи сабри.

Ахирра сабаиб нуша дахъИи хIерси майла байрам. Ил бархIи нуша лерилра дурхIни-туресби школализи цаладиркутири. Гъарилла някъбазир – ванати хIебли белхIехъунси ванзали гъадатути вавни дири.

Учительтани ГяxIил бучутази байрахъуни дедлуги. Байрахъ бихес бикибсира левгIевал разили вири. ГIур низамлизи кадизахъурли далуйтацил, «Гъурра!» дикIахъули шила къакъализирад дай шилизи митингличи дикутири. Митинг таманбиубли ГIергъи гъабкъя колхозникунас делхъ, далуйти, спортла абзани дурадуркIи.

Гъанна биалли ит пергер байрам, ит разидеш демократияли деткахъахъиб. Илди, ил ахIенну, дахъал цархIилти секIалра детахъахъиб. Амма дурхIядешла хIеб зярхIли лерал.

ХIеб къунздухъун авлахъкад, гъарил жан чедулхIули,
Исбагъила чурмиван, къакъличир сурдатурли,
ДяхIдариб бархIили нур, хIебла ранг дарсдирули,
Гъар хъубзарла хIулбази разили хIербикIули.

АРЦАНТИРА ПАЙДАЛАДАРЕС ВИРАР

Пикрибаралли гъарил арцан адамлис пайдалис бузахъес вирули сай: лагъя почталион барес вирули сай. гъар журала чакни вегIлис хIебитIахъес, дяркъурли хъулир дучIахъес вирули сай. Чака бяркъурли ГIаяр бикес.

Цайна ну Россиялизив хIериуси юлдашличи шадив вякъунра. Гъала хIебла замана сабри, арцанта бара пукъни дарии, пукънази гидгури диркъес дехIихъилри.

Юлдашра нура кадиили ихтилатдикIуси замана хъули бадиаличил юлдаша хъунул арацIиб.

– Гъанна, ГяxIимад, гъалар кадихъибси замана баили саби. ИшбархIи ардухадри сен беташира?

Илини бурибси гъайличи ну тамашвиубли, ГяxIимадлизи «Се бетаурлив?» или хъарбаира. Илини, унзала мякъла кабихъибси бадиаличчи хIериизурли, пишяхъили ишгъуна хабар буриб.

– Ирий иш заманаличиб ца юлдашли бурни хIясибли ГIяргIяла гидгури духили хъурхъбала пукънази кадихъибтири. Илдани гъал бархIили нушаб сакIубти жибIини садитIун. Инкубаторли садитIунтазирад аралы шуцIали процент сарри калунти, арцанта садитIунти биалли лерилра ара-сагъли калун. ХIера ишдусра хозяикас илдази садитIахъес дигули рикIули чераа.

– ГяxIил бетаруси бируси бирар. Ваши, севан кадирхъутил чедаэс нура лявкъяс.

Нуша дурадухъи, ца урчира бабгили, бадира бицібти гидгурира касили, пургъумличи кадиили дурадухъунра. Мер-мераначир лесонасаждениелис кадатурти галгубачир хъурхъби пукъназир дархили чедиулри.

– ХIера, ирий иш мерличи кадихъибири. Иличибли биэс ишдус ишар пукъни камли дарили чедаа. Илдира, барисиличи шакъдикили, цархIил мерличи ардякъи диэс.

Нуша гIурра гIяхIцад гъараҳъси гъунчи ардякъунра. Мер-мерличир илдигъунти пукъни чедиули диалра, илар тIашдилзули ахIенри. Рахли ца мерличир хъурхъбала халаси «шагъар» баргира. Разивиубси ГIяхIмадли Тамадарib: «ХIера, нушани гидгури иш «шагъарлизир» ибgehIе.

Нуша чедаибхIели хъурхъби дунъя бучIахъули дучIулри. Илдала вявдешличи хIерхIеили, нушани пургъум илаб тIашаира.

– Гъанна ну ишди галгубачи айцIус, хIуни набчи бурхъуси бадира гъар пукъалис кIи-кIел гидгари кайхъили бурхъен, или, ца дуб тIанилли вайлизи бигъи галгаличи ацIиб. Удивси нунни биалли, ил ацIибси галгаличин пукъни дейгIи бадиравизи гъал гидгари кадихъили, бархъира

Илини гъар пукъя халбарили, иларты гидгури дура иғъубли, кIи-кIел гидгари кадихъили ил галгаличири пукъни тамандарии царил галгаличи аркъун. Илкъядали нушани ил бархIи бадира бицібти гидгури кадерхахъурра.

Нуша илар адархили лералцадхIи арцантни нушачил дяхIес хIядуртиван чедулхъутири. Хаслира галгубачивси ГIяхIмадличил.

Нушала илаб бирузи хIянчи таманбиубхIели, иларад гъараҳъдикили, нушала хъулиб таманхIебарили калунси ихтилат даимбарира. Нуша илар лералли цацадехI хъурхъби паргъатдиубли чула пукънази чардукъири. Илдани балули хIедииши чула пукъназирти цархIилти арцантала гидгури диъни. Яра илдас ца багъя бииши сегъунти-диалра, пукъназир гидгури лерли диалли.

– Гъанна жибхIини касес мурт вакIес гIягIинисив?

ВеңIну урчIемра бархIи дикибхIели, вакIили гъарил пукъя халбарес гIягIинибиркур.

– ГIяргIя хIябцIали бархIи кавлули биарргу?

– Ил бархIи вакIибхIели цали яра кIили садитIи дирап. Гъану кIира бархIи дикалли, лерилра садитIи тамандирути сари. Ирий ца бархIи къаниубхIели, жибхIини чули дерги, пукъара бархъбатури, ардякъири.

– Даршал гидгари кадихъибхIели, гехIцIали жибхIя сарри дикибти.

– ХIебиалли илдани садитIи гIергъи чула жибхIини хIедиъни балули дуили сари.

– Илкъядали бетарули биэс, юлдаш. Гъанна иша кадихъибхIели, гIур дус иш мерличир пукъни дирхIедиру?

– ХIебиалли арцанталара аргъала дуили саби.

– Гъарил мицIирсилис сунес даарицад аргъала дедибти диэс.

Редакцияла шайзибад: ХIела юлдашли тIабигIятличи къаршиси такъсир бибули сай. Илини пукъализирад арцантала гидгуги лайдикIули чеибхIели, хIуни ил ватурлири, илгъуна барес асубирузи ахIен хIеили. Асубираву гъатIи арцантала гидгури лайдакIили илдала мерличи гIяргIяла гидгури кадирхъес! Жанивардеш саригу илди.

УБАТИ ГАЛГА ХІУНИРА

ТабигІятли лугуси давла кыматлабарес хІейэсцад халаси саби.
Адамлис мицІирдешлис, арцантас, ургубалис шин –жан сари. эгер шин
агарти диалри, дунъяличир мицІирдешра хІедири.

Гялимтани бурули къяды, ца галгали ванзалис авал тонна шинна, ца
адамлис баари къадарла кислород лугуси саби. Кислород агарлира мицІир-
деш дирути ахІен. Галгуби агардиалли гІнзурбазир шин камдирап, бяхІруг
хъуми шурмачи шурдулхъан.

Галгуби тухтурти сари. масала, дугІла гІнцла галгала вавни канила из-
лумас, мяхІяули – уркІила, биризла кам – урцецунас дармандирап. Махъла
кІинчІби дягІла изайс, хурла ва цархІилти галгубала вавни, щедеш декІар-
декІарти излумас сабабдирути сари.

Галгуби ургар «талхъан» галгубира лерниличила балутира бургар. Илдани
чус бариси гІяхІдешлис ва зараллис лайикъси жаваб чарбиру.

Нушала шилизиб Хіябкъади бикІуси мерличиб дурхъаси галга саби или,
заб дараҳъес ила булгес башутири. Булгес бякъунхІели, забра дирутири. Чидил
някъби хъусли ил кабяхъibal, илала гІергъи адамти ила булгес башулихъар,
чумал дус заб хІедибули калун. Галгуби кадирхъули машъурдиэс бажардихІе-
диркули, илди удалтули, чедалтули ванзаличир хІушала къел-хІерзи гІелар
калахъес къайғъибарай.

Галга кабирхъухІели, илав цугикибсила уркІецІихІедухъес хІедирап. Ка-
биркуси галгала тіамаличи лехІахъадли, уркІи кІантІбирап. Бардала къутІлис
руржути кІапІри, тирхъти къялуби, бялчуси галгала чІяр – илгъуна агиличи
уркІецІихІедухъес дирау?

Даршани дусмазиб ургуба жагабиуси, чумилра гъункъя дягІцІилиу
хъурабиуси, сунела бизити ціедешли лявбиуси галга, ца вайнукъя адамла
баркъудили агарбариб. Илдигъунти адамти, сеңад хІейгеси биалра, чилилра
жавабличи битІикІули ахІен. Илис ахІенара вайнукъябира баҳъбикІути?

Сен адамти чус ва чула чеалкІуси наслулис тіабигІят калахъес пикрихІе-
булхъути. Шимази газ бакІили гІергъи галгуби кадирхъути камбиубли биалра,
илди удалтнила хІянчи хІярхІли бузахъули саби. цацаべхІтани чус бутІали
баиси участокличи ціедешла галгуби удалтни гапхІебарес хІейрап.

Дубуртазир гІежа-къяй дихІнили гъарил адамлис гІяхІдеш бетарули биал-
ра, илдани, пикрибараалли, лебтасалра вайдешра бетарули саби. гІежа-къяй
ганзи аbihхъибси адамван галгаличи адіцІули, кумри ишхъули сари, къялуби
дугулицун ахІенну. Адамта ил секІал пикрибирули ахІен, чус лябкъуси пайда
ахІенси.

Дубуртазир ціедешла галгуби яра овошуни хІедашар бикІутачи лехІхІехъи-
ли, хъулрала мякълабси анхълизи тіутІила галга убатурра. Илабра ца кІатІала
мурхъдешла гІянжи биалра гъар дус диштІати диалра ціедеш лугули, бухъули
саби. Илала гІергъи шилизиб тіутІила галгуби удалтути леб.

Гъалабла халкъли бурусири, хивла галга убатурси ил сунела хъябван

буршубаибхIели, убкIар или. Ил халкъла буралаличи лехIахъили шилизиб хив убатес урухкIутири. Ил багъандан Совет хIукумат кабизайчи КIишала шила авлахъличиб хивла галга дакIубухъунси ахIенри. Гъанна бусягIят билли илди имцIадикIули сари, ишар хиярти, хIятта харбузуни дашар, амма дилкъули ахIен.

Бамсриахъес, шадиб-гъуни барес вацIализи укъясли, илар деркунти цIедешла къуми галгуби агарси чIянкIси мерличи удалтули вирус. Белики илдазирад дакIибти къадубала цIедешли нушала дурхIини разибарес.

ВацIала арцантанира илкъайда бирули саби. Гъачам нуни чебаира хивла галгаличибад касили хив секъяйда арбухили ванзализи абалтулрил. ИлхIели пикри бакIиб: хIерагу, гъарилли илгъуна баркъуди дурабуркIалри, нушала дубурти цIедешла унхъри детари. Гъабил дус хив убатурси мер халбарес вякъунхIели илаб бара гъаббакIили, дунъяла шалаличи иштяхIси бухъала багъарбиублири. Ил-алавти къарлизибад умубарили, хIаяван къячхIебикесли барира. Илаб чумал дусли адамтас цIедешли мабикIуси галга бетарар ит къибкъяла баркъудиличибли.

Дахадаевла район, КИиша,





**Ибрагъимхалил
МЯХИЯММАДОВ**



ТІАБИГІЯТЛІЧІЛСИ БАРХБАС ВА БАРСУРСИ БУЗЕРИ

Нушала дунъя кабизурхіейтчыбад бехіхьили дугіби ва забли дубуртазир шакъурби детараҳъули сари. Глялимтани бурули саби илди дугібала ва шинна асури сари (эрозия) или

Гъавала илгъуна агили миллионти дусмазир дубуртала ва лусентала къамани диркъидиулри, дубуртала арагіер сиртани дугіба ардихулри.

Чебаэс усалсили кабилзуси бухъалали илгъуна аги тіашаиб. Галгубала ва къарла мякъяни гіянжила цацадеңіти къалми цаличил ца цапіакахъун, цементли къядә дебакадарыб ва құмали дихіулри илди замана баайчи... Адамти ванза бузыхъес бехіхъайчи. Илдани ціали игулри ваңірбі, авлахъуни далцуулри. Дугіла къарла, къадубала ва галгубала мерани дейгіуті къаранани дуциб. Амма абзур дуслизиб ванза кіпібурули ахіенри, чіянкіли авал шел баздахілис сабри или бетаруси.

Цацахіели абзур дуслизир чіянкікадиубли кавлутури. Ахирра, чус хіей-галра, адамтани ванзала къаңдурцуни датдухъахъун. Някъбала бузери бехіхъиб.

Хіеб халати дугібани, дүңірум кіүх или дучіуті чаяхі-забли, гіебшни духъяндилті забли чіянкібарибси ванзалис шинни бяхъ чейгахъулри, бяхіругуназиб, чус камси биалра мер бургулри ва илад мурғылизи духъесті гіянжи ардихулри. Ца гектарличирад гъар дус веңіан тоннаби духъути гіянжила ардихулри. Чархіедиесли азотла, фосфорла, калийла килограммти – духълумала савлила, хіерейсла, дугела бергала бетихъулри.

Тіабигітла лерилра цалабикуни-ургаб алавчарси агиличила гіячихъли балахъути духълуми даргес хіейрап. Илди ванза ва космос дархдалсахъес гъуни чебиахъанті сари или гъанбиркур.

Гъаб-убла гіялимтани нушала дунъя хабарагарти авал анцібуқыличил: шинничил, ванзаличил, гъаваличил ва ціаличил бархбасунси саби. Или бурулри ва илди ахтардидиутири. Эгер гъарли-марси миңірсі тіабигіятличи хіеризалли, багъесли саби илди хабарагарти анцібуқуназир чіянкіли духълуми гіяхіил дузули діньни. Духълумани шинназир даңбыти бергалала зе ванзализирад кайсули сари, гъаваличыбад биалли – берхіла шалали белкъунси углекислый газ. Шалала цакъ хлорофиллии шурбулхъан. Хабарагарти

илди авалра анцібукулизибад цализиб камси барсдеш бетарар, бусягІятал духълумани ил чускабириу. Ил багъандан духълумала кабизла хІялумцілаби гъачамичир гъачам имціадикІулри.

ИшбархІи ваціалис арцантала, шайтІа къапІнала, бактериябала, къарла ва галгубала цалабиклизирад уркасая арцант-вацІа бусягІятал заралчиба буга. Илкъядали имиули уркасадалли (вацІа умубиранти), заралшибани бирцІур вацІа. ВацІа хІебиалли, хҮркІби дуръар. Ванзаличир дахъалгъунти чынкI авлахъунни вацІурбии дыхъниличирли акІубти сари. Галгуби агара диалли, дахъалгъунти арцант-ва имиули хІердиэс хІедирап. ВацІализибад кислород кайсуси саби ванзала духълумани. Илдани углекислый газра кайсу.

Ил табигІятла рахаж цархІил шайчибад хІербирахІе. ДибгІянти жанивартала (тля) ца жутли дуслизир ванза кІапІбарести дурхІни диркъу. Амма илкъядайда бетарахъули ахІен. Къарлизир лерти жанивартани илди диштІаганти агардиру. Заралчи, сунела яргализиз, хІеркабириули саби, цайли цаси бергала лебниличибли.

ГІяхІти багъудлумачилти ва гІякълучерти нушани гІергъиси заманаличи бикайчи балули ахІенри (гІе гъаннара вайтІа балулра) – ванзаличирти лерилра мицІиртира мицІирли ахІентира сегъуна уржиси бархбасличил хІерируили. Ца анцібукулы кІиесилра алкІахъу, – сабабти цализирад итиллизи лугули сари, ванзала лебилра чедила дуб-дубли заябируси шиннисибси шившитІанничи шурбалтули саби. Ил доминола къайдали бетарули саби, цаличи ца гъамли ташдатурти илди гІергъисигъуналичи бара гачдикалра лерилра кадиркур. ХІухІбухъни кабухъунси урехила варачанничи шурбулхъули саби. Илини вацІа заябиру, иларти стройкаби гъятІдиахъес асубирап. Нясдешунала, къаркъубала варачанни гъалаб къаршибикибси хусбирхъу. ХІебиалли мяхІкамдешла гІягІниахълуми дихес гІягІнибиркур.

Щакъанала царугдеш или ируси ил анцібукула халаси къадри леб. Ванзаличирти гІямру гІердуцилизиси царугдешлизиси сегъуна биалра звено убкасалли, мицІирдеш бубкІар. ТабигІятличиила гъайикІалли илис мяхІкамли гъуни чебиахъес чебиркур.

Нушала ванзаличи, лерилра мицІиртачи дигили, пасихІдешли гІямру жагадириу ва адамра разивирахъу.



Поэзия

Мяхтимад
МУРТУЗАЛИЕВ



АХИР

Ургуба жагабарес
Аллагыли актахъубси,
Табигиятла къаркъдешли
Капталла пяхбарибси,
Вава саби буръули
Алавчар рурхехъуси.

Нушачира хөрли саб
Вавалагъуна кысмат,
Сегъуна сабил ахир

Дигахъуну хөзивад,
Сархес бара хяракат
Дунъяла халал лигимат.

Адамли балхебала
Сецад ихъусил гъуни.
Чилилра бурес хейрар
Ишаб се бетараал:
Вава жавли буръарал,
Гымру гъаладиркурал.

АДАМДЕШ

Виадли ахъял, ваши,
Вигулрину, ху кайи.
Хера, бержа чаялара
Каса бутла къацлара.

Ахъибси гъуни бурги
Къянси ва гъарахъси.
Хера каса гъянала,
Тахличи кайхъен ахъси.

Хъуравиубси ахъяйс
Дяхъ шалали кадуца.
Хөзив лебси цакъличи
Хөрьили някъ гъабуца.

Хөбареси барили,
Увухъадли ху рапхи,

Хед хабарра агарли,
Вялчари декиси махли.

Кани лукъуси ахъен.
Лезми бүмсуси ахъен.
Хөгили чузи пурбан,
Ари мяхкамли бихъен.

Илди хед вайдиалли,
Сари кибяхъян ханжал.
Мяхкамли хедихъядли,
Сахъерхид хуни гъалжан.

Къяна-шилтахъ ва макру,
Гымуркүдеш, уктемдеш
Виадли гъарахъдарес,
Илди сари адамдеш.

ДАРШУДЕШГИЕРЛИ

Дургъбазиб алхунтала
БебкIа саби Игитла.
МицIирли калунтала
ГIямру сари хIурматла.

Игитсун алхунтала
Уми дала жагъилта,
МицIирли калунтала
ГIямру руркъя алкIута.

Гъалмагъдешра, бархъдешра,
УркIилизив гъаргдешра –
Илди сари гIягIинти
Улкалисра халкълисра.

ВацIурби, урхъни, хIуркIби,
Багъадурти дубурти...

Илди датахъес уршби
Саби дайм хIядурти.
«Гъирбарибси хяли бецI
ХIебурцу» бикIуливан,
ИшбархIила гъармукни
Бетихъур агартиван.

Дагъистан ва Россия
ДекIардарес, гIянддакIес,
ХъулбикIути бахъал леб
Мер бургу илда бебкIес.

Нуша даршудешгIерра!
Аргъаб дунъяла инсай.
Урухдарес лявкъуси
Сунес ахир бурган сай.

ГЪАБЗАДЕШ

Духусила гIердарес,
Ну гъабза сайра викIес,
Гумайлизив гъайухъи,
ГъархIели вирап бурес.

Къияйзи викибхIели,
Жавабкардеш дяхIяэс,

Гъарли-марси адамли
Гъамадли ахIен калес.

БекIлизив агарсили
ГIякълу чинабад кайсув?
УркIилизир агарти
Гъабзадеш чинар дургув?

ХЬУНУЛ АДАМЛИС

Дила шишала гажин,
Милигти бужахъуси,
Ну ужасли гIайибу
ХIед далуйта учIуси?

Калаби хIу разили,
Ахъли далайрикIули,
РяхIялти гIямрулизив
БиштIати абилкъули.

Чедиулра хIела нур
БерхIила шалализир,
ХIела дяхIла шаладеш
РурхIули сар Бацлизир.

ХIела макъамта дучIар
Лусентачир булбулти.
ХIед вавни дучес умцIар
Сагназир байтул мукъри.

ДяргIибти шинна урунж –
ХIела лезми гъайбулхъан,
Закиб верхI-рангла зурхIяб
ХIела рангли пархбулхъан.

Ну хIела арадешлис
ВикIулра ахъли дерхъаб!

ХIела ургубализир
АнкIи ва мяхIяр духъаб.

Мурул адамла багъа
ХIезиб саби, рирхай.
Илини хIу багъандан
Жан кадирхъуну багъи.

ДИГАХЪИРА ХIЕРИЭС

ХIела хIулбала хIерли
Шалаварра нурливан.
ХIела муръил лезими
Къагъирулра абдалван.

Наб хабарра агарли,
Гъачам гъайрухъунхIели,
Даимбариб гъалакли
Тумазиб баша хIили.

ГляхIличи хъуликIуси
Ну пакъирла дурхIяла
АкIуб, хIу се рикIадра,
Пикри някъ буцес хIела?

Дигахъира гъайухъес,
Пикри бурес уркIила,
Дигахъира хIериэс
КъацI букули анкIила.

УРКII КАВЛАН БУЗУЛИ

Аркъулигу замана
Датурли жагъдеш, хIяндеш.
Савли аръя маркаван,
ПяхIли дуун дурхIядеш.

УркIила хIяланазир
Щакълигу ламдикIудеш.
ДайхIерила замана
ХIела ванарикIудеш.

Бунагъ агар дурхIяван,
ХIела рухIла умудеш.
Дила къагъси уркIилис
Лебгу хIечи гIягIинидеш,

Хъарзабла нураниван
Сарри хIу наб ухули.

Дила пакъир рухIлизир
Сарри хIу ралрикили.

Дугили гъанкIлизирра
Чериулри хIуруцIли.
УркIила тIама иргъис
ДучIул дамлаван ахъли.

Асубирап ветахъес
Гъумлизиб шинна кIантIван,
УркII бузули кавлан
Сагали акIубсиван.

Илини сагадиру
ДуцIар дигай ва карцIай,
Гляшикъти жагъилтани
Ахъли бучIесли далай.

НИЗБАНИ ВЕРГУНСИВАН

Чебиули ну-алав,
Адамти ну тахIярла.
Кайрулра суратдарес
Сипатуни илдала.

ХIябра къиянни бираар
Илгъуна сурат барес.
Даргес хIейрулра дугъби
Сурат мешуси барес.

Батирайли руруси
«Келекла бурям» сарри.
Гъямар Хайям викIуси
«Анжанала жан» сарри.

Гъачамри чераибси –
Щадикахъири хIуни,
ХIела хъайчи лявкъуси
Гъуни ихъулра нуни.

Чераэс хIебиркули,
КъунзикIулра гушсиван.

Паргъатиэс хIейрулра
Низбани вергунсиван.

Наб шарабли бирцIуси
ВерхIел рангла суряхIи.
Касес имкан агарси
Дила закла зубари.

ХIед гапдикIули калаб
Шиниш къарра вавнира,
ДалайкайкIули кавлас
ХIечи Гяшикъуси нура.



ДАРГАЛА ХАЛКЬЛА БУРАЛАБИ

Үнци делкъалли, къачни лимцІдикІулира дуар.

Гъуни кабердес къиянни бирар, кабердибисиличивад вашесичиб.

ХІян занзиличибад жанай вава хІебашар, гажа хяли мукъара хІебиркъу.

Вайси – вегІлара катмалг, гІяхІси урхІлара вебкІмебкІ.

ТІяхІухъен викІусила ахІен тІяхІ бялчуси, тІяхІухъунсила саби.

ХІякимла гъалав ва эмхІела гъалав къаршиикни цаван урехила саби.

Гъай-мезли урши хІеркъу.

Мургъи чяртлизи кабикаллира нясхІебирар.

ХІулби урухкІар, някъбани биру.

ВиштІасила уркІи бугаси бирар.

ДяхІ-рухІла дяхІимцІала сари.

БехІихъуд лебихІиб, ахирра биэс чебси саби.

Баркабан вегІла хъали, биалра шахла вацІа.

Дура шилизирадси талхъа рурсиличир, вегІла шилизивси каричила рурси гІяхІси

сари.

ЗяхІматчила къарадди къабачалабра бала.

Вашусини бирар гъуни ихъуси.

Чеди чебашуси хІебиалли, лебси жявли кабурхар.

ХІебумгуси къял бихІули хІебирар.

Гъарил секІа бехІихъуд ва хъараҳъуд лерти сари.

Халаси вайдеш барес шел секунд даибти сари, халаси гІяхІдеш барес дусмадли

узес чевкъар.

Узули тІалаббарибси давла хІярамси ахІен.

Верша агарли, душман кахІершу.

Хъулки-талхъайчивра цАкъси сай.

КъацІ къадарихІи, лихІи буцили викули сай.

УбкІалли, хІурмат лебалли вебкІаб.

Аллагъыли цалис мургъила бекІ луга, цалис – мургъила някъби, хІябэсиллис –

мургъила уркІи.

ЭмхІе башуцадхИи саби хІябируси.

Чархлизиб къуватагар я газали тяй мабаракъ, машина хІебикеси я нешли урши

маваркъ.

Жявли айзурсира жявли хъайчикайбсира пашманхІейрар.

ХІярамсила баракат бируси ахІен.

Гъяркулизиб вайличиб гъяхъси гъалаб чебиэс чебиркур.
Бегити сегъунти биалра, дурхънира илдигъунти биар.
Вайна адам гъяхълейтар, хъулки гъалагъур хълейтар.
Умуси цалира хъейту, нясси шиннира умухъебири.
Бебкъа жагаси саб, вебкъес багъалли...
Хъебиркуси хъалис лига бикалли, шила дура арбиху.
Азаддеш ва бархъдеш цаличил ца дархдасунти секъал сари.
Сабурла умхъу мургъила биар.
Талихъичерти гъяркула цаибил ганз даршудеш саби.
Шанни шан гъамадли ургу.
Агарсила шалбар верхъли кабердес хъебири.
Мешурайчи шакирлан шими умцъули дургу.
Дура шанра шанирар, шантани шанарапли.
Изай къаркъала къантъебири.
Агарли гъяркула, левлихъар гъяхъдешагар.
Дила урчи мез далусилизиб къаршибикаб.
Держла кепдеш чераркъян, къацъла кепдеш архъякъян.
Батъан багъандан вебкъисила хабар хъебубкъар.
Балкъунси тъярхъила балкъунси къярда биар бетирхъуси.
Аллагъли хъегибси барес хъейтар.
Бисмилла ибси бусурмайс алжана бедаб.
Велкъира или къацъра, ванали или хъякъара урдалтути ахъен.
Сабурли бирхауди сарху.
Бегити сегъунти биалра, дурхънира илдигъунти биар.
Гъяркулизиб вайсиличиб гъяхъси гъалаб чебиэс чебиркур.
Хъярамсила баракат бируси ахъен.
Буцес тъели агарси, кабихъес лутъи агарси.
Бебкъиб бикъар дубриб бецъ.



Дубуртас къарауичир



ISSN 0235 - 0149

Индекс годовой 31176
Индекс полугодовой 73892

Гъалмагъдеш



Дагъиста Халал Р. XI. ГъябдулатИповли
цаибил гъарш кайули